

Wël Jethu cì Matheo gõt

Wët nhom

Athör Matheo ë jam Wët Puoth Yam ye Jethu raan cì lueel, yen bï kɔc waar yiëth kârac yiic, raan yen cï kâŋ kenhiim tiëŋ thïn, kâk cï Nhialic thôn kacke. Kâkkâ, aa yeku yök athör thëer wël Nhialic yiic. Wët Puoth Yam kënë acie tënë kɔc Itharel kepëc, kɔc kek ke dhiëeth Jethu thïn ku diit kamken, ee wët puoth lëk thëi ëbën pinyhom.

Athör Matheo acï ñic guiir. Ee rot jɔk dhiënh Jethu, ku teet miöc nhom ë Jethu ku tẽ cï jɔŋrac ye them thïn. Ku wëetden yen kɔc lëk tẽ bï kɔc pïr thïn aköldä, ku piöcde ku tẽ yen kɔc kuony thïn Galilia. Ku ë kâkkâ cök ciëen, Matheo acï tẽwäär jiël Jethu Galilia bï la Jeruthalem gõt aya, cimën kâk cï röt looi tënë ye wäär bï ye guo nök, cï bën la thök piëët cï ye bën piäät tim cï riïu kôu. Ku jɔl aa jön cï yen rot bën jɔt.

Athör Matheo ë Jethu nyuwoth ke yen raan piöc ril ñic kâŋ apei, ke la riel yen lõŋ Nhialic teet yic bï lööny kɔc puoth apath, ku ë piöc kâk Bäány Nhialic aya. Abandit piöcde yic acï Matheo tek yic dhiëc ku gët këlä,

Piöcde gõt nhom rin ñic ciëŋ ku tẽ bï kɔc ye Bäány pan Nhialic këden la thïn aköldä. (cökdit 5-7)

Lëk tënë atuuc kathiäär ku rou ë luçiden bïk looi. (cökdit 10)

Këŋ rin Bäány pan Nhialic. (cökdit 13)

Piöc rin atuuc. (cökdit 18)

Piöc rin thök piny, ku Bäány pan Nhialic bï bën. (cökdit 24-25)

Kâk tō thïn

Kuat Jethu ku dhiënhde	1:1-2:23
Piöc Joon raan kɔc muwoc nhïim.....	3:1-12
Miöc nhom Jethu ku tẽ cï jɔŋrac ye them thïn.	3:13-4:11
Piöc Jethu Galilia	4:12-18:35
Jäl Jethu Galilia bï la Jeruthalem	19:1-20:34
Nïn ciëen kadhrou thuonde nhom tueŋ	21:1-27:66
Jön rot ku nyooth rot ë Bänyda.....	28:1-20

Kuat Jethu raan cī lɔc ku dɔc

(Lk 3:23-38)

- 1** Käckä aa rin kuat kɔc ke dhiëeth Jethu thiin, kuat Bënyɲaknhom Debit bö cök tënë Abaram.
- ² Abaram ë ye wun Ithäk.
Ithäk ë ye wun Jakop.
Yen cī Juda bën dhiëeth kek wämäthakën kök.
- ³ Juda ë ye wun pandiëet, Peredh ku Dhara ku manden ë cɔl Tamar,
Peredh ë ye wun Yedhron
ku Yedhron ë ye wun Ram.
- ⁴ Ram ë ye wun Aminadap,
ku Aminadap ë ye wun Nacon,
ku Nacon ë ye wun Thalmon.
- ⁵ Thalmon ë ye wun Boath,
ku man ë cɔl Rayäp.
Boath ë ye wun Obet,
ku man ë cɔl Ruth,
ku Obet ë ye wun Jethe.
- ⁶ Ku Jethe ë wun Bënyɲaknhom Debit,
ku Debit ë ye wun Tholomon, ku man ëcī kaɲ aa tiɲ Uria.
- ⁷ Tholomon ë ye wun Raboam,
ku Raboam ë ye wun Abija,
ku Abija ë ye wun Atha.
- ⁸ Atha ë ye wun Jopat,
Jopat ë ye wun Joram,
ku Joram ë ye wun Udhia.
- ⁹ Udhia ë ye wun Jotham,
Jotham ë ye wun Ayath,
ku Ayath ë ye wun Yedhekia.
- ¹⁰ Yedhekia ë ye wun Manathe,
Manathe ë ye wun Amon,
ku Amon ë ye wun Jothia.
- ¹¹ Jothia ë ye wun Jekonia, ku wämäthakën kök, ku jɔl ke peec ku yëth ke Babilonia.
- ¹² Wën cī ke yäth Babilonia aaci la dhiëth kälä, Jekonia aci Cealtiel la dhiëth.
Cealtiel ë ye wun Dherubabel.
- ¹³ Dherubabel ë ye wun Abiöt

ku Abiöt ë ye wun Eliakim.

Ku Eliakim ë ye wun Adhor.

¹⁴Adhor ë ye wun Dhadok.

Dhadok ë ye wun Acim,

ku Acim ë ye wun Eliöt.

¹⁵Eliöt ë ye wun Aliadhër

ku Aliadhër ë ye wun Mathan.

Ku Mathan ë ye wun Jakop.

¹⁶Ku Jakop ë ye wun Jothep mony Maria,

ku ë yen aci Jethu cɔl Raan ci lɔc ku dɔc bën dhiëëth.

¹⁷Këya, kuat Jethu ë kith, ee ye yic thiäär ku nuan jɔk Abaram yeet Debit, ku ben yic aa thiäär ku nuan yeet tēwäär ci ke pæc Babilonia, ku ben yic aa thiäär ku nuan jɔk kɔc ci dhiëëth Babilonia yet dhiënh Jethu raan ci lɔc ku dɔc.

Maria aci meth yök ke cïn moc

(Lk 2:1-7)

¹⁸Dhiënh Jethu ë loi rot këlä. Maria ë wic Jothep bi thiaak. Tëwën këc ye gam, ke yök ke ci liëc ë manh yök tēnë Wëi Nhialic. ¹⁹Jothep, raan awën wic ye bi thiaak ë ye raan path, ku akëc wic bi Maria yöör guöp, go wic bi puöl ke cïn raan piñ ye.

²⁰Tëwën wic yen kënë bi looi, ka atuny Nhialic nyuth rot ye nyuöth yic ku lueel, “Jothep, manh Debit, duk riöc ba Maria ci thiak, rin ë riel Wëi Nhialic yen ayök yen manh tō yeyäc. ²¹Yeen abi menh moc dhiëëth, ku aba cäk ke cɔl Jethu rin yen ë raan bi kɔc wëër bei adumuömkén yic.”

²²Kënë aci rot looi këya, bi wët Nhialic ci raan käkke tiñ lueel yenhom tiëñ. Ku wët kënë ëci lueel ëlä, ²³“Nyan bim abi liëc, ku abi manh moc dhiëëth ku abi cɔl Emanuel. Ku wëtde yic, Nhialic atö kek yook.”

²⁴Këya, Jothep aci kë ci atuny Nhialic lëk ye gam, ku yëth Maria baai.

²⁵Ku aa këc rëer cimën tik ke moc yet tē dhiëëth Maria wënde, ku ciëk Jothep ke cɔl Jethu.

Jethu aci nyuöth kɔc thäi

2 Tëwën ci Jethu dhiëëth gen Bethalem pan Judia, wäär ye Yërot Bëny. Ke bäny kök ñic käk Nhialic bö piny ciëen ku yëëtkë Jeruthalem, ²ku thiëckë, “Tō Bënyñaknhom kɔc Itharel puɔc dhiëëth tēno? Ciëërde acuk tiñ piny ciëen, yen abi yök buk bën door.”

³Nawën piŋ Bëny Yërot ë wët kënë, ke jieth puɔu, agut kɔcdit kāk Nhialic Jeruthalem aya. ⁴Go bānydit kāk Nhialic, ku kɔc piöc lööŋ cɔl ëbën ku thiëc ke, “Ye tēnen bi Raan ci lɔc ku dɔc dhiëeth thīn?”

⁵Gokë lueel, “Abi dhiëeth gen Bethalem pan Judia, cit wët ci raan kāk Nhialic tiŋ gõt ëlä,

⁶Yin Bethalem pan Judia,
na cɔk alɔn koor yin kam gæthdit pan Judia,
ke yin abi bëny mɛc
thāndiën Itharel tuɔl thīn.’”

⁷Go Yërot bāny wën bö ciëen cɔl ë röt, ku thiëc ke aköl tiŋ kek ciëer panden. ⁸Ku cɔl ke aa bɛr Bethalem ku thɔn ke ëlä, “Lak wiëckë meth apeɪ ku na yökkë, ke we dhuk bāk bën lək ya, ba la aya, ba la door.”

⁹Nawën cik wët Bëny Yërot piŋ ë ke lööny dhöl, ku tiŋkë ciëer wäär cik tiŋ ciëen panden ke wat kenhīim, ku ler ku këc yöt nhom, yön tō meth thīn, ¹⁰ku mitkë puɔth apeɪ. ¹¹Ku lek yöt ku yökkë meth kek man, ku gutkë kenhīɔl piny ku dorkë, ku liepkë jɔgɔken thook ku juërkë milöŋthith, ku adöŋ ŋir mit tuɔlde ku adöŋ kec.

¹²Nawën ke nyuɔth ku lək ke bik cii dhuk tēnë Yërot, gokë dhuk panden dhël dët.

Meth aci rieŋ Ijip

¹³Wën ci kek jāl ka atuny ë Nhialic nyuth rot Jothep ku nyuëeth ëlä, “Jɔt rot ku luɔc rot wei kek meth ku man ku lak Ijip, ku rëërkë thīn yet aköl bi yen we lək bāk dhuk, rin Yërot awic meth bi nök.”

¹⁴Go Jothep rot jɔt ku nyɛɛi meth kek man ë wëer kënë, ku lek Ijip. ¹⁵Ku rëërkë thīn yet aköl thou Yërot, rin bi wët raan kāk Nhialic tiŋ, ci lueel theer ëlä yenhom tiɛŋ, “Yen abi Wëndië cɔl Ijip.”

¹⁶Nawën tiŋ Yërot lɔn ci bāny ke bö ciëen ye ruëeny, ke riääk puɔu. Ku cɔl mīth rōör aa nək ëbën Bethalem, ku bëi kök thiääk kek ye, mīth ye ruönken rou, ayi mīth kök këc run karou dööt, cit tē ye tāk ye tēwäär piŋ yen wët tēnë bāny ciëen.

¹⁷Ku kāk ke ci Jeremia raan kāk Nhialic tiŋ lueel theer, aaci kenhīim tiɛŋ thīn. Ku ëci lueel ëlä,

¹⁸“Dhiëü ëci piŋ gen Rama,
dhiëü ku kiɛu ë dit apeɪ.
Kɔc Itharel aake dhur miëthken,
Ku aacii wëc ë puɔu ye gam,
rin ci kek thou ëbën.”



Ku yökkë meth kek man (2:11)

Meth aci dhuk

¹⁹Nawën cī Yërot thou, ka atuny Nhialic ben rot nyuöth Jothep pan Ijip, ²⁰ku lueel ëlä, “Jot rot, ku dhuök meth kek man pan Itharel, rin kəc wäär wic ye bik nõk aaci thou.” ²¹Go Jothep rot jot, ku jiël kek meth ku man, ku dhuk pan Itharel.

²²Nawën piñ lön ye Arkelao bëny Judia nyin wun, go riöc bi la Judia, ku ben nyuääh, go muöl la Judia ku ler Galilia, ²³ku ler ku rëer gen col Nadharet. Këya, wël ke cī raan käk Nhialic tiñ lueel aaci kenhiim tieeñ thiin, “Lön bi Jethu aa raan Nadharet.”

Piöc Joon raan kəc muöc nhiiim

(Mk 1:1-8; Lk 3:1-18; Jn 1:19-28)

3 Ye ninkä, Joon raan kəc muöc nhiiim ëci piöcde jock pan Judia, roor tē cii ceñ, ku lëk kəc ëlä, ²“Pälkë luoi kārāc rin Bääny Nhialic aci thiök.”

³Mony kënë, yen eci Ithaya raan kāk Nhialic tiŋ jam rienke theer wäär lueel yen ye elä,

“Raan kākkië tiŋ abi piŋ röl ke jam roor të cii ceŋ,
‘Guierkë dhël ë Bëny, luçikë dhölke bik la cök.’”

⁴Joon ë ye ceŋ alëth ci looi nhiëm thöröl, ku ceŋ gɔɔp ye aŋum, ku miith ke ye cam, aa kɔryɔm ku kiëc. ⁵Kɔc Jeruthalem ku kɔc juëc pan Judia, ku lɔŋ Jordan ëbën aaci wet tënë ye, ⁶ku lekkë adumuöömken, ku jɔl Joon ke muɔɔc nhiim wär Jordan.

⁷Wën tiŋ Joon kɔc juëc akut Parathi ku Thaduthi ke bö tënë ye bi ke bën muɔɔc nhiim, ke lëk ke, “Awek dhiënh käpieny! Yeŋa lëk we bāk kat këreec bö? ⁸Luçikë kāk ye nyooth lon ci wek muöl kārāc yakë ke looi. ⁹Ku duökkë wepuöth tɔŋ ku luëlkë yɔk aa miith Abaram. Alëk we, lon alëu Nhialic bi aleelkă cɔl aaye miith Abaram. ¹⁰Ku ëmën yëp aci ther bi ke tiim yep, rin na ye tim cie luçk miith path, ka yep ku cuet ë mæec. ¹¹Wek aa ya muɔɔc nhiim ë piu bāk luçi kārāc puöl, ku raan bö ciëen yacök abi we muɔɔc nhiim ë Wëi Nhialic ku mac. Yeen adit apei tënë ya, ku yen aci path na cök a warke ka cä lëu ba ke döc. ¹²Yeen acit raan muk lək ë kām, ye rap kööm bi rap tek thook ke miël. Ku wiiu rap ku tööu ke. Ku yɔɔt miël many cie thou.”

Jethu aci muɔɔc nom

(Mk 1:9-11; Lk 3:21-22)

¹³Nawën ke Jethu jiël Galilia bi la Jordan bi Joon la muɔɔc nom. ¹⁴Go Joon them bi Jethu yenhom waar ku lëk ye, “Awiëc bi ya yin muɔɔc yanhom. Yeŋö bi yin tënë ya?”

¹⁵Go Jethu dhuök ye, “Cɔl aloi rot këya. Ee tēde bi rot looi kēlä rin bi yok kë wic Nhialic tieŋ nom.” Go Joon gam.

¹⁶Kaam wën ci Jethu muɔɔc nom, ke bö bei wiir ku tiŋ nhial ke liep rot, ku tiŋ Wëi Nhialic ke bö yenhom kecit kuur ë dit. ¹⁷Ku piŋ röl Nhialic nhial ke lueel, “Kënë ë manhdiën nhiaar, yen amit puöu tënë ye.”

Jethu aci jɔŋrac them

(Mk 1:12-13; Lk 4:1-13)

4 Kaam wën ke Wëi Nhialic la Jethu guöp, ku yëth roor të cii ceŋ bi jɔŋrac la them. ²Ku jɔl miëth theek nin thiärŋuan, aköl ku wëer go cök nöc. ³Go jɔŋrac rot cuöt ye ku lueel, “Na ye Wën Nhialic, ke lëk aleelkă bik röt wel bik ya ayuöp.” ⁴Go Jethu bëer, “Aci göt theer elä, ‘Raan acie pir ayup ë rot, ee pir wël bën bei ëbën Nhialic thok.’”

3:3 Ith 40:3 3:4 2Bŋ 1:8 3:7 Mt 12:34; 23:33 3:9 Jn 8:33 3:10 Mt 7:19

3:17 Cäk 22:2; Wk 2:7; Ith 42:1; Mt 12:18; 17:5; Mk 1:11; Lk 9:35 4:1 Yëb 2:18; 4:15 4:4 L.rou 8:3

*Ku tiŋ Wëi Nhialic ke bö
yenhom kecit kuur ë dit
(3:16)*



⁵Go jəŋrac Ƴəth gendit ku tēəu luəŋ Nhialic nom, ⁶ku lueel tənə ye, “Na ye wən Nhialic, ke yī cuet rot piny, rin ëci gət ëlä, ‘Nhialic abä atuöcke lək bik yī muk kecin, ba yicök ciī deeny alel.’”

⁷Go Jethu lək ye, “Acī gət ëlä aya, ‘Duk Nhialic Bānydu them ë path.’”

⁸Go jəŋrac ben Ƴəth gən bār apei nom, ku nyuth bëëi pinynhom ëbən ke diekden. ⁹Ku lueel tənə ye, “Käkkä ëbən aba yiək yī tē cuet yin rot piny ku door Ƴa.” ¹⁰Go Jethu lək ye, “Jälë, Jəŋ ater, rin acī gət ëlä, ‘Yin abī Nhialic Bānydu door ku loi wëtde yetök!’”

¹¹Go jəŋrac nyään piny, ku bö atuuc nhial ku konykë.

Jethu acī luəide jək Galilia

(Mk 1:14-15; Lk 4:14-15)

¹²Nawən piŋ Jethu lən cī Joon dəm, ke dhuk Galilia. ¹³Ku jiël Nadharet genden ku le rëer Kapernaum, gen thiäk kek wär Galilia, ləŋ Dhebulun ku Naptali. ¹⁴Kënë ëci rot looi, bi wët cī Ithaya raan kək Nhialic tiŋ lueel yenhom tiəŋ,

¹⁵“Piny ë Dhebulun ku piny Naptali,
të la wīr, wär Jordan aləŋtui,
Galilia, wun thäi juəc kuc Nhialic!”

4:6 Wk 91:11-12 4:7 L.rou 6:16 4:10 L.rou 6:13 4:12 Mt 14:3; Mk 6:17; Lk 3:19-20 4:13 Jn 2:12
4:15-16 Ith 9:1-2

16 Kɔc ke rëër muöth yic
 aaci rueldit apei tñj.
 Ku kɔc ciëj piiny muöth yic tën thou,
 ruel aci bën.”

17 Ku ë ninkä, Jethu aci piöcde jɔk, ku lëk kɔc ëlä, “Pälkë luçi kârac,
 rin Bääny Nhialic aci thiök.”

Jethu acä amëi kaḡuan cɔl

(Mk 1:16-20; Lk 5:1-11)

18 Tëwën kueny Jethu wär Galilia yɔu, ke tñj amëi karou, Thaimon,
 ku ë cɔl Pïter aya, kek Andria wämënh ke dɔm rec buçi. 19 Go lëk ke,
 “Biathkë ḡa ku wek aaba piöc bäk kɔc aa dɔm.” 20 Gokë biaiken nyään
 piny nyin yic ku buothkë Jethu.

21 Wën jiël yen ë tën, ke tñj Jemith ku Joon kek wunden Dhubedi riäi
 yic, ke guir biaiken. Go Jethu ke cɔl. 22 Gokë lööny dhöl nyin yic kek
 ye, ku nyiëñkë wunden piny riäi yic.

Jethu ë piöc ku kony kɔc tuany

(Lk 6:17-19)

23 Ku jɔl Jethu pan Galilia kuany yic, ke ye piöc ḡon amat yiic, ku lëk
 kɔc Wët Puoth Yam ë Bääny Nhialic, ku kony kɔc kuat tuaany ëbën bik
 pial. 24 Go lecde thiëi piny pan Thiria ëbën, go kɔc ke tuany tueny juëc,
 kɔc ke rem gup apei, ku kɔc cï jakrec dɔm, ku kɔc la gup nok ku kɔc cï
 ruai, bëëi tënë ye. Goke kony bik pial. 25 Go kɔc juëc apei pan Galilia,
 ku gæth kathiäär yiic, ku Jeruthalem ku Judia ku bëëi kök lɔj Jordan,
 buoöth.



Ku kony kɔc kuat tuaany ëbën bik pial (4:23)

Këŋ miet ë puõu cĩ Jethu piõõc*(Lk 6:20-23)*

- 5** Wën tiŋ Jethu kɔc juëc apei, go la tēthöny gɔt nhom. Ku nyuuc ku mēt kɔcken ye buoɔth röt ye, ²go jam ku piõõc ke ëlä,
³“Kɔc mit gup aa kɔc ë lɛŋ kepuõth,
 rin ye Bääny pan Nhialic këden!
⁴Kɔc mit gup aa kɔc dhuõör rin bĩ
 Nhialic ke waac puõth!
⁵Kɔc mit gup aa kɔc lir puõth,
 rin bĩ kek kë cĩ Nhialic thɔn yök!
⁶Kɔc mit gup aa kɔc nēk tuil puõn la cök,
 ku aabi kueth yeen!
⁷Kɔc mit gup aa kɔc abiökruel,
 rin bĩ keek kony aya!
⁸Kɔc mit gup aa kɔc Ƴer puõth,
 rin bĩ kek Nhialic tiŋ!
⁹Kɔc mit gup aa kɔc ë kɔc döör,
 rin bĩ keek aa cɔl mĩth Nhialic!
¹⁰Kɔc mit gup aa kɔc ye jöör rin wēt
 path, rin ye pan Nhialic këden!

¹¹“Wek aa mit gup tē lēēt we ku nāk we, ku tör kɔc kök wegup wēl lueth ë rienkië. ¹²Yakë puõth miet ku dalkë wepuõth, rin bĩ ariõpdun dīt apei pan Nhialic. Yen ë tēwäär jöör kek kɔc kāk Nhialic tiŋ thĩn aya.

¹³“Wek aa cīt awai pinynhom. Ku na thöök kōu alēi, ke ben dhuök thĩn këdē? Awan cīt kënë acie ben piath. Aye puök wei bĩ ya dum kɔc cök. ¹⁴Wek aa mermer pinynhom ëbën. Gen cĩ buth gɔt nhom acie thiaan. ¹⁵Acĩn raan mermer dēēp ku kum nyin, aye tōõu tēn ë yen Ƴöt mer yic thĩn tēnē kɔc tō Ƴööt ëbën. ¹⁶Këya, mermer adhil tiŋ kɔc ëbën, rin na tiŋkë luoidun path la cök ka lec Wuurdun tō nhial.

Piõõc Jethu rin ë lõŋ

¹⁷“Yakë tak lõn cĩ Ƴen bën, ba lõŋ Mothith ayĩ kāk ye kɔc kāk Nhialic tiŋ piõõc bën rac? Acie tēde, Ƴen akēc bën ba ke bën rac, Ƴen acĩ bën ba ke bën thääp. ¹⁸Alěk we alanden, agut tē bĩ nhial ku piny liu, acĩn wēt koor ayĩ këthiin tō lõŋ yic, bĩ kaŋ määär ke këc guõt nhom. ¹⁹Këya, raan dhoŋ lõŋ tōk kōu, cɔk a lõŋ thin koor, ku piõõc kɔc kök bĩk lõŋ dhoŋ kōu

5:4 Ith 61:2 5:5 Wk 37:11 5:6 Ith 55:1-2 5:8 Wk 24:3-4 5:10 1Pit 3:14 5:11 1Pit 4:14
 5:12 2Lěk 36:16; Luoi 7:52 5:14 Jn 8:12; 9:5 5:15 Mk 4:21; Lk 8:16; 11:33 5:16 1Pit 2:12
 5:18 Lk 16:17

aya, acin tēpeth bī yök pan Nhialic. Ku raan thek ke, ku ye ke piöc abī ya raandit apeī pan Nhialic. ²⁰Alëk we, na cīi piathdun ku luoidun la cök, abī luoi kōc piöc lööñ Nhialic ku luoi Parathī waan thok, ke wek aacīi la pan Nhialic alanayōn.

Lōñ yam awār lōñ theer

²¹“Acäk piñ lōn cī ye lëk wärkuan dīt theer ëlä, ‘Duk raandä näk, ku na ye raan näk raan dēt ka bī luök wei.’ ²²Ku wek aa lëk wēt kënë, raan la puū agōth tēnē raandä, abī luök wei aya. Ku na ye raan lat wämēnh, ‘Yīn acin nhom!’ Ka tēm thou, ku na ye raan lat raan dēt, ‘Yīn acin puū,’ Ka bī yāth pan mac. ²³Na lō juar ariäk nhom, ku lō tak lōn cī wāmuuth puū riääk tēnē yī, ²⁴ke yī nyiëñ këdu ariäk lööm ku lōr bāk kañ la döör wek wāmuuth, ku jōl dhuk ba Nhialic la juēr.

²⁵“Lōc wēt waar yic ku döörkë wek raan yēth yī luk yic. Na cīi lōc looi këlä, ka yēth yī luk yic tēnē bëny. Ku bëny abī yī la thōn apuruuk, ku mac yī. ²⁶Yīn alëk yic, yīn acīi bī kañ lony yet tē bī yīn këthiin kõny tēnē yī kañ cool.

Jethu ajai ë kör

²⁷“Acäk piñ lōn cī ye lueel theer ëlä, ‘Duk tiñ raandä kōr.’ ²⁸Ku alëk we, raan dōt tik ku tuiil ye, kacit raan cī tik kōr aya rin tō yen yepuū. ²⁹Këya, na ye nyindun cuēc yī cōl aloi awuöc, ke ñuēt bei ku cuat wei! Añuëñ ba cōr nyien tōk, tēnē lōn bī yī cuat pan mac ëbën. ³⁰Ku na ye cindun cuēc yī cōl aloi awuöc, ke tæem wei. Añuëñ ba la ciëen tōk, tēnē lōn bī yīn la pan mac.

Jethu ajai ë liöñi

(Mt 19:9; Mk 10:11-12; Lk 16:18)

³¹“Acī lueel aya ëlä theer, ‘Raan päl tiññde athil athör ë liöñi göt tēnē tik.’ ³²Ku alëk we, na ye raan cī tiññde liöñi ke këc wic mony dēt, ka bī ye cōl aloi adumuööm, ku raan thiak tiñ cī liöñi ka cā akōr looi.

Jethu ajai ë kuëñ

³³“Acäk piñ aya lōn cī ye lëk kōckun theer ëlä, ‘Duk mël kuëñ ë lueth, muk kuëñdun ca looi tēnē Bëny.’ ³⁴Ku alëk we, duökkë mël kuëñ, tädë rin pan Nhialic tädë rin ë Bäänyde, ³⁵tädë rin piny, rin yen ë tē mæc Nhialic ku duk kuëñ Jeruthalem rin ë gen Bënydit. ³⁶Duk kuëñ ë

5:21 B.bei 20:13; L.rou 5:17 5:27 B.bei 20:14; L.rou 5:18 5:29 Mt 18:9; Mk 9:47 5:30 Mt 18:8; Mk 9:43 5:31 L.rou 24:1-4; Mt 19:7; Mk 10:4 5:32 Mt 19:9; Mk 10:11-12; Lk 16:18; 1Kor 7:10-11 5:33 Leb 19:12; Kn 30:2; L.rou 23:21 5:34 Jem 5:12; Ith 66:1; Mt 23:22 5:35 Ith 66:1; Wk 48:2

cöökdu rin acie yin yi cak ye. ³⁷Jamdu ë lon bi yin ye lueel amääth ë path, 'Ee këya' ku, 'Acie këya,' Kë ye juak thïn, ee bën tënë jögrac.

Jethu ajai ë guur

(Lk 6:29-30)

³⁸"Acäk piñ aya ke ci lueel ëlä, 'Na yup raan yi nyin ke yup nyin aya, na dhoñ yilëc ke dhoñ lëc.' ³⁹Ku wek alëk këne, duk kërac col këreec dët. Na gut raan gëmdun cuëc ke wël gëm dët aya. ⁴⁰Na wïc raan dët bi këdun path tuöör nyin, ke mät këdun dët puoth nhiar aya. ⁴¹Na cöl raan yi ba këthiek muk tënë ye, ke ruac ba yäth tëmec. ⁴²Muoc raan lim yi, ku na wïc raan këdäj tënë yi, ke gäm ye.

Nhiar kəc man yïin

(Lk 6:27-28, 32-36)

⁴³"Acäk piñ ke ci lueel ëlä, 'Nhiar kəc mäath kek yi ku man kəc ater.' ⁴⁴Ku alëk we, nhiarkë kəc aterdun ku röökkë rin kəc jör we, ⁴⁵rin bi wek jäl ciët mïth Wuurdun tö nhial, rin ë piny cöl abak tënë kəc path ku kəc rec kedhie, ku cöl deñ atueny tënë kəc ë luui këpath ku kəc luui kërac aya. ⁴⁶Na nhiar ke ë kəc nhiar yi kepëc, ke ye rin nõ bi Nhialic yi kony? Cïi kəc kut ajuër ye looi këlä aya? ⁴⁷Na yeke muööth ë kəc mäath kek yi ë röt, ke la këpeth ca looi wër yin kəc kök? Cïi kəc cie kəc Itharel këcit këne ye looi aya? ⁴⁸Yin adhil piath cïmën puoth Wuur tö nhial!

Duk nhiam ë kuöony ca gam

6 "Tietkë röt bäk këpath cïi ye looi ë kəc nhïim rin bi we tiñ. Na luicë këya, ka cïn ariöp bäk yök tënë Wuurdun tö nhial.

²"Na le raan nõñ ca kony, ke yi duk nhiam ba ya cath ke luel cïmën kəc alueth, ye looi tën amat ku dhöl yiic, rin bi ke leec. Detkë apath, kek ë köckä acïn ariöp dët benkë yök. ³Ku na gäm raan nõñ këdäj, ku cök a mäthdu ke duk cöl anjic. ⁴Rin bi këdun ci yin raandä kony cïi njic. Na loi këya, ke yin abi Nhialic cuööt, raan yen këriëc ëbën njic, agut kë ci moony.

Jethu anyuth yo të bi yök ya röök thïn

(Lk 11:2-4)

⁵"Ku të röök yin, duk kəc alueth kiit, anhiarkë bik röök ke käac tën amat ku dhöl yöth, rin bi ke tiñ. Ku alëk we, keek aacä ariöpden yök.

5:38 B.bei 21:24; Leb 24:20; L.rou 19:21 5:43 Leb 19:18 5:48 Leb 19:2; L.rou 18:13 6:1 Mt 23:5
6:5 Lk 18:10-14

6“Të röök yin, ke yi la tēdu ë rot, ku röök tēnë Wuur Nhialic cie tiŋ, rēër ë tēnë, ku yen Wuur daai yi, yen abi cuööt.

7“Ku të röök yin, duk wël ye ber yiic ë path cimen kɔc kuc wēt Nhialic, kɔc ye tak lɔn na luelkë wël juëc, ke yen bi Nhialic röökken piŋ? 8Duk rot loi ba ciët ke, rin Nhialic ë kē tō yipuōu guɔ ŋic ke kēc cak thiëc. 9Këya, yin adhil röök ëlä,

‘Wādan tō nhial, bi rienku aleec,

10bi bäanydu bēn yoyiic,

bi wētdu alooi piiny cimen nhial.

11Muɔc yook miëth yaköl.

12Päl wēt piny tēnë yook,

cimen ye yok ye puöl tēnë kɔc rɛc yook.

13Ku duk yook cɔl athem këracc, ku ba yook lac waar këracc yic.’

14“Rin na ye wēt päl piny tēnë kɔc kök, ke Nhialic abi wēt päl piny tēnë yi aya. 15Ku na ciï wēt ye päl piny tēnë kɔc kök, ke Nhialic aciï wēt pël piny tēnë yi.

Duk nyooth lɔn thëk yin

16“Të thëk yin, duk rēër yi ŋōŋ nyin cimen ye kɔc ruëny ye looi. Aake nyin looi ŋuarar bik nyuɔth lɔn thëk kek. Alëk we, keek aacä ariöpden yök. 17Të thëk yin, rēër ë path ku duk nyooth lɔn nëk cɔk yi, 18bi ciën raan ŋic ye lɔn thëk yin, ku Nhialic Aciëŋ yen kē ye ŋek looi ë rot ŋic, yen abi yiëk ariöpdu.

Jiëk cie riäak atö pan Nhialic

(Lk 12:33-34)

19“Duökkë jak käk tō pinynhom rin ye aruɔp ku keth ke rac, ku aaye cuër kual aya. 20Këya, apath bi ya jiëk pan Nhialic yen wic, yen acin kē bi ye rac. 21Rin piändu abi ya rēër akölaköl të tō jaakdu thin.

22“Këya, puön path acit nyin path, raan path nyin ee daai apath, aciï thōŋ kek raan ci cɔr. Raan la puön yer acit raan path nyin, 23ku raan ye ŋic këde ë rot, ee raan col puōu cit cɔr cie piny ë tiŋ!

Nhialic ku jiëk

(Lk 16:13; 12:22-31)

24“Acin raan bäny karou luöoi ë tök, tēdë ka man bäny tök ku nhieër bëny dëëtë, tēdë ka thek raan tök ku dhël raan dët. Aciï raan lëu bi Nhialic ku jiëk nhiaar kedhie.

25“Këya, alëk we bāk ciï ye diëër kē bāk cam, ku kē bāk dek, rin bi wek rēër we pīr, tēdë ke we diëër kāk bāk ceŋ. Wëi aŋuëën tēnë miëth. Ku

guöp raan cii ñuëñ tënë alëth? ²⁶Daaikë diet ë pä r nhial, aa cie pur, ku aa cïn miith yekë ke tössu, ee Wuur tö nhial yen ë diëer ë ke! Na week cäk ye kädit apei tënë ke? ²⁷Yeña kamkun na diir piërde, ke juak ruönke?

²⁸“Ku yeñö ye wek diëer käk bäk ceñ? Tiëñkë yök peth ë cil roor, aa cie luui ku aa cie alëth ë kōc ë rienken. ²⁹Ku adhiel lëk we na cök a Bënyaknhom Tholomon wäär ë jaakde yic, ee cii cit ke. ³⁰Ku na ye Nhialic wel tö roor cöl adhëñ këya, wel tö thïn ëmën, ku na nhiäk nïn lik ke ril wei ku took ke mac, ke yeen cii we bi kuëëc nhiim? Ye gam thiin koor ñö be rëer kek we këya!

³¹“Duökkë ye diëer ku luëlkë, ‘Yeñö buk cam? Yeñö buk dek? Buk kë ceñku yök tëno?’ ³²(Aa kōc kuc wët Nhialic kek aa kepuöth yiëk ë kakkä.) Ku añic Wuurdun tö nhial lōn wic wek kakkä ëbën. ³³Yakë wepuöth wël bäänyde kek käk wic ke tënë we, käjuëc wiëckë ke aabi yiëk we. ³⁴Këya duökkë ye diëer ë nhiäk, nhiäk abi bën kek kakkë. Aköl ëbën ala yic këraacde ë rot.

Kōñ kākku guiir ba raan dët jāl wëët

(Lk 6:37-38, 41-42)

7 “Duk kōc kōk ye nyieeny kārāc cik looi kāk ye ke looi aya, rin bi yi cii gut nyin, ²rin tē ye luök kōc kōk, yen ë tē bi Nhialic yi luök thïn aya. ³Yeñö, ye yin këreec dit ye looi kuc, ku ye tiñ këreec koor ye wāmuuth looi? ⁴Ye kēdē bi yin ke menhkui dōk kārāc ye looi, ku keek aaye looi aya? ⁵Awëëñkui! Kanjë kārāc yakë ke looi puöl, yen abi wek ye lēu bāk miëthakun jāl wëët.

⁶“Duk jōk gēm kënë Nhialic, ku duk rot göu ba wët lëk kōc cii ye bi gam, tēdē aabi kuc ku nākķē yīin.

Rōök yen wic Nhialic

(Lk 11:9-13)

⁷“Thiëc, ku abi gām yi, wic ku aba yök, gut yöt thok ku abi ñaany thok tënë yi. ⁸Raan ë thiëc, aye gām kēdāñ, ku raan wic kēdāñ, ee kë wic yök, ku raan yöt tōñ thok aye ñāny thok ye akōlakōl. ⁹Nadë le raan kamkun gēm manhde dōöt tē wic yen miëth? ¹⁰Nadë, ke gēm këpiny, tē ci yen ye thiëc ë rēc? ¹¹Na yakë ñic wek kōc cii path bāk miëthkun aa gām kāpath wickë ke, ke Wuur tö nhial cii käjuëc path bi gām kōc ye thiëc!

Lōñ la cōk

¹²“Loi kāpath tënë kōc kōk, cimën nhiëer yin ye bik kāpath looi tënë yi aya, kakkä kek aaci lueel theer athör Nhialic yic.

Kuany dhël la pan Nhialic yic

(Lk 13:24)

¹³“Kuany dhël ye kɔc gum thïn yic, rin dhël cïi kɔc ye gum thïn, ee kɔc yãth pan mac, ku ë yen aye kɔc juëc mër thïn.” ¹⁴Ku dhël ye kɔc gum thïn yen ë la pan Nhialic, ku aa kɔc lik kek aaye kuany yic.

Tietkë röt bï week cïi wëŋ

(Lk 6:43-44)

¹⁵“Tietkë röt kɔc piöoc wël ë lueth, kɔc bën tënë we ku luelkë wël puoth cï la läiläi, ku kãk rëër keyäac arac apeï. ¹⁶Aa bãk ñic tēden ye kek luui thïn. Acïn mïth tim ye cam, ye bet tim dët cie ye nhom. ¹⁷Këya, tim ye miëthke cam ë luok mïth path, ku tim rac cïi miëthke ye cam, acïn kë ye yök tënë ye. ¹⁸Tim pëth ye miëthke cam acïi lëu bï dhiëth mïth rëc, ku tim cïi miëthke ye cam acie kaŋ luok mïth ye cam. ¹⁹Ku kuat tim cïn kë ye kuany tënë ye aye yep ku tok. ²⁰Aben lëk we, kɔc aa lueth, aa bãk ñic tēden ye kek luui thïn.

Wek aa këc kaŋ ñic

(Lk 13:25-27)

²¹“Acie kuat raan ya cɔɔl, ‘Bëny, Bëny,’ Yen bi la pan Nhialic, aa kɔc kë wïc Wã tō nhial looi kek aabi Bääny Nhialic yök. ²²Të le aköl kënë bën, abi kɔc juëc lueel tënë ya, ‘Bëny, Bëny! Yok aaci wët Nhialic piöoc ë rienku. Ku yok aaci jakrëc cuɔp wei ë rienku, ku loiku kãjuëc kɔc göi!’ ²³Ku aba lëk ke, ‘Wek aa këc kaŋ ñic. Jãlkë yalööm, kɔc ë luui kãrac!’

Kääŋ rin kɔc karou cï bëïi keer

(Lk 6:47-49)

²⁴“Këya, kuat raan wëlkiën kä piŋ, ku luui ë wëlkä, abi ciët raan ñic kaŋ cï paande looi tëthöny. ²⁵Go deŋ tueny ku bö aboor ku yomdit apeï. Ku paande akëc wiik rin cï ye buth tëthöny. ²⁶Ku kuat raan wëlkiën kä piŋ ku cïi lui ë ke, abi ciët raan abëël cï paande looi tëthuth. ²⁷Go deŋ tueny apeï ku bö aboor ku yomdit, go baai wiik ëbën abi ciën yön tön döŋ!”

Thän awën tō thïn aci gäi

²⁸Wën cï Jethu wël ke wïc bi keek lueel thöl, go thän awën tō thïn gäi tē cï yen ke piöoc thïn, ²⁹rin Jethu acïi cit kɔcken piöoc ë lööŋ, rin aci piöoc ke la riel Nhialic.

Jethu acä atuet cöl apuol*(Mk 1:40-45; Lk 5:12-16)*

8 Wën cï yen bën piny gõt nhom, ëcï kəc juëc apëi buoõth. ²Go raan cï tuet bën tënë ye ku gut yenhiaal piny yenhom ku lueel, “Bëny, na wïc ke yïn cöl ë tuen kënë adem.”

³Go Jethu yekök riny ku goot, ku lueel, “Ee yic awiëc, Piaalë!” Go tuet guo dem nyin yic. ⁴Ku lëk Jethu ye, “Muk yïnhom apath duk kënë lëk raan dët, lóor ku nyuõth rot raan käk Nhialic bi caath, ku juar käng cït tē ye löñ Mothith ye lueel thïn, bi kəc ëbën njic lon cï yïn pial.”

Jethu acï raan lui pan bëny apuruuk kony*(Lk 7:1-10)*

⁵Wën cï yen yet Kapernaum, ke bëny mec apuruuk juëc bö tënë ye ku lëñ, ⁶“Bëny, raan lui paandië atõ baai ke tuany, acïn tē ye yen rot cak jot, adhël apëi.”

⁷Go Jethu lueel. “Yen abï la ba kony bi pial.”

⁸Go bëny apuruuk bëër, “Bëny, duk rot näk cäth, rin yen acie raan path nadë ke yï bö atiëmdië yic, toc wëtdu ë path ku yeen abï pial. ⁹Rin yen aya, yen arëër bánydüt cök, ku yen ala apuruuk rëër yacök. Ku aya lëk ñek. ‘Lóor!’ Ka la, ku lëk ñek, ‘Bäär tën!’ Ka bö. Ku lëk raan lui paandië, ‘Loi kënë!’ Ka looi.”

¹⁰Kaam wën piñ Jethu wël raan kënë ke gëi, ku lëk kəc awën buoõth ye, “Alëk we ayic, acïn raan tönj ca kañ yök Itharel ke la gamdit cït kënë. ¹¹Muökkë kënë nhom, kəc juëc aabi bën pinynhom ëbën ku nyuuckë ë tök kek Abaram, ku Ithäk, ku Jakop yai yic bäany yic pan Nhialic. ¹²Ku kəc ke bi rëer bäany yic aabi ciëc ayeer muõõth yic, tē bi kek rëer thïn ke dhiau bik kethook aa kac, ke cï nhïim la cõt.” ¹³Ku wël yethok bëny apuruuk ku lueel, “Lóor, dhuök baai, yïn acï gam, ku kënë abï looi tënë yï.”

Ku raanden luoi acï guo pial ë tën awën.

Jethu acï kəc tuany kony*(Mk 1:29-34; Lk 4:38-41)*

¹⁴Tëwën le Jethu pan Pïter, ke yök man tiñ Pïter piiny biöök yic ke cï juäi göök. ¹⁵Go goot, go juäi jäl, ku jot rot ku looi miëth tënë ke.

¹⁶Naõon thëei, ke kəc juëc la gup jakrec biï tënë ye. Go jakrec cuop wei kegup wët thok ë path, ku kony kəc tuany bik pial. ¹⁷Kënë acï rot looi rin bi wët cï Ithaya lueel thëer yenhom tieñ, “Acï kuat arëem ku tuaany ëbën jat yeyeth.”

Raan buɔth Jethu adhil puɔu riel

(Lk 9:57-62)

¹⁸Nawën tiŋ Jethu thändit apeɪ yelööm, ke lëk kacke bik teem wär alɔŋtui. ¹⁹Go raan piöoc lööŋ bën tënë ye ku lueel, “Bänydië, yin aba biaath kuat tē ler yin thin.” ²⁰Go Jethu bëër, “Luony roor aala yöötken yekë ke wuut, ku diet pār aala yöötken, ku Manh Raan acin nhom baai pinynhom tēn.”


²¹Go raan dēt kam kɔc ye buɔth lueel tënë ye, “Bëny, cɔl ya akɔŋ wä la thiök.” ²²Go Jethu bëër, “Buɔth ya, ku päl kɔc cit kɔc ci thou bik kacken thiök.”

Jethu acı yom cɔl akäac

(Mk 4:35-41; Lk 8:22-25)

²³Go Jethu la riäi yic, ku buɔth kacken ye buɔth. ²⁴Kaam awën, ke yomdit ril apeɪ jɔt rot, ku loi atiaktiak rot bi riäi duër puk yic, ku Jethu ë nin. ²⁵Go kacken ye buɔth la tënë ye ku puöckë ke dhiau, “Luäk ɔo, Bëny, ɔok aa diir!” ²⁶Go lëk ke, “Wek kɔc koor gamdun, yeŋö ye wek riöoc kälä?” Ku jɔt rot ku rël yom ku atiaktiak, gokë la dil. ²⁷Go kɔc awën gai ku thiëckë röt, “Ye raan la guöp ŋö kënë? Na cɔk a yom ku atiaktiak ë ke piŋ wëtde!”

*Luony roor aala yöötken yekë ke wuut
(8:20)*



Kɔc pan Gadara la gup jakrec

(Mk 5:1-20; Lk 8:26-29)

²⁸Wën cī Jethu yet pan Gadara tō wār alɔŋtui, ke rām kek rōör karou ke bō bei rēŋ nhīim. Ku rōörkä aake la gup jakrec ë ke riir nhīim apei, abī kɔc aa riōc ke, abī ciēn raan tēek ë dhēl kēnē. ²⁹Gokē duɔɔt looi wën tiŋ kek Jethu, “Yeŋö wic tēnē ɔo Wën Nhialic? Ca bēn ba ɔo bēn tēm awuōc ke tēn awuōc ŋoot?”

³⁰Ku duut dir baai ë nyuāth tēthiök. ³¹Go jakrec Jethu löŋ, “Na wic ba ɔo cuɔp wei ë rōörkä gup, ke yī cop ɔo ë dirkä gup.” ³²Go lēk ke, “Lak,” Gokē bēn bei ku lek ë dir gup, ku tēn awēn, ke duut diēer riŋ agör yic ku thootkē wīir ku moukē ēbēn. ³³Go rōör ke biōök dir kat ku riŋkē geeu, ku lek kē cī rot looi tēnē dir ku tēnē rōör awēn karou la gup jakrec tēt kɔc. ³⁴Go kɔc juēc apei geeu la bik rōm kek Jethu. Nawēn tiŋkē, ke läŋkē bī jāl panden.

Jethu acī raan cī ruai kony

(Mk 2:1-12; Lk 5:17-26)

9 Go Jethu dhuk riāi yic, ku teem wār, ku ler genden Kapernaum. ²Go kɔc kōk mony cī ruai bēēi tēnē ye ke ketkē, ke cī tōc biōök alom yic. Tēwēn tiŋ Jethu gamdit tō ke ke, ke lueel tēnē mony aduany, “Deet yīpuōu manhdiē! Adumuōmku aaci pāl piny.”

³Tēwēn piŋ kɔc piōc ë lööŋ ë wēt kēnē, gokē jam kamken ēlä, “Mony kēnē adhāl Nhialic!”

⁴Go Jethu lēk ke wēn ŋic yen kē yekē tak, “Yeŋö ye wek tak kārāc cīt kākka? ⁵Emēn ye kēnen puɔl yic kākka yiic, ba lueel, ‘Adumuōmku aaci pāl piny,’ Tēdē ke lueel, ‘Jɔt rot ku cathē?’ ⁶Ku aba nyuōth we lɔn le Manh Raan riel pinynhom ba adumuōm pāl piny.” Ku lēk mony aduany, “Jɔt rot ku kuany biōŋdu ku lɔr baai!”

⁷Go mony kēnē rot jɔt ku dhuk baai. ⁸Go thān awēn riōc wēn tiŋ kek mony kēnē, ku leckē Nhialic rin cī yen riēdiit cīt kēnē gām raan ë path.

Jethu acī Matheo cɔl

(Mk 2:13-17; Lk 5:27-32)

⁹Tēwēn jiēl Jethu tēn awēn, ke tiŋ mony ajuēr kut cɔl Matheo ke rēēr tēden luoi, go lēk ye, “Buoth ɔa.” Go Matheo rot jɔt ku buōth.

¹⁰Tēwēn mīth Jethu pan Matheo kek kɔcken ye buōth, ke kɔc ajuēr kut, ku kɔc kōk la gup anyon, mēt rōt ke bik mīth ë tōk. ¹¹Nawēn tiŋ Parathī ë kēnē, ke thiēc kɔcken ye buōth, “Yeŋö ye raandun piōc mīth kek kɔc ajuēr kut ku kɔc kōk la gup adumuōm?”

¹²Go Jethu wëlken piŋ ku bëër, “Aacie kɔc puɔl kek la tənë akïim, aa kɔc tuany. ¹³Lak bāk wëlkā la deet yiic, kē wiēc ë ɣer puɔu, acā wic bī ɣa nāk ɣɔk. Ɂen akēc bēn ba kɔc path bēn cɔɔl, aa kɔc la gup adumuɔɔm.”

Wēt lõŋ thëk ë miëth

(Mk 2:18-22; Lk 5:33-39)

¹⁴Go kɔc Joon raan kɔc muɔc nhïim bēn tənë Jethu ku thiëckë, “Yook, ku kɔc Parathï yok aa thek buk ciï mïth, ku kɔckun yi buɔɔth aacie thek, yeŋö?”

¹⁵Go Jethu lõŋden bëër ëlä, “Yakë tak lõn bī kɔc cī bēn ruääi yic rëer ke ciï mïth, ku ɣen athiëk nhom ɣa rëer ke ke? Aacie tēde! Aköl bī athiëk dɔm ku nyeci keyiic, yen aköl bī kek thek.

¹⁶“Ɂen acī bēn ba we bēn lëk, lõn nadë acin raan bī abarj alanh ret wei alanh yam kōu bī la buɔɔp ë dhiäth alath kōu. ¹⁷Ku acin raan bī muɔn abiēc ë yam puɔk tōny theer yic, na looi këya, ke tōny abī yic pät ku puɔk mōu wei, ku riëkkë kedhie. Muɔn yam adhil puɔk tōny ë yam yic. Ku na ye muɔn abiēc ë yam, ka ye tääu tōny ë yam yic, ku keek ëbēn acii bī riääk.”

Jethu acī tik kony ku cɔl meth aben pïr

(Mk 5:21-43; Lk 8:40-56)

¹⁸Tëwën lëk Jethu ke ë wëlkā, ke bëny tēn amat kɔc Itharel bö tənë ye ku gut yenhiɔl piny yenhom ku lõŋ, “Nyaandië apuɔc thou ëmēn thiin, bäär ba yicin la tääu yenhom bī ben pïr.”

¹⁹Go Jethu rot jɔt kek kɔcken ye buɔɔth ku buɔthkë.


²⁰Nawën ke tiŋ tuany, ciï thëkde kōu ye tēem ruɔɔn thiäär ku rou, bö Jethu kōu ciēn ku gɔɔt alanhde. ²¹Rin ëci jam yepuɔu ëlä, “Na gaat alanhde ke ɣen abī pial.”

²²Go Jethu yenhom wel, ku tiŋ ku lueel tənë ye, “Deet yipuɔu nyaandië, gamdu acī cɔl apuɔl.” Ku kaam awën ke riem kääc.

²³Tëwën cī Jethu yet pan bëny tēn amat kɔc Itharel, ke yök kɔc ke nāk röt ke dhiau apeï, go lëk ke, ²⁴“Jälkë tēn! Nyanthiin kënë akēc thou, anin!” Gokë dɔl guɔp. ²⁵Go la ɣöt wën cī kɔc la aɣeer ëbēn, ku dɔm nyanthiin cin. Go rot jɔt. ²⁶Ku thiëi thoŋ kënë piny pan awën.

Jethu acī cöör karou kony bïk daai

²⁷Wën cī Jethu jäl pan mony awën ke ber tueŋ, go cöör karou buɔɔth cök ke dhiau. “Yin aŋöthku, kony ɣo Wën Debit.”



Ku dɔm nyanthiin cin (9:25)

²⁸Nawën le yet yöt, ke buɔɔthkë thïn, goke thiëec, “Yakë gam wepuõth lɔn bï yen kënë looi?”

Gokë rek yic, “Bëny, ayeku gam!”

²⁹Goke gɔɔt nyïn ku lueel, “Abï rot looi këya, cimën cï wek ye gam!”

³⁰Gokë guɔ daai nyïn yic, ku thɔn ke ëlä, “Duõkkë ë kënë lëk raan dët!”

³¹Nawën lek jäl tënë Jethu, ke la jam rienke baai yic ëbën.

Jethu acï mony cie jam kony bï jam

³²Kaam wën puɔc kɔc awën karou jäl, ke mony la guõp jɔɔrac cie jam biï tënë ye. ³³Ku kam thin cï Jethu jɔɔrac cuɔp wei yeguõp, go guɔ jam, go kɔc gäi ëbën ku luelkë, “Yok aa këc këcït kënë kaɲ tïɲ Itharel ë tën!”

³⁴Go Parathï yõõɲ yic ku luelkë, “Ee bëny jakrec yen ë ye yiëk riel bï ke aa cuɔp wei kɔc gup.”

Rap tem ajuëc ku kɔc tem ke aa lik

³⁵Ku jɔl Jethu gɛeth ku baai kuany yiic ke ye piöoc tɛn amat kɔc Itharel. Ku lɛk kɔc Wɛt Puoθh Yam rin bääny Nhialic, ku kony kɔc ɛ tueny yiic ɛbɛn. ³⁶Nawɛn tiŋ thändiit guëer tɛnɛ ye, ke ŋɛer yic tɛnɛ ke, rin aaci tiŋ ke cɪn raan piöoc ke, kecɪt amɛl pap cɪn nhiiim abiöök. ³⁷Ku luel tɛnɛ kɔcken ye buoθh, “Käk tem ajuëc ku kɔc luɔi aa lik. ³⁸Këya, röökkë Bëny la nhom käk tem, bi kɔc luɔi cɔl ajuak röt.”

Atuuc kathiäär ku rou

(Mk 3:13-19; Lk 6:12-16)

10 Go Jethu kɔcken ye buoθh kathiäär ku rou cɔl, ku yiik ke riel bi kek jakrɛc aa cuɔp wei, ku konykë kɔc tuany bik pial. ²Rin kɔc ke ci kuany aa kik. Thaimon, ci Jethu bɛn cäk ke cɔl Piter. Ku wämɛnh Andria ku wëet Dhubedi, Jemith ku Joon. ³Pilipo ku Bartholomeo. Thomath ku Matheo raan ajuër kut. Jemith Alpawuth, Thadawuth, ⁴Thaimon (raan la puθu ater) ku jɔl a Judath Ithkariöt raan wäär ci Jethu bɛn luom bi dom.

Luɔi Atuuc kathiäär ku rou

(Mk 6:7-13; Lk 9:1-6)

⁵Keek kathiäär ku rou aake ci Jethu tooc ku yöök ke ɛlä, “Duökkë bëi kɔc cie kɔc Itharel kɛc yiic, ku duökkë la gɛeth Thamaria yiic. ⁶Lakkë tɛnɛ kɔc Itharel kuc Wɛt Puoθh Yam Nhialic. ⁷Të le wek ke lëkkë ke, ‘Lɔn ci bääny Nhialic thiök!’ ⁸Kuonykë kɔc tuany bik pial, ku calkë kɔc ci thou aa ben pir, ku calkë kɔc la gup tuet aa dem, ku cuɔpkë jakrɛc wei kɔc gup. Duökkë röt cɔl aye riɔp tɛ looi wek kakkä, rin riel ye wek ke looi ɛ cäk ɣɔc. ⁹Duökkë muk wëu ku duökkë muk jɔkgɔɔ ye wek lim miith dhɛl yic. ¹⁰Muökkë alɛth ku war cɛŋkë kepɛc, ku wai tök ɛ path. Rin raan ɛ luɔi aye gäm këden ci yen luui.

¹¹“Kuat geu, ayi pan ye wek la thin, yakë thiɛc raan puoθh bi we lor, ku rëërkë kek ye yet aköl bi wek jäl. ¹²Të ye wek la bëi yiic, yakë kɔc kaŋ tiŋ lɔn bi kek we lor ku nyuuckë we. ¹³Ku na lor kɔc baai we, ke we rëër ku nyuöthkë ke Wɛt Puoθh Yam, ku na cik nyin la we, ka cɪn wɛt lëkkë ke. ¹⁴Ku na ci kɔc baai, ayi kɔc geu we lor ku piŋkë wɛt cieth wek, ke we jiɛl ku tɛŋkë wecök. ¹⁵Ku wek aa lɛk këñ! Aköl luŋdit, Nhialic abi kɔc rɛc pan Thodom ku Gomora ŋuään tɛnɛ ɛ kɔckä!

9:35 Mt 4:23; Mk 1:39; Lk 4:44 9:36 Kn 27:17; 1Bŋ 22:17; 2Lëk 18:16; Edhe 34:5

9:37-38 Lk 10:2 10:7-15 Lk 10:4-12 10:10 1Kor 9:14; 1Tim 5:18 10:14 Luɔi 13:51

10:15 Mt 11:24; Cäk 19:24-28

Acī Jethu lëk atuöccke lön bī kek gum

(Mk 13:9-13; Lk 21:12-17)

16“Pierkë kënë! Wek aa tuoc bëi yiic cimen amël la gal yiic. Këya, cökkë wepuöth ku luökë röt bäk aa koc path ñic kãñ, ñic luui. 17Ku alëk we aya bäk ñic lön bī we aa döm ku yëth we luk yic, ku thatkë we tēden amat. 18Ku wek aabī köc bāny nhīim ë rienkië, bäk Wët Puöth Yam lëk ke ku koc cie koc Itharel. 19Ku tē yëth kek we luk yic, duökkë diëer tē bī wek la jiem thin, rin wët bäk lueel abī guo bën wenhīim tē jiem wek. 20Rin wël bäk lueel aacie wëlkun, aabī bën tēnë Wëi Nhialic yen bī jam wegup.

21“Raan kek wämēnh aabī röt gaany bik röt cöl aa näk, ku wärken mīth aabī miëthken luom, ku mīth aabī koc ke dhiëth ke luom bik ke cöl aa näk. 22Koc ëbēn aabī we maan rienkië. Ku raan bī yepuöu dëet yet tē bī yen thou, abī pīr akölrīëc ëbēn. 23Na wickë bik we nöc gen cī wek la thin, ke we riñ gen dët. Ku na näkkë we ë gen kënë aya, ke we riñ gen dëëtë. Alëk we ayic, wek acī luoidun bī thöl pan Itharel, ke Manh Raan këc bën.

24“Acin manh piöoc wär raan piöoc ye, ku acin alony dīt tēnë bānyde. 25Këya, apath bī raan biöth ciët raanden ë piöoc, ku alony kecīt bānyde. Na ye wun baai cöl ke Beldhebul bëny jakrec, ke kacke bī cöl rin yindë!

Duökkë riöc

(Lk 12:2-7)

26“Këya, duökkë riöc ke. Rin kāk ye moony emēn aa ñot ke bī ñic aköldä, rin acin kë ye thiaan bī cīi ñic. 27Yakë kāk ya lëk we ë röt lueel koc nhīim ëbēn ke cīn riöc, ku luëlkë kāk ye ñāai weyith, bī koc kök ke piñ aya. 28Duökkë riöc koc we nöc, wëikun aa liu kecin. Añuëñ bäk riöc ë Nhialic, yen la riel we cöl apīr pinynhom ku kony wëiku ë pan mac aköldä. 29Acin këthiin koor lëu bī määär ke kuc Wuur tō nhial. Na cök ajinh thin koor tō baai ka ñic. 30Ku week aya, na cök a këthiin tō wegup cimen nhim tō wenhīim, ka ñic Wuur tō nhial. 31Këya, duökkë riöc, wek aa wär kakkä ëbēn!

32“Na ye raan wëtdië piöc ku cīi guöp riöc, ke yen acīi guöp riöc ye ë Wä nhom nhial. 33Ku na ye raan jei ya koc nhīim lön cīi yen ye raandië, ka ba jai aya ë Wä nhom nhial.

34“Duökkë ye tak lön cī yen bën ba döör bën looi pinynhom. Yen akëc bën ba kãñ bën cöl aa puol yiic, ee gum bī raan ëbēn gum. 35Rin yen acī

10:16 Lk 10:3 10:17-20 Mk 13:9-11; Lk 12:11-12; 21:12-15 10:21 Mk 13:12; Lk 21:16

10:22 Mt 24:9, 13; Mk 13:13; Lk 21:17 10:24 Lk 6:40; Jn 13:16; 15:20 10:25 Mt 9:34; 12:24;

Mk 3:22; Lk 11:15 10:26 Mk 4:22; Lk 8:17 10:33 2Tim 2:12 10:35-36 Mai 7:6

bën ba meth kek wun, ku nya kek man cɔl aman röt, ku man athiëk kek tiŋ wënde aabi röt maan aya, ³⁶kɔc bi raan aa maan aa kɔcken rëër kek ye baai.

³⁷“Raan ye nhiaar bi aa kɔc ke dhiëth ye kek nhiëer apei tënë ya, ka cie raandië, ku na ye raan miëthke nhiaar apei tënë ya, ka cie raandië aya. ³⁸Raan cie kârac ye guum wëtdië ku looi wëtdië acie raandië. ³⁹Raan ye wic bi wëike ŋic muk pinynhom ë tën, aciï pir aköldä bi yök, ku raan bi gum ë wëtdië, abi pir akölrüëc ëbën yök.

⁴⁰“Raan we lor ë yen aye lor, ku kɔc ya lor, ee Wä raan toc ya yen ayekë lor. ⁴¹Raan atuŋnydië lor rin ŋic yen ye lɔn ë yen atuŋnydië, abi la abak ariöp bi yiëk atuuc yiic. ⁴²Muökkë kënë na gem raan piu col nyin ë path tënë raan thiin koor kam kɔc ya buoŋth, rin ye yen raan ya buoŋth, ka bä ariöpe dhiel yök.”

Joon aci kɔc tuɔc tënë Jethu

(Lk 7:18-35)

11 Wën ci Jethu wëlkä jal lëk kɔcken ye buoŋth kathiaär ku rou, ke jiël ë tën bi la piöc ku le kɔc lëk gëeth Galilia yiic.

²Ee ninkä, tëwën tō Joon raan kɔc muɔc nhüim yōöt ke mac, ke piŋ kāk looi Jethu. Go kɔc abëk, kɔcken ye buoŋth tuɔc tënë ye bik la thiëc wët kënë. ³“Ye yin raan yi bi bën, aye raan dët yen buk tiit?”

⁴Go Jethu bëër, “Dhuökkë ku lëkkë Joon, kāk cāk piŋ ku kāk cāk tiŋ. ⁵Cɔr aci ben daai ku aduany aci ya cath. Ku kɔc ci tuet aaci tuet jäl kegup. Ku miŋ aci ya piŋ ku kɔc ci thou aaci röt jɔt. Ku Wët Puoŋth Yam Nhialic alëk kɔc ŋōŋ nyin. ⁶Raan mit guöp ë raan cie puöu ë rou wëtdië yic!”

⁷Kaam wën jiël atuuc Joon, ke Jethu jam ku tët kɔc Joon, “Ye raan yindë yen ci wek la ror ciï ceŋ bāk la tiŋ? Ye raan puɔl yic ye wel nhom ë path cimën ye yom aruöör wel nhom? Acie tēde, acie yen kënë ler wek. ⁸Ye raan yindë yen lak tiŋ? Ye mony ceŋ alëth path? Aŋot cie tēde, kɔc ceŋ alëth dhëŋ aa kɔc tō bëëi bäny yiic! ⁹Na cie këya, ke yeŋö yen ler wek? Ye raan kāk Nhialic tiŋ? Ee yic, ku alëk we, yeen adit tënë raan kāk Nhialic tiŋ. ¹⁰Yen Joon, yen ë raan ci wël göt ë rienke thëer ëlä, ‘Yen abä atuŋnydië tuɔc yinhom tueŋ, ku yeen abi dhël la guiir tënë yi.’

¹¹“Ku wek aba lëk yiny kënë, Joon raan kɔc muɔc nhüim aril, acin raan kuat kɔc ci dhiëth pinynhom dit tënë Joon. Ku raan koor bäany Nhialic yic adit tënë ye. ¹²Tëwäär piöc Joon raan kɔc muɔc nhüim

10:35-36 Mai 7:6 10:38 Mt 16:24; Mk 8:34; Lk 9:23

10:39 Mt 16:25; Mk 8:35; Lk 9:24; 17:33; Jn 12:25 10:40 Mk 9:37; Lk 9:48; 10:16; Jn 13:20

11:5 Ith 35:5-6; 61:1 11:10 Mal 3:1 11:12-13 Lk 16:16

agut cīt akölë, bääny Nhialic ala tueṅ, ku aye kōc rec kōk la riel them bīk dhuōk ciëen. ¹³Rin lõṅ Mothith, ku kōc ke kāk Nhialic tiṅ ebën agut tē yëet yen Joon, aake ye jam rin bääny Nhialic, ¹⁴ku na tōu wepuōth bāk wētdië gam, ke yen Joon yen ë Elija wäär cī bēnde lëk thāi. ¹⁵Pieṅkë tē le wek yiṭh!

¹⁶“Yeṅö ba thōṅ kek riëc akölë? Aa cīt mīth cī kenhīim mat laar yic leṅ keḡup, ye lueel ëlä,

¹⁷“Yok aaci waak peth ye keek ket tē looi ruäai ket,
ku wek aa kēc dier!

Ku yok aaci kāk ye keek looi thuōu yic thōṅ,
ku wek aa kēc dhiau!”

¹⁸“Rin Joon aci tuōl ku ëcie bēi kuany yiic ke mīth ku dëk, go raan ebën lueel, ‘Joon ala guṅ jṅrac!’ ¹⁹Nawën bö Manh Raan ku ye mīth ke kōc ku dëk ke ke, gokë lueel, ‘Tiëṅkë mony kënë! Yeen akok ku a dëk määu, ku amääth kek kōc ajuër kut ku kōc la ḡup adumuōm!’ Ku luoi puōth Nhialic ë rot nyuōth kāk ya looi yiic.”

Gëeth kēc luoi käreç puōl thīn

(Lk 10:13-15)

²⁰Tëwën, go Jethu puōu dak ku nyieeny kōc gëeth cī yen kajuëc jāṅ ḡi looi thīn, rin kēc kek luoi käreç puōl. ²¹“Wek kōc gen Koradhin! Ku Bethaida! Wek aa tiit käreç apei, rin kajuëc jāṅ ḡi cāk tiṅ cī looi gëethkun yiic, ku ke cī looi Tire ku Thidon gëeth wäär ceṅ kōc rec, ḡuōt kōc ë gëethkã aaci kepuōth dhuōk ciëen theer ku pälkë luoi käreç! ²²Ku wek aa lëk kënë, aköl luṅdit, Nhialic abi kōc Tire ku Thidon ḡuään! ²³Ku wek kōc gen Kapernaum! Yakë tak lõn bi we jat nhial? Wek abi cuat pan mac. Rin kāk jāṅ ḡi cī looi wenyin cāk ke tiṅ, ku ke cī looi Thodom, ḡuōt acin kë cie rac agut ëmën! ²⁴Ku aben lëk we, kãṅ aaci yiic bi riel apei tënë ke aköl luṅdit, cimën tē bi kek yiic ril thīn tënë we!”

Bāk tënë ya bāk bën lõṅ

(Lk 10:21-22)

²⁵Ku ë tën awën ke lueel Jethu, “Wä, Bëny nhial ku piny! Yin alëc rin cī yin kāk ca thiaan tënë kōc ḡic kãṅ cī piöc, nyuōth kōc kor kęc piöc. ²⁶Ee yic Wä, yen ë kën yi yuum puōu.

²⁷“Këriëc ebën aci Wä ḡam ya. Ku acin raan ḡic Wënde, ee Wun ë rot, cimën cīn yen raan ḡic Wun, ee Wënde ku kōc cī Wënde lõc bīk ḡic.

^{11:12-13} Lk 16:16 ^{11:14} Mal 4:5; Mt 17:10-13; Mk 9:11-13

^{11:21} Ith 23:1-18; Edhe 26:1-28:26; Juel 3:4-8; Amo 1:9-10; Dhäk 9:2-4

^{11:23} Ith 14:13-15; Cāk 19:24-28 ^{11:24} Mt 10:15; Lk 10:12 ^{11:27} Jn 3:35; 1:18; 10:15

²⁸“Bäk tēnē ya ēbēn, wek kɔc cī jōt yiēth kǎthiek bāk ke yāac, wek aba cɔl alōŋ. ²⁹Gamkē piōōcdiē bāk yiith ŋic, rin yēn aciī la ruathruath, yēn alir puōu, ku wek aabi wēikun pīr. ³⁰Rin piōōcdiē aciī ril, apuɔl yic.”

Jethu aci kuec lōŋ akōl lōŋ kɔc Itharel

(Mk 2:23-28; Lk 6:1-5)

12 Nayɔn akāl tōk ē nīnkā, Jethu ē cath kek kɔcken ye buɔth, ke kuany dhēl yic kam dum akōl lōŋ. Ku kɔcken ye buɔth aake nēk cɔk, gokē rap lek cam dhoŋ. ²Nawēn tiŋ kɔc akut Parathī, gokē Jethu thiēc, “Tiŋ, kɔckun yi buɔth aa loi kē cie looi akōl lōŋ!”

³Go bēer ku lueel, “Kēckē kē cī Debit looi thēer kaŋ kueen, wāar nēk cɔk ye ke kɔcken cath kek ye? ⁴Acī bēn la luaŋ Nhialic, ku ciem ayum yath cī tōōu tēnē Nhialic, kek kacke. Ayum kēnē ēciī Debit lēu bī cam kek kacke, aa kɔc kāk Nhialic looi kek aake ye cam ē rōt. ⁵Dēt aya, kēckē kueen lōŋ Mothith yic lɔn akōl lōŋ thok ēbēn, kɔc kāk Nhialic looi luaŋ Nhialic aa lōŋ akōl lōŋ dhoŋ kōu, ku aaciī ke ye nyieeny? ⁶Ku Manh Raan jam kek we, adīt tēnē luaŋ Nhialic. ⁷Na we cī wēl cī gōt thēer deet yiic, lɔn kē wic Nhialic ē nhiēr ye kɔc rōt nhiaar, aacie yōk ye nāk ye, ŋuōt wek aa kēc kɔc cīn awuōc cik looi nyieeny, ⁸rin Manh Raan adīt tēnē akōl lōŋ.”

Jethu aci mony cī cin ruai kony

(Mk 3:1-6; Lk 6:6-11)

⁹Nayɔn akōl dēt ke Jethu jiēl tēnē awēn ku ler tēn amat kɔc Itharel, ¹⁰ku mony cī cin ruai ē tō thīn. Ku kɔc kōk ke wic Jethu bīk gaany kē cī wuōc, aake tō tēn amat aya, gokē Jethu thiēc. “Ye lōŋda pēen bī raan kony akōl lōŋ?”

¹¹Go Jethu bēer, “Na la raan tōk kamkun ē tēn amāl tōk, ku lōōny yiith akōl lōŋ, ke cīī bīī bei yiith? ¹²Raan adīt apeī tēnē lēi! Kēya, lōŋda acie yō ye pēen buk raan cīī kony akōl lōŋ.” ¹³Ku lēk mony wēn cī cin ruai, “Nyoth yicin.” Go yecin nyooth, go cin piath abi ciēt ciin kēc ruai. ¹⁴Go Parathī jāl tēn amat, ku lek mat tē bī kek Jethu nāk thīn.

Jethu alony cī Nhialic lɔc

¹⁵Go Jethu kē loikē ŋic, ku jiēl tēn awēn, go kɔc juēc buɔth. Ku kony kɔc tuany bīk pial, ¹⁶ku thɔn ke apeī bik cīī la lēk kɔc kōk, bī cīī ŋic. ¹⁷Rin bī kē cī Ithaya lueel wāthēer ēlā ē rienke yēnhom tiēŋ,

¹⁸“Yen akīn yēn alonydiēn ca lɔc,
raan tōŋ yēn nhiaar, mit

ɣen puɔu tənə yeen.
 ɣen abi Wëikië cɔl alööny yeguɔp,
 ku abi gam ë yic lëk thäi ëbën.
 19 Acii bi ya göth ku rëëm kɔc nhiiim wël cie yith,
 acii bi ya piŋ röl ë dhöl yiic.
 20 Acin këthiin bi kaŋ tuɔɔr nyin, cɔk
 ayiny kɔc kor ka cii dhäl.
 Acii bi kaŋ dhör yet tē bi yienyde ŋic,
 21 ku abi wuɔɔt ëbën ŋɔɔth.”

Jethu aye yöök lɔn le yen guɔp jɔŋrac

(Mk 3:20-30; Lk 11:14-23)

22 Nawën ke kɔc kök bii mony ci cɔr tənə Jethu, ku ëcie jam aya rin
 tō jɔŋrac yeguɔp. Go Jethu kony, yet bi jam ku dæi. 23 Go kɔc awën tō
 thɪn gäi ëbën ku thiëckë röt. “Nadë ke bi ya Manh Debit?” 24 Nawën piŋ
 Parathi ë wët kënë, ke luelkë, “Yeen ë jakrec cuɔp wei kɔc gup, rin ye
 bëny jakrec, cɔl Beldhebul ye yiëk riel.”

25 Go Jethu kë takkë ŋic ku lueel, “Pan yeyic tek ku thär kɔc ë
 kamken, ë lac riääk. Ku na tek gen tók yeyic, ayi dhiënh tók ku
 tuumkë kenhiiim ku thërkë, ka puök. 26 Na ye jɔŋrac jɔŋrëec dët cuɔp
 wei, ka ci keyiic tek. Këya, lëu panden bi kööc kädë! 27 Ku na ye riel
 Beldhebul yen ye ɣen jakrec cuɔp wei, ke ye riel ŋa yen ye kɔckun
 yakë buɔɔth ke cuɔp wei? Calkë ke aa lëk we yic. 28 Ku na ye riel Wëi
 Nhialic yen ye ɣen jakrec cuɔp wei, ke ŋiëckë lɔn ci bääny Nhialic bën
 tənə we.

29 “Acin raan lëu ye bi yon raan ril dhoŋ ku nyëi kärke, akɔŋ raan ril
 kënë dɔm ku der, ku jɔl kāk tō baai nyaai.

30 “Raan këc rot mät ɣa acie raandië, ku raan cii ɣa kony bi kɔc lëk
 wët Nhialic, ee kɔc thiï. 31 Këya, wek aa lëk yic lɔn nadë adumuɔɔm ë
 kɔc, ku kārāc yekë ke lueel, aa lëu bi ke päl piny. Ku kuat raan kārāc
 lueel Wëi Nhialic guɔp, acii bi päl piny tənə ye. 32 Ku na ye raan lueel
 wët rac Manh Raan guɔp, ka pël piny. Ku raan ye lueel lɔn ye Wëi
 Nhialic jɔŋrac, ka cii kɔŋ päl piny acin ëmën agut akölriëc ëbën.

33 “Com tim tēpath bi miëthke piath. Tädë ke com tērac bi miëthke
 rëëc. Këya, tim aye ŋic miëthke. 34 Wek mith käpieny, mith kɔc cie yith
 ye gam, lëukë bāk këpath lueel, ke we ye jakrec ëmëndun? Rin kë ye
 thok lueel ë bën bei raan puɔu. 35 Raan path ë luui käpath, rin käpuɔth
 tē yepuɔu. Ku raan rac ë luui kārāc rin kārāc tō yepuɔu.

12:18-21 Ith 42:1-4 12:24 Mt 9:34; 10:25 12:30 Mk 9:40 12:32 Lk 12:10 12:33 Mt 7:20; Lk 6:44
 12:34 Mt 3:7; 23:33; 15:18; Lk 3:7; 6:45

³⁶“Alëk we, raan ëbën abì thiëëc aköl luḡḡit ë wël rëc cì lueel. ³⁷Rin wëlku kek aabì yäth tëpath, ku aa kek aabì cöl atëm awuöc aköl luḡḡit.”

Jethu acì kuc bî kënë jāḡ ḡöi looi

(Mk 8:11-12; Lk 11:29-32)

³⁸Go kɔc kɔk piöoc lööḡ ku Parathî lueel tënë ye, “Raan piöoc awicku ba kënë jāḡ ḡöi looi buk tiḡ.” ³⁹Go Jethu bëër, “Aa kɔc la gup anyon ku gam koor kek aa thiëc kāk tiḡkë! Acin kën jāḡ ḡöi bî nyuöth we, ee këwäär cì rot looi tënë Jona, raan kāk Nhialic tiḡ yen abì rot looi. ⁴⁰Cimën wäär cì Jona rëer akööl kadiäk ku wër kadiäk rëcdit apeì yic, ke Manh Raan aya abì rëer nin kadiäk ë raḡ yic. ⁴¹Aköl luḡḡit kɔc gen Ninibe, aabì we ḡök rin cì kek kepuöth waar ku pälkë luḡi kārāc wäär cì Jona ke lëk. Ku alëk we, ḡen jam kënë, ḡen adit tënë Jona! ⁴²Tiḡḡit ë bëny wäär jiël pan Athia bî la Jeruthalem, abì we ḡök aköl luḡḡit rin cì yen jāl tēmec apeì bî wël puḡth bënyḡaknhom Tholomon la piḡ, ku ḡen jam, ḡen adit tënë Tholomon!

⁴³“Të cì ḡḡrac jāl raan ḡuḡp, ee piny yḡḡp tēdēt bî yen löḡ thīn. Na cīi yök, ⁴⁴ke lueel, ‘ḡen abì dhuk tēwäär jiël ḡen thīn.’ Kēya, ke dhuk ku yök tēn bî yen rëer thīn ke cīn raan tō thīn, ku acì guir. ⁴⁵Ku dhuk, ku le bēn kek jakrëc apeì kɔk kadhrou wār ye, bik bēn ceḡ baai. Ku pir ë raan kënë ë jāl rëëc apeì tënë pirden tueḡ. Yen ë tēn ben rot luḡi thīn aya tënë kuat akölë.”

Man Jethu ku wämāthakēn aacì Jethu nyaai

(Mk 3:31-35; Lk 8:19-21)

⁴⁶Jethu ee ḡot jam kek kɔc tēwēn yēēt man kek wämāthakēn. Ku këëckë aḡeer, ku thiëckë bik jam kek ye. ⁴⁷Go raan tōk kam kɔc awēn lëk ye, “Moor ku wämāthakui aa kääc aḡeer, ku awickë bik jam kek yī.”


⁴⁸Go Jethu bëër, “Yeḡa ë ma? Ku ye yīḡa paan ë ma?” ⁴⁹Ku nyooth kɔcken ye buḡḡth ku lueel, “Kɔckä! Kek aa ma ku wämāthakäi! ⁵⁰Kuat raan ë wēt Wä tō nhial looi yen ë wämääth, ku nyankäi, ku ma.”

Kääḡ dom path ku dom rac

(Mk 4:1-9; Lk 8:4-8)

13 Ku aköl tōḡ awēn, ke Jethu jiël baai ku ler wār Galilia yḡu ku nyuuc, ku piöoc. ²Ku ḡööm kɔc juëc apeì, go la riäi yic ku nyuuc thīn, ku kääc thān awēn ë piḡ thook aḡeer. ³Ku ḡol Jethu këḡ aa lueel bî yen kɔc piöoc kajuëc.

12:38 Mt 16:1; Mk 8:11; Lk 11:16 12:39 Mt 16:4; Mk 8:12 12:40 Jona 1:17 12:41 Jona 3:5
12:42 1Bḡ 10:1-10; 2Lëk 9:1-12 13:2 Lk 5:1-3



Go la riäi yic ku nyuuc thïn (13:2)

Ku lëk ke, “Raan puör ëci la dom bi la pur. ⁴Tëwën yen rap wæer dom, ke köth abëk lööny dhël yic. Go diet bën ku tetkë ke. ⁵Ku lööny köth kök alél nhom, të koor tiop thïn. Gokë guo cil rin tiop ëciï dit thïn. ⁶Nawën la aköl ruel apeï ke rap awën yuom, ku rieukë rin këc meiken yet piny. ⁷Ku lööny köth abëk të ye yuööt lac dit thïn, nawën la yuööt dit ke näk rap. ⁸Ku lööny köth kök ë tiom path yic, ku lokkë apath, kök ke dit nhïim ku kök ke thöönj röt ku kök ke thoi nhïim!”

⁹Ku wit Jethu wëtde ëlä, “Pieŋkë të le wek yïth!”

Wët thööth ë kään

(Mk 4:10-12; Lk 8:9-10)

¹⁰Nawën ke kocken ye buoath bö tënë ye ku thiëckë, “Yeŋö ye yin jam ë waal tënë ke?”

¹¹Go dhuk nhom ku lueel, “Ŋiëëc käk bääny Nhialic aci gäm we ku akëc gäm ke. ¹²Rin raan la kädänj abi ben muoc bi käkke juëc apeï, ku raan cïn kädänj, ke këthiin ye tak lon tö yen tënë ye, abi nyaai aya. ¹³Kënë ye yen jam waal tënë ke, rin keek aa daai ku acin kë yekë tiŋ, aa piŋ ku aa cïn kë yekë piŋ, tädë ke detkë yic. ¹⁴Këya, wët ci Ithaya raan käk Nhialic tiŋ lueel wäthæer ë rienken ëlä atiiŋ yenhom,

‘Na cok alon ye kockä wët piŋ
ku benkë piŋ, ka cik bi deet yic,
na cok alon ye kockä daai, ku
cockë keek ka ciï käŋ bi tiŋ,

¹⁵rin ci kek kepuöth wel wei,
ku aaci keyiŋ cuök bik ciï ye piŋ
ku niinkë kenyiŋ.

Na këckë looi këya,
 ɲuɔt aa daai ku piŋkë,
 ku detkë kãŋ yiic,
 ku ɲuɔt aaci rɔt thɔn Nhialic, ku kony keek.’

¹⁶“Ku wekkä, wek aa mit gup, rin wek aa daai ku piëŋkë. ¹⁷Ku alëk we, aci kɔc juëc kãk Nhialic tiŋ, ku kɔc path ɲic Nhialic wic bik tiŋ kãk yakë tiŋ, ku aa këckë tiŋ, acik wic bik piŋ kãk yakë piŋ, ku aa këckë piŋ.”

Jethu aci kããŋ raan ë puɔr teet yiic

(Mk 4:13-20; Lk 8:11-15)

¹⁸Go Jethu lueel, “Ëmën piëŋkë tã teet yen kããŋ kënë yic thïn. ¹⁹Kɔc ë wët bããny Nhialic piŋ ku cik det yic, aa cit kɔth ci lööny dhël yic. Jɔŋrac ë bën ku nyëi wët awën kepuɔth. ²⁰Kɔth ci lööny alël nhom aa cit kɔc wët Nhialic gam nyin yic ku mitkë puɔth. ²¹Ku aacie kepuɔth ye dëet, aa löŋ Nhialic guɔ wai wei tã looi aliääp rot, ku tã nëk ke rin wët Nhialic. ²²Kɔth ci lööny tã ye yuɔt lac dit thïn, aa cit kɔc ë wët Nhialic piŋ, ku kãjuëc ke diir rin pïr pinynhom, ku nhiër jiëek aa bën thïn, ku rëckë löŋ Nhialic kepuɔth. ²³Ku kɔth ci puur tiɔm path yic, aa cit kɔc ë wët Nhialic piŋ ku detkë yic apath, ku kãjuëc aye yök tënë ke, cimën rap ci ɲic luɔk ke dit nhïim, ku rap kɔk thööŋ kenhiim ku kɔk ke thoi nhïim.”

Kããŋ yuɔt ci cil dom yic

²⁴Ku ben Jethu ke lëk kããŋ dët, “Bããny Nhialic acit raan ci kɔth path com duɔmde. ²⁵Nayɔn akɔu ke raan ëbën nin, ke raan atërde bö ku weer abaar rap cök ku jiël. ²⁶Nawën la rap cil ke abaar cil aya. ²⁷Go raan lui dom yic bën tënë wun dom ku lueel, ‘Bëny, wäär pur yin, cie rap path kek ca wëer dom yic? Na ye këya ka abaar kënë cil këdë dom yic?’ ²⁸Go bëër, ‘Ee raan man ya yen aci kënë looi,’ Go raan ë luɔi lueel, ‘Wic buk abaar nyuän wei dom yic?’ ²⁹Go wun dom bëër, acie tãde, ‘Rin tã nyuën yin abaar, ke yin amet rap wei ke ke. ³⁰Cɔl rap ku abaar aa dit kedhie agut tã bi kek luɔk, ku aba lëk kɔc tëm ëlä, kaŋkë abaar nyuɔn ku duɔtkë ke bi ke yɔɔt, ku jãlkë rap tem ku tääukë ke kãndië yic.’”

Kããŋ kãu koor nyin ye tiemde dit apei

(Mk 4:30-32; Lk 13:18-19)

³¹Ku benke lëk kããŋ dët ëlä, “Bããny Nhialic acit kãu koor nyin ci raan com duɔmde. ³²Yeen akoor nyin apei kam kɔth ëbën. Ku na le dit

ka wär tiim ebën, ee la nhial ke loi kërđit apei abı̄ diet Ƴöötken aa Ƴik thın̄.”

³³Ku ben lueel, “Bääny Nhialic acıt luɔu cı̄ tik puɔr ayumđit tet Ƴic, na lä ke piäär ebën.” ³⁴Këya, Jethu ẽ ye kę̄ɲ lueel ku bı̄ yen kɔc lëk wëlke ebën, acın kę̄ ye lueel ke cı̄i käǟɲ thöth. ³⁵Ee ye looi këya rin bı̄ wët cı̄ raan käk Nhialic tı̄ɲ lueel theer yenhom tieɲɲ,

“Ƴen abı̄ jam kę̄ɲ tënë week,
bı̄ Ƴen ke käk kuc tēwäär ciek nhial ku piny teet Ƴiic.”

Jethu acı̄ käǟɲ Ƴuööt teet Ƴic

³⁶Go Jethu kɔc nyäǟɲ aƳeer ku ler Ƴöt, go kɔcken ye buɔɔth bën tënë ye ku luelkë, “Tët Ƴo käǟɲ abaar Ƴic.”

³⁷Go bē̄er, “Raan ẽ puɔr cı̄ kōth path wēer dom, ee Manh Raan. ³⁸Dom ẽ pinynhom, ku kōth path aa kɔc ɲic Nhialic, ye bääny Nhialic kēden, ku abaar aa kɔc ẽ jakrec, ³⁹ku raan cā abaar mat dom Ƴic ẽ jɔɲrac. Ku tēmtēm ẽ thök ẽ piny, ku kɔc tēm atuuc Nhialic. ⁴⁰Këya, cimēn ye abaar nyuän wei dom Ƴic ku Ƴɔt, yen abı̄ ya tēde aköl thöök piny. ⁴¹Manh Raan abā atuuc Nhialic tooc, ku aabi kɔc rɛc ẽ kɔc Ƴäth kārāc Ƴiic, ku kɔc luui kārāc tēt bei kɔc path Ƴiic, ⁴²ku cuet ke many dēp cı̄ löklök apei, bı̄ kek aa dhiau thın̄ ke ɲeny kelec akölriēec ebën. ⁴³Ku kɔc path aabi ruel cimēn aköl bääny Wunden Ƴic nhial.”

Ku wit löɲde ẽlä, “Pieɲkë tē le wek Ƴı̄th!”

Käǟɲ ẽ jı̄ɛk cı̄ thiaan dom Ƴic

⁴⁴Ku thöth Jethu käǟɲ dēt ẽlä, “Bääny Nhialic acıt jı̄ɛk cı̄ wɛc piny dom Ƴic. Go raandā Ƴök ku nyı̄ɛi ku ben thiaan ku jiël ke cı̄ puɔu miet apei, ku le kākke Ƴaac ebën, ku Ƴɔc dom wēn, rin nhiēer yen jı̄ɛk kēnē apei.”

⁴⁵Ku ben Jethu lueel, “Bääny Nhialic acıt raan Ƴöc, wı̄c kāpath apei, ⁴⁶nawēn Ƴök kētöōɲ path apei ke la kākke Ƴaac wei ebën ku Ƴɔc kēnē awēn.”

Käǟɲ buɔn ẽ rec dɔm ebën

⁴⁷“Bääny Nhialic aya, acıt buɔn cı̄ cuat wı̄ir ku dɔm kuat ẽ rɛc ebën. ⁴⁸Tē cı̄ yen thiā̄ɲ, ke miit amēi agör nhom ku nyuuckë bik rec kuany Ƴiic, ku tē̄ɛukë rec path gāc Ƴic, ku cuetkë rec cı̄i path wei. ⁴⁹Kēnē, yen ẽ tē bı̄ yen rot luɔɔi thın̄ aköldā thöök piny. Atuuc Nhialic aabi tuöl ku kuēnykë kɔc rec bei ẽ kɔc Ƴiic, ⁵⁰ku cuetkë ke pan mac tē bı̄ kek dhiau thın̄ ke ɲeny kelec akölriēec ebën.”

Wēt thöök wël

⁵¹Ku thiëc Jethu ke, “Cäk wëlkä deet yiic apath?” Gokë gam. ⁵²Go lëk ke, “Na ye këya, ke raan piöoc ë lööñ cï piöoc käk bäany Nhialic, acit raan baai käkken yam ku kätھےer bëëi ayeer ëbën paande.”

Koc Nadharet aa këc Jethu gam

(Mk 6:1-6; Lk 4:16-30)

⁵³Wën cï Jethu thök luel ë këñkä, ke jiël, ⁵⁴ku dhuk genden. Ku piöoc koc tën amat, piöoc cï koc ke tö thïn bën göi ëbën ku luelkë, “Cï mony këne këñ bën aa ñic nen, ku yök riel ë yen käk jän göi looi tennen? ⁵⁵Kënë, cie wën raan dhie ë guan? Ku man cie tiñ dhie cöl Maria, ku yeen cie mënh ë Jemith ku Jothep ku Thaimon ku Judath? ⁵⁶Ku nyiërakën aya, cik töu ë tën kek yo? Yök kakkä ëbën tennen?” ⁵⁷Ku kueeckë ë ye.

Go Jethu lueel tënë ke, “Raan cï Nhialic lööny yeguöp aye baai ëbën theek, ka koc genden ku koc ruäai kek ye, kek aacie ye ye theek.” ⁵⁸Ku akëc käjuëc jän göi looi tënë rin cïn kek gam.

Näak ë Joon raan koc muoc nhïim

(Mk 6:14-29; Lk 9:7-9)

14 Tëwën ke bënyñaknhom Antipäth Yërot, bëny Galilia ëcï wët cï Jethu ñic apeï piñ. ²Go lëk bënyken luk, “Kënë ë Joon raan koc muoc nhïim guöp, yen acï bën pir. Ee yen le yen riel yen kakkä looi.”

³Antipäth Yërot ëcï Joon cöl adom ku rek ku mac, rin wët Yërodia tiñ Pilipo wämënh cï rum bi ya tieñde. ⁴Rin cï Joon ye lëk ye ëlä, “Acïi path ba tiñ wämuuth rum ke pir!” ⁵Go Antipäth Yërot wic bi Joon nöc, ku ë riöc koc Itharel, rin ñic kek Joon ke ye raan käk Nhialic tiñ.

⁶Nawën aköl yan dhiëëth Antipäth Yërot, ke nyan Yërodia diër koc nhïim, abi Antipäth Yërot puöu miet apeï, ⁷ku kuëëñ lon bi yen ye gam kuat këden bi wic!

⁸Go lëk ye të cit të cï man ye than thïn, “Yiëk ya nhom Joon ëmën ke cï tääu aduök yic!”

⁹Kënë ëcï bëny rac puöu, ku rin cï yen kuëëñ ë jööl nhïim, acï gam bi nhom Joon gam ye. ¹⁰Ku cöl Joon ala tök yeth tëwën mëc yen thïn. ¹¹Ku biï nhom ke cï tääu aduök yic, ku gëm nya ku le gam man. ¹²Go koc Joon buöoth bën ku nyëikë guäpde, ku lek tööu, ku lek lëk Jethu.

Jethu acï miëth koor juak bi koc juëc cam

(Mk 6:30-44; Lk 9:10-17; Jn 6:1-14)

¹³Wën piñ Jethu kë cï rot looi, go jäl ë riäi bi la tëde ë rot. Ku tëwën piñ koc ë këne, ke jiël gëethken yiic kecök ku buöthkë. ¹⁴Nawën keec


Jethu piny ë riäi yic, ke tiŋ kɔc juëc apei, go yic ŋɛɛr ë ke, ku kony kɔcken tuany.

¹⁵Nawën col piny, ke kɔcken ye buɔɔth bö tënë ye ku luelkë, “Piny aci cuɔl, ku tën ë ror cín kë kuany thín. Cɔl kɔc aa thiëi bik la bëëi yiic ku bik röt la yɔc miëthden.”

¹⁶Go Jethu bëër, “Acín të bi kek jäl, na le miëth ke gämke ke!”

¹⁷Gokë bëër, “Käk mukku ëbën, aa ayuɔp kadhiëc ku rec karou.”

¹⁸Go Jethu lueel, “Bëëikë ke tën tënë ya.” ¹⁹Ku yöök kɔc bik nyuc ë noon nhom, ku lööm ayuɔp awën kadhiëc ku rec karou, ku döt nhial ku leec Nhialic. Ku beny ayuɔp yiic, ku gëm ke kɔcken ye buɔɔth bik ke tek agut rec, tënë thän awën. ²⁰Ku mïthkë ëbën abí miëth ke göök, ku jɔl kɔcken ye buɔɔth awuthueei ayuɔp ku rec cì döŋ piny, kuany gääc kathiäär ku rou. ²¹Kɔc ke cì mïth ëbën, röör röt aake ye tiim kadhiëc.



Ayuɔp kadhiëc ku rec karou (14:17)

Jethu acath piü nhïim

(Mk 6:45-52; Jn 6:15-21)

²²Ku kaam awën ke Jethu yöök kɔcken ye buɔɔth bik la riäi yic, ku lek tuenŋ yenhom agör alɔŋtui, ku cɔl thëi ajiël. ²³Wën cì yen kɔc cɔl athiëi, ke la gɔt nhom ë rot bí la rööc. Nawën la thëi bën, ke Jethu ë rëër ë tëen yetök, ²⁴ku riäi ke cì yet tëmec, ke cïi cath apath rin lor yen yom nhom.

²⁵Nawën bëëk piny ke Jethu bö tënë ke ke cath piü nhïim. ²⁶Nawën tiŋ kɔcken ye buɔɔth ke cath piü nhïim gokë riɔɔc apei, ku luelkë, “Atim raan cì thou,” ku dhiëukë rin cì kek riɔɔc.

²⁷Ku kaam awën ke lëk Jethu ke, “Dëetkë wepuɔth, ee yŋn Jethu, Duɔkkë riɔc!”

²⁸Go Pïter lueel, “Bëny, na ye yï ayic, ke yï yik ya riël ba la tënë yï, ya cath piü nhïim.”

²⁹Go Jethu lueel, “Bäär!” Go Pïter bën bei riäi yic, ku ciëth piü nhïim ke la tënë Jethu. ³⁰Ku wën tiŋ yen yom ke biök apei, go riɔɔc ku duër dïir, go dhiau, “Luäk ya Bëny!”

³¹Go Jethu dɔm nyin yic ku lueel, “Yin raan la gam koor, yeŋö diiu yin?”

³²Ku wën le kek riäi yic, ke yom kääc. ³³Go atuuc ke tō riäi yic Jethu door ku luelkë, “Yin ë Manh Nhialic alanden.”

Jethu aci kɔc tuany Jenetharet kony

(Mk 6:53-56)

³⁴Gokë wär teem ku lek Jenetharet. ³⁵Nawën njic kɔc Jenetharet Jethu, gokë kɔc thiäak ke ke lëk, ku yëthkë kɔc tuany ëbën tënë ye. ³⁶Ku länjkë bik gɔɔt, cɔk alanhde thok ë path, ku kuat raan ci ye gɔɔt ëbën ee pial.

Jethu aci ciɛɛɲ kɔk wärkuan dīt dhöl yic

(Mk 7:1-13)

15 Go Parathī ku kɔc piöc ë ciɛɛɲ kɔc Itharel bö Jeruthalem la tënë Jethu ku thiëckë, ²“Yejö ye kɔckun yi buɔɔth ciɛɛɲ theer wärkuan dīt dhöl yic? Keek aacie kecin ë lɔɔk tuej tē mīth kek!”

³Go Jethu bëër, “Ku yejö ye wek kuc löɲ ë Nhialic, ku yakë buɔɔth yic ë ciɛɛɲdun theer? ⁴Rin aci Nhialic lueel, ‘Thek wuur ku moor, ku raan wun ku man jääm guöp käreɔc ka dhil nök bi thou.’ ⁵Ku ayakë lueel aya lɔn na la raan kën bi yen wun ku man kony, ku lueel, ‘Acin tē kuöny we, rin kë muök kënë ë kën ë Nhialic,’ ⁶ka këc wun ku man theek. Yen ë tē ye wek wët Nhialic dhäl yic thīn, ku ye ciɛɛɲdun theer yen biathkë yic. ⁷Awëɛɲ kui, Ithaya aci yic lueel ë rienkun wäär lueel yen wët ëlä!”

⁸‘Kɔckä, aa ya leec kethook ku aliu kepuöth.

⁹Keek aa ya door ku acie duöör ë yic,

rin keek aa kɔc piöc lööɲ ciɛɛɲ raan ciët ke ye lööɲkië!”

¹⁰Go Jethu kɔc juëc ben cɔɔl ku lëk ke, “Pieɲkë wëtdië wedhie ku detkë yic. ¹¹Acie kë ye raan cam, yen ye cɔɔl aye raan rac, aa kāk ye tak ku kāk ye lueel, ku kāk ye looi kek aaye cɔɔl aye raan rac.”

¹²Nawën ke kɔcken ye buɔɔth bö tënë ye ku luelkë, “Njic lɔn ci Parathī puöth riäak wën piɲ kek kë ca lueel?”

¹³Go bëër, “Kuat raan ciī wët Wä tō nhial loi, aciī pīr akölriëc ëbën bi yök. ¹⁴Duökkë dieer ë ke! Aa cit cöör thel röt, ku na thel cɔɔr, cɔɔr dët, ka lööny adhuöm yic kedhie.”

¹⁵Nawën ci löɲde wit, ke thiëc Pīter, “Tët yo kääɲ kënë yic.”

¹⁶Go Jethu lëk ke, “Cäk kãɲ ye deet yiic aya? ¹⁷Cäk ye tiɲ lɔn kë ye raan cam acie la yepuöu, ee la yeyäc ku le bën bei? ¹⁸Ku kāk ye raan lueel aa bën bei yepuöu, ku aa kek raan cɔɔl ala guöp adumuööm. ¹⁹Rin puöu yen aye käreɔc ye raan looi bën bei thīn, cimën bal ku näk raan ë

path ku kōr ë diäär, ku cuëer ku jam lueth. ²⁰Käkkä kek aa raan cəl aloi käreç. Ku miëth ye raan miëth ke këc yecin loçk acie adumuçom.”

Tiŋ cï gam lən bi Jethu nyaande kony

(Mk 7:24-30)

²¹Ku jəl Jethu jəl ku ler wun dët tēthiääk kek Tire ku Thidon. ²²Go tiŋ wun Kanaan ciëŋ ë tēnë bēn tēnë ye ku lēŋ, “Bēny, wēn Debit, kony ya! Nyaandië aci jəŋrac la yeguöp, ku yeen adhəl apei.”

²³Go Jethu wētde cii bëer. Go atuçöcke bēn tēnë ye ku ləŋkë, “Gäm kë wic ku cəl ajiël! Abuçth yo ke rēem yonhiim tētheer awën!”

²⁴Go Jethu bëer, “Yen aci tuçöc tēnë kəc Itharel kuc Nhialic kepēc.”

²⁵Kaam wēn ke tik bö ku cuet rot piny yecök ku lēŋ, “Kony ya Bēny.”

²⁶Go Jethu bëer, “Aciï path bi miëth ë miëth gäm jök.”

²⁷Go bëer, “Ee yic Bēny, ku jök rēer tē miëth kəc thiin awuthueei ci lööny piny kuany aya.”

²⁸Go Jethu lək ye. “Yin ee tiŋ la gam dīt apei. Kë wic abi looi tēnë yi.” Ku kaam thiin awën ke nyaande pəl kədəŋ piny.

Jethu aci kəc juēc tuany kony

²⁹Go Jethu jəl ë tēnë ke kuany wär Galilia kōu. Nawën ke la gət nhom ku nyuuc. ³⁰Go kəc juēc kəcken tuany bëëi tēnë ye, kəc ci ŋəl ku cöör ku kəc ci ruai ë rōc piiny, ku miŋ cie jam ku kəc juēc kök. Ku nyuuckë ke yelçom, goke kony bik pial. ³¹Go thän awën gäi wēn tiŋ kek miŋ ke jam, ku aduany ke ci la cök, ku ŋəl ke cath path ku cər ke daai, ku leckë Nhialic Itharel.

Jethu aci raan tiim kaŋuan cəl aa kueth

(Mk 8:1-10)

³²Ku cəl Jethu kəcken ye buçth ku lueel, “Yen aci guöp ŋöŋ, rin kəčkä aaci rēer kek yēn nin kadiäk emēn, ku acin kë camkë. Ku acä wic ba ke cəl ajiël ke nək cək, tēdë ka la wiik dhəl yic.”

³³Go kəcken ye buçth lək ye, “Ye tēnen bi yok miëth yök thiin roor ë tēn bi kəc juëčkä cam?” ³⁴Go Jethu ke thiëc, “Lak ayuöp kadë?” Gokë lueel, “Aa dhorou ku rec thii lik.”

³⁵Go lək thän awën bik nyuc piiny. ³⁶Ku lööm ayuöp awën kadhorou ku rec thii awën, ku röök Nhialic ku beny keyiic, ku gēm ke kəcken ye buçth bik ke tək kəc. ³⁷Ku jölkë miëth ebēn bik kueth. Ku kueny kəc Jethu buçth awuthueei ayuöp ci döŋ piny gäac kadhorou. ³⁸Kəc ke ci miëth, röör ë röt aake ye tiim kaŋuan, ke diäär ku miëth këc mat thiin. ³⁹Ku jəl Jethu kəc cəl ajiël, ku ler riäi yic ku ler wun cəl Magadan.

Jethu aci kuc bī kēnē jāŋ gōi looi

(Mk 8:11-13; Lk 12:54-56)

16 Tēwēn ke Parathī ku Thaduthī bō tēnē Jethu, ku wickē bik deep ē wēt, ku yōōkkē bī kēnē jāŋ gōi looi, bī nyuōth ke lōn ye Nhialic wēlke gam. ²Go Jethu bēēr, “Ayakē lueel tē lōōny akōl piny. Abā aliir path bēēi, akōl aci nyaany looi.” ³Ku na ye nhiāknhīāk ka luelkē, Abī tueny akōlē, rin aci piny dōm bī la dīl ku looi luāāt. Wek aa kē bī rot looi ŋic tē tīŋ wek kākka nhial, ku wek aacie kāk loi rōt ēmēn ye ŋic! ⁴Aa kōc la gup anyon ku gam koor kek aa thiēc kē tīŋkē. Acin kēn jāŋ gōi bī nyuōth we, ee kēwāār cī rot looi tēnē Jona. Ku nyiēēŋ ke piny ku jīēl.

Duōkkē ye tak cīmēn Parathī ku Thaduthī

(Mk 8:14-21)

⁵Kaam wēn yeet kek wār alōŋtui, ke tek kōcken ye buōoth lōn cī kek nhīim mār bīk miēth cīi muk. ⁶Go Jethu lēk ke, “Tiēērke nhīim, ku tietkē rōt bāk cīi nhiam cīmēn Parathī ku Thaduthī, nhiaamden ke cōl ago puōōr cīmēn ayum cī yiēk yic luōu.”

⁷Gokē jam ē kamken, “Ee ŋo yōōk kēlā, rin cīn yen ayuōp cuk bēēi.”

⁸Go Jethu kē takkē guō ŋic ku lēk ke, “Wek kōc koor gamdun! Yeŋō ye wek diēr lōn cīn wek miēth? Ŋot we cie kāŋ ye deet? ⁹Cāk lēu ku bāk tak yen tēwāār kueth ayuōp kadhiēc rōōr tiim kadhiēc, ku gāācdit cī bēn thiāŋ awuthueei cī dōŋ piny? ¹⁰Ku jōl aa yuōp kadhorou wāār cī rōōr tiim kaŋuan cam bīk kueth, ku gāāc thiāŋ awuthueei cāk bēn kuany? ¹¹Yeŋō kēc wek ye deet yic, lōn ŋen a ŋa cīi jam tēnē we rin ayuōp? Kē ca lueel akīn, aben ber yic, tietkē rōt bāk cī nhiam cīmēn Parathī ku Thaduthī!”

¹²Go atuōōcke jāl deet yic, lōn aciī Jethu lēk ke bīk rōt tiit lon dhie ye tāau ayup yic bī puōōr, ee lōn bī kek rōt tiit piōōc rēc Parathī ku Thaduthī.

Pīter aci Jethu ŋic

(Mk 8:27-30; Lk 9:18-21)

¹³Wēn cī Jethu yet Cetharia tō Pilipi, ke thiēc kōcken ye buōoth ēlā, “Ye jāŋ tak ye Manh Raan ŋa?”

¹⁴Gokē bēēr, “Ayekē lueel lōn ye yen Joon raan kōc muōōc nhīim, ku lueel kōc kōk lōn ye yen Elija, ku aye kōc kōk lueel lōn ye yen Jeremia, tēdē ke ye raan tōŋ kam kōc kāk Nhialic tīŋ.”

¹⁵Goke thiēc, “Na week, yakē tak lōn ye ŋen ŋa?” ¹⁶Go Pīter bēēr, “Yīn ē Raan cī lōc ku dōc, Manh Nhialic pīr.”

16:1 Mt 12:38; Lk 11:16 16:4 Mt 12:39; Lk 11:29 16:6 Lk 12:1 16:9 Mt 14:17-21

16:10 Mt 15:34-38 16:14 Mt 14:1-2; Mk 6:14-15; Lk 9:7-8 16:16 Jn 6:68-69

¹⁷Go Jethu lueel, “Yin aci Nhialic dɔɔc wɛn Jona, rin yic kɛnɛ ɛciɪ tak ɛ rot, ee Wä tɔ nhial yen anyuth ye yi ba lueel kɛya. ¹⁸Ku alɛk yi ɛmɛn. Yin acɔl Piter, ku wɛtde yic, alɛl, ku alɛl kɛnɛ nhom ɣɛn bi luanɗiɛ buth thɪn, ku aciɪ riel ɛ jɔŋrac bi lɛu bi thuɔr piny. ¹⁹Ku yin aba gɛm riel bääny pan Nhialic, kɛ ciɪ bi päl piny pinynhom aciɪ bi puɔl nhial, ku kɛ ba puɔl pinynhom abi puɔl nhial aya.”

²⁰Ku yöök kɔcken ye buɔɔth bik ciɪ lɛk raan dɛt, lɔn ye yen Raan ci lɔc ku dɔc.

Jethu ɛ jam Areamde ku Thuɔnde

(Mk 8:31-9:1; Lk 9:22-27)

²¹Ku jɔl Jethu wɛt agai yic tɛnɛ kɔcken ye buɔɔth, “Yɛn abi dhiel la Jeruthalem. Ku ɣɛn abi gum apei kɔcdit ɛ baai cin, ku kɔc käk Nhialic, ku kɔc piöoc lööŋ cin aya. Ku ɣɛn abi nök ba thou, ku na ye aköl ye nin diäk ke ɣɛn abi ben pɪr.”

²²Go Piter miɛet wei kɔc yiic, ku dɔk bi ciɪ ye jam kɛlä, ku lueel, “Bɛny, aciɪ Nhialic bi puɔl bi rot looi. Kɛnɛ aciɪ rot bi dhiel looi tɛnɛ yi!”

²³Go Jethu yenhom wel ku lɛk Piter, “Jäl ɣalööm jɔŋrac! Wic ba kɛ ci Nhialic guiir rienkiɛ waar yic. Käk ye tak aacie käk Nhialic aa wɛl raan ɛ path.”

²⁴Ku jɔl Jethu lɛk kɔcken ye buɔɔth, “Na ye raan wic bä buɔɔth, ka dhil nhom määra kɔpuɔth bi yök ɛ piɛrde yic pinynhom ɛ tɛn. Ku dhil puɔu riel ku buɔɔth ɣa, cɔk alɔn wic kɔc kök ye bik nök ɛ rienkiɛ. ²⁵Rin raan wic ye bi wɛike ɛ rot ŋiɛc muk pinynhom ɛ tɛn, ka ciɪ pɪr aköldä bi yök, ku na ye raan mär wɛike ɛ rienkiɛ, ku rin ɛ piöocdiɛ ka bi wɛike muk akölrɛɛc ɛbɛn. ²⁶Yɛŋö bi raan yök thɪn, tɛ jɛɛk yen apei pinynhom ɛ tɛn ku mɛr wɛike? Tɛdɛ, ye kɛpiath ŋö bi yök bi yen wɛike waar? ²⁷Rin aköl bi Manh Raan bɛn kek duaar ɛ Wun kek atuuc nhial, ke yɛn abi raan ɛbɛn yiɛk ariöŋp thöŋ kek kɛden ci looi. ²⁸Ku le tueŋ ku lueel, wek aa lɛk yic, ala kɔc kök rɛɛr ɛ tɛn aaciɪ bi thou agut tɛ bi kek Manh Raan tiŋ ke bö ke ye Bɛnyŋaknhom.”

Jethu aci guäpde rot waan

(Mk 9:2-13; Lk 9:28-36)

17 Nawɛn nin kadätem cök, ke Jethu cɔl Piter ku Jemith kek wämɛnh Joon, ku lek gɔn bär apei nhom kepɛc. ²Tɛwɛn rɛɛr kek, ke Jethu waŋ rot, ku ɣɛr nyin cimɛn aköl, ku jɔl aläthke ɣɛr apei bik la diardiar. ³Kaam awɛn ke Mothith ku Elija tul, ku jɛɛmkɛ kek Jethu.

16:19 Mt 18:18; Jn 20:23 16:24 Mt 10:38; Lk 14:27 16:25 Mt 10:39; Lk 17:33; Jn 12:25
16:27 Mt 25:31; Wk 62:12; Rom 2:6 17:1-5 2Pit 1:17-18

⁴Go Pïter lëk Jethu, “Bëny, apath buk rëer ë tën. Na wïc ke yen aloi duël kadiäk ë tën, tøk kek yï, ku tøk kek Mothith ku tönj dët kek Elija.”

⁵Kaam wën ñot jïeem yen, ke këcit rur pat piny abi ciën të yekë tiñ, ku piñkë Nhialic ke jam ëlä, “Kënë ë Wëndiën nhiaar, mit yen puöu tënë ye piñkë wëtde.”

⁶Nawën piñ kóc Jethu buoöth wët këne, gokë riöc apeï ku wïikkë.

⁷Go Jethu bën tënë ke ku goot ke ku lueel, “Jatkë röt. Duökkë riöc.”

⁸Nawën jotkë kenyin, ke cïn raan dët tiñkë, ke ye Jethu ë rot.

⁹Tëwën dhuk kek piny ë gõt nhom, ke lëk Jethu ke, “Duökkë käk cäk tiñ lëk raan dët yet aköl bi Manh Raan jot ran yic.”

¹⁰Go kacken ye buoöth thiëc, “Yenjö ye kóc piöoc löönj kóc Itharel ye lueel, lön ë yen Elija yen bi kan bën tueñ?”

¹¹Go bëer ëlä, “Ee yic Elija akonj bën rin bi yen dhël bën guir. ¹²Ku alëk we lön ci Elija bën thëer, ku akëc kockä bën ñic ku luikë këden nhiarkë. Cït ëmën aya, Manh Raan abik cöl arem apeï.”

¹³Go kacken ye buoöth deet yic lön nadë ka jam tënë ke rin Joon raan kóc muöc nhiim.

Jethu aci dhöñ la guöp jöñrac kony

(Mk 9:14-29; Lk 9:37-43)

¹⁴Nawën lek dhuk piny gõt nhom, ke yök kóc juëc ke tit ke. Go raan tøk bën ku gut yenhiöl piny Jethu nhom, ¹⁵ku lueel, “Bëny, kony manhdië. Ala guöp nok ku aci ye göök apeï. Aye lac wiet meec, tädë ke le wiet wïir. ¹⁶Ku ë ca bëëi tënë kockun yï buoöth ku akëckë lëu bi pial.”

¹⁷Go Jethu lëk ke, “Wek kóc cie lac gam, yakë tak ba rëer kek we yet nen? Bëëi dhöñ këne tënë ya.” ¹⁸Nawën lek bëëi, ke Jethu rël jöñrac, go jäl meth guöp, ku go pial nyin yic.

¹⁹Nawën ke kóc Jethu buoöth bö tënë ye ë rot ku thiëckë, “Yenjö këc yok ye lëu buk jöñ këne cuöp wei?”

²⁰⁻²¹Go lëk ke, “Ee rin koor gamdun,” Ku le tueñ ku lueel, “Na we la gam cök kuur cimën manh ñaap koor nyin, ka lëkkë ë gon këne, ‘Jälë ë tën!’ Ka lëu bi jäl. Acïn kë dhal we bäk cïi loi.” Ku lëk ke, “Jöñ cït këne ë yen alëu ye ba cuöp wei, rin ye yen cool ë röök!”

Jethu aci ben jam ë Thuönde

(Mk 9:30-32; Lk 9:43-45)

²²Nayon akäl tøk, wën ñoot kek Galilia, ke lëk Jethu ke, “Manh Raan abi thön kóc, ²³ku abik nök, ku na aköl ye nin diäk, ka bi jot ran yic.” Gokë puöth dak apeï.

17:1-5 2Pit 1:17-18 17:5 Cäk 22:2; L.rou 18:15; Wk 2:7; Ith 42:1; Mt 3:17; 12:18; Mk 1:11; Lk 3:22
17:10 Mal 4:5 17:12 Mt 11:14 17:20 Mt 21:21; Mk 11:23; 1Kor 13:2

Ajuër luaj Nhialic

²⁴Nawën cï Jethu kek atuöccke yet Kapernaum, ke kɔc ë kut ajuër luaj Nhialic bö tənë Pïter ku thiëckë, “Ye raandun piöoc ajuër luaj Nhialic tääu piny?”

²⁵Go Pïter bëër, “Aye tääu piny.” Ku le yöt bi la lëk Jethu. Go Jethu guɔ kaaj wei ku thiëc, “Ye tak kädë Pïter? Yeja bäny pinynhom juër? Ye kɔcken baai aye kɔc thäi kök?”

²⁶Go Pïter bëër, “Aa kɔc ë thäi.” Go Jethu lueel, “Na ye këya ke kɔc baai aacie ajuër ë tääu piny. ²⁷Ku yen acuk wic buk kɔckä rac puöth. Lɔr wiir ku cuat biðho, ku miit rëc ba dɔm tuej bei ku ŋam thok, ku yin abi wëu lëu ajuerdië ku ajuërdu yök thün. Yäth ke tənë ke ke ya ajuërda yodhie.”

Kɔc Jethu bucɔth aaci wët tær

(Mk 9:33-37; Lk 9:46-48)

18 Kaam wën ke kɔc Jethu bucɔth bö tənë ye ku thiëckë ëlä, “Yeja yen dit apeï kam kɔc tö bääny pan Nhialic yic?”

²Go Jethu meth cɔl, ku cɔl akäac kenhïim, ³ku lueel, “Wek alëk yic, na cäk röt war bäk ciët mith kor, ke wek aaciï bääny Nhialic bi kaaj yök. ⁴Këya raan rot dhuök piny bi ciët ë manh kënë yen adit apeï pan Nhialic. ⁵Ku raan manh koor cit manh kënë lor rienkië, acä lor.

Ba raan dët thöc kërac yic

(Mk 9:42-48; Lk 17:1-2)

⁶“Na ye raan wëj menh tök kam ë mithkä, ku bä maan ka ŋuëen tənë ë raan cit kënë diët cï ruök yeth aledit tet, ku pik wiir bi mou. ⁷Ye këreec yindë pinynhom ye kɔc kök kɔc wëj këreec yiic. Käkkä aabi röt dhiel aa looi akölaköl, ku bi yiën dë tənë kɔc käkkä looi!

⁸“Ku na ye ciëndu ayi cöckdu yi cɔl aloi awuöc, ka tëm bei ku cuat ke wei. Rin ajuëen ba pïr pïr path ke yi ye ŋɔl, tənë të bi yin la cin karou ku cök karou ku cuet yi many dëp yic akölrïëc ëbën. ⁹Ku na ye nyiendu yi cɔl aloi adumuööm, ke ŋuët bei ku cuat wei. Rin ajuëen ba pïr yök ke yi la nyien tök, tën të bi yin la nyin karou, ku bi yi la cuat pan mac.

Käaj amël cï mää

¹⁰“Duökkë them bäk mith thiikä bui. Alëk we bäk ŋic lon atuöccken nhial aa rëer Wä lööm akölaköl pan Nhialic. ¹¹Ku yen Manh Raan yen acï bën ba kɔc cï mää bën gäm pïr.

17:24 B.bei 30:13; 38:26 18:1 Lk 22:24 18:3 Mk 10:15; Lk 18:17 18:8 Mt 5:30 18:9 Mt 5:29
18:11 Lk 19:10

¹²“Lëk ya yic. Na raan ala amääl buɔt ku mär amäl tók ke cii thiärdhoḡuan ku dhoḡuan nyiëḡ piny, ku le amäl kënë wïc? ¹³Ku na le yök ka mit puḡu apei, miet puḡu wär miet puḡu wäär tō amël kök thin. ¹⁴Kälä aya, aciï Wuurdun tō nhial nhiar, bi menh tók kam ee mith thiikä mää.

Të looi wämuuth awuɔc tënë yi

¹⁵“Na loi wämuuth awuɔc tënë yi, ke yi la tënë ye ku lëk kē cī wuɔc tēdun wepēc. Na piḡ wētdu, ke wek aaci döör. ¹⁶Na cii wētdu piḡ, ke yi cōl raan tók ayi kōc karou ku dhuɔkkē tënë ye, ‘Rin bi awuɔc cī looi tënë yi ḡic kōc karou ayi diäk.’ ¹⁷Na ḡot kuc bi wētden cii piḡ, ke lëk akut, ku na kueec bi wēt akut cii piḡ aya, ke päl bi ciēt raan thäi ku raan ajuēr kut, kōc kuc wēt Nhialic.

¹⁸“Ku wek aa lëk kënë, awuɔc cäk bi päl piny pinyhom, aciï bi päl piny nhial, ku awuɔc bäk päl piny ë tēn abi päl piny nhial.

¹⁹“Ku aben lëk we, na mät kōc karou kamkun pinyhom ë tēn, ku thiëckē kē wickē ka gēm Wä tō nhial ke. ²⁰Rin tē ye kōc karou ayi diäk kenhiim mat ë wētdiē ke yēn abi rēer kamken.”

Kääḡ aluaḡ cie wēt ye päl piny

²¹Nawēn ke Piḡter bö tēnē Jethu ku thiëc, “Bēny, ya arak dē lēu bi yēn wēt päl piny tēnē wāmääth cä awuɔc looi tēnē ya? Ye arak dhorou?”

²²Go Jethu bēer, “Alëk yi, aca arak dhorou, ee thiärdhorou arak dhorou, ²³rin bääny Nhialic acit bēnyḡaknhom wïc ye bi kākke kuëen nyin kek aluakke. ²⁴Kaam wēn kuëen kek käḡ nyin, ka aluaḡ tók cī wēu juëc apeidit muör biï tēnē ye. ²⁵Ku yēn ë cīn wēu cool yēn wēu cī muör, go bānyde lueel bi yaac wei kek tieḡde ku miēthke ku kākke ebēn bi kāny cool. ²⁶Nawēn piḡ ë wēt kënë ke läḡ bānyde apei ku lueel älä, ‘Päl ya kaam thin koor, ku yēn abi kākka cool bēny.’ ²⁷Go bēnyḡaknhom tē mēem yēn thin tiḡ, ku päl kānyde tēnē ye ku cōl ajiël.

²⁸“Kaam wēn le aluaḡ kënë ayeer, ke rām kek aluaḡ dēt rēer kek baai kōöny wēu reen lik. Go pac yeth ku yōök bi wēūke cool nyin yic. ²⁹Go löḡ apei ku lueel, ‘Päl ya kaam ku yēn abi wēūku cool!’ ³⁰Go cii gam, ku cōl amac yet tē bi yēn wēūke cool. ³¹Nawēn tiḡ aluek kōk kē cī rot looi, ke riääk puōth apei ku lek tēnē bānyden ku lëkkē kēriëc ebēn cī rot looi. ³²Go bēnyḡaknhom aluaḡ kënë cōl ku lueel, ‘Yin acin puḡu, yēn aci wēu juëc kääny ke tēnē yi päl piny rin cī yin ya löḡ. ³³Cii lēu ba kāny päl piny tēnē raandun rēer wek, cimēn kēwäär ca luōi yi?’ ³⁴Ku wēn cī yēn puḡu riääk apei, ke cōl amac yet tē bi yēn kāny cool ebēn.”

*Go pac yeth ku yöök bi
wëëuke cool nyin yic
(18:28)*



³⁵Ku wit Jethu wëtde ëlä, “Yen ë të bi Wä tō nhial luöi we, të ci wek awuöc ye päl piny kamkun puöu ëbën.”

Jethu apiöoc wët ë liösi

(Mk 10:1-12)

19 Wën ci Jethu wët wic bi lueel thöl, go jäl Galilia ku ler Judia ku teem wär Jordan. ²Go koc juëc apei buöth, goke kony.

³Go Parathi kök bën tënë ye, ku wickë bik deep ë wët ku thiëckë ëlä, “Ye lönda raan puöl bi tienje liösi ë path?”

⁴Go Jethu bëër, “Këckë kañ kuen athöör yic lon wär cieë Acieëk koc wäthëer, aaci cak moc ku tik. ⁵Ku lueel, ‘Rin ë wët kënë yen abi raan wun ku man nyääñ piny ku le ker kek tienje, ku keek karou aabi ya many tök.’ ⁶Këya, aaciï ñot ke ben aa rou, ee tök. Ku këya, na ci Nhialic ke puöl bi ya moc ku tik, ka cin raan päl ñek ë kamken.”

⁷Go Parathi ben thiëc, “Na ye këya, yeñö pël Mothith ye bi raan athör liösi göt ku pël tik?”

⁸Go Jethu bëër, “Mothith aci wärkuan dit puöl bik diäärken aa liösi rin aake cie yith ye lac gam. Ku ëcie këya wäthëer cieë koc. ⁹Ku aba lëk we ëmën, na ye mony liöi tienje, ke këc wic mony dët, ka ci kërac looi.”

¹⁰Go kocken ye buöth lëk ye ëlä, “Na ye yen tën ye kañ röt luci thin kam moc ku tik akan, ka ñuëën bi raan ciï thiëk.”

¹¹Go dhuök ke ku lueel, “Acie raan ëbën yen bî kē ca lueel gam, aa kɔc ye Nhialic kuɔny. ¹²Raan dēt aye dhiëeth ke ya aboi, na cɔk thiëek tē le yen dit ka cīi dhiëth, ku kɔc kōk aaye roc bik cīi dhiëth tē cɔk kek thiëek. Ku kɔc kōk aacie thiëek rin wïc kek ye bik wēt Nhialic yāth tuɛŋ. Këya, na ye raan gam ë wēt kënë, ke gɛm ku piöc.”

Jethu adɔc mīth

(Mk 10:13-16; Lk 18:15-17)

¹³Kɔc kōk aake cī mīth bēëi tēnē Jethu bī ke bën dɔc, go kɔc Jethu buɔth kɔc läät. ¹⁴Go Jethu lueel tēnē ke, “Calkē mīth aabō tēnē ya, duökkē ke pën. Raan wïc ye bī la pan Nhialic adhil gam cīmën ee mīth thiikä.”

¹⁵Ku cɔl mīth yelööm ku tēüu yecin kenhīim, ku dɔc ke ku jiël.

Raan ajak

(Mk 10:17-31; Lk 18:18-30)

¹⁶Go mony dēt kaan̄ nhom ku thiëec ëlä, “Raan piöc ye këpiath n̄o ba looi ba p̄ir akölriëec ëbën yök?”

¹⁷Go Jethu bēër, “Yeŋö ye yīn ya thiëec këpath ba looi? Ee Nhialic rot yen apath. Na wïc ba p̄ir akölriëec ëbën yök, ke yī thek löŋke.”

¹⁸Go mony kënë Jethu ben thiëec ëlä, “Ye lööŋ nen?” Go Jethu bēër, “Duk raan nāk, duk tiŋ raan dēt kɔr, duk cuëër, duk kuëëŋ wēt ë lueth. ¹⁹Thek wuur ku moor, ku nhiaŋ raan dēt cīmën nhieer yīn rot.”

²⁰Go riënythii awën dhuök ye ku lueel ëlä, “Lööŋkä aaca muk nhīim ëbën. Ye kē nen ba bën looi?”

²¹Go Jethu bēër, “Na wïc ba la cök tēnē Nhialic, ke yī la ba kākku la yaac ëbën, ku gam wēüu tēnē kɔc n̄öŋ, yīn abī jieek la yök pan Nhialic, ku bäär buoth ya.”

²²Nawën piŋ ë wëlkä ke mɛen, ku jiël ke cī puüu dak rin ë la kajuëc apei.

²³Go Jethu yenhom wël kɔcken ye buɔth ku lëk ke, “Abī riel tēnē raan ajak bī la pan Nhialic. ²⁴Ku aben lëk we, apuɔl yic bī thöröl bak with cök, tēnē lɔn bī raan ajak la pan Nhialic.”

²⁵Nawën piŋ kɔcken ye buɔth ë kënë, ke gëi apei ku luelkē, “Na ye këya, ke yeŋa bī la pan Nhialic.” ²⁶Go Jethu ke döt ku bēër, “Acīi raan bī lëu ë rot, bī gam tē kēc Nhialic ye kony, rin Nhialic ë këriëec ëbën lëu, acīn kē dhal ye.”

²⁷Go Piter rot jɔt ku lueel, “Na yook, yök kɔc cī kākkuu ëbën nyään piny ku buothku yī, yeŋö bī ya këda?”

²⁸Go Jethu bëër, “Wek alëk kënë, tē le kãñ röt waar, ke Manh Raan abī nyuc thönyde nhom ë diik yic pan Nhialic, ku week wathiäär ku rou, wek aabi nyuc thöc nhiiim aya bāk luñ kuat Itharel kathiäär ku rou looi. ²⁹Ku kuat raan cī paande nyääñ wei kek paan ë man ku nyiërakën, ku wun ku man ku miëthke ku dum ë rienkië, abī kãjuëc yök arak buɔɔt, ku abī pīr akölrīëc ëbën yök aya. ³⁰Ku kɔc juëc tō tuenñ emën aabi döñ ciëen, ku kɔc kök juëc tō ciëen aabi la tuenñ.”

Kääñ kɔc lui dom yic

20 Ku ben Jethu bäany Nhialic thöññ ëlä, “Raan dom ëcī rial bī la wīc kɔc bī duɔmde bën tem. ²Ku ciëk ariöp bī ya gãm ke akäl tök, ku tooc ke dom. ³Nawën tēcīt lunyluny ë yök, ke la tē ye kɔc yɔɔc thīn, go kɔc kök tīñ thīn ke kääc ke cīn kē loikē, ⁴go lëk ke ëlä, ‘Lak dom yic aya bāk la tem, ku wek aaba yiëk ariöp thöñ ke luoidun.’ ⁵Gokë la. Nawën aköl ciel yic, ku tään aköl aya, ke la ayeer ku le bën ke kɔc kök. ⁶Nayɔn thëëi ke la ayeer ku yök kɔc kök ke kääc ë path go lëk ke, ‘Yenjö rëer wek tēwën aköl ke cīn kē luɔikē?’ ⁷Gokë lëk ye ëlä, ‘Acīn raan cī yɔ cɔɔl buk la luui.’ Go lëk ke bīk la luui aya.

⁸“Nayɔn thëëi ke wun dom cɔl raanden kɔc döm ku lueel, ‘Cɔl kɔc luoi, ba ke döm wëëuken, ku jɔk kɔc ë ke bö ciëen, bī jäl la thök kɔc wën anhiäk jɔk luoi ë rial.’ ⁹Go kɔc ke bö luoi yic ciëen bën ku gëm ke wëëuken. ¹⁰Nawën la kɔc ke jɔk luoi ë rial bën bī ke bën riɔp, ke takkë lɔn bī ke gãm wëëu juëc, ku keek aaci bën riɔp wëëu cīt wëëu cī gãm kɔc ke lök bën luoi yic ciëen.

¹¹“Gokë wëëu döm ke dak puöth, ku jiëmkë wun dom guöp ëlä, ¹²Kɔc ke lök bën ciëen, cīn luoi dīit cīk looi, aaca thöññ nhiiim kek yɔ, yok kɔc cī luui aköl yic tēwën anhiäk agut tē col piny cīt emën!”

¹³“Go wët raan tök bëër ëlä, ‘Mäthdië, yīn acä jör, ciët yɔ cī tē bī yēn yī riap thīn akäl tök cäk. ¹⁴Döm ariöpdu ku jälë. Aca tak ba raan lök bën ciëen gãm ariöp cīt ariöpdu. ¹⁵Cä la yic ba wëëukië gam tēcīt tē wiëc ye? Yenjö ye tiëel yī döm tē muɔɔc yēn kɔc?’”

¹⁶Ku wit Jethu wëtde ëlä, “Këya, kɔc tō ciëen aabi tō tuenñ ku kɔc tō tuenñ aabi tō ciëen.”

Jethu ajam ë Thuɔnde kën yic diäk

(Mk 10:32-34; Lk 18:31-34)

¹⁷Nayɔn aköl dët ke Jethu cath kek kɔcken ye buɔɔth ke la Jeruthalem, ke cɔɔl ke tēden ë röt ku lëk ke, ¹⁸“Emën yok aala Jeruthalem, ku Manh

Raan abī la d̄m ku yēth k̄c k̄k Nhalic nhīim, ku k̄c piōoc ē lōōŋ. Ku abik tēm thou, ¹⁹ku thōnkē bāny k̄c cie k̄c Itharel bik lääť ku thatkē ku piēťtkē tim cī rīiu k̄u. Ku na ye nin kadiäk cök ka bī pir ku jöt bei ē raj yic.”

Man wēēt Dhubedī acī Jethu thiēec kēden wic

(Mk 10:35-45)

²⁰Nawēn ke man wēēt Dhubedī bō tēnē Jethu kek wātke, ku gut yenhiaal piny ku thiēec bī luōi kē wic.

²¹Go Jethu thiēec, “Yeŋō wic?” Go bēer ēlā, “Tē nyuuc yin thōnydu nhom bāāny Nhalic yic aköldā, ke yī t̄ŋ yīpuōu lōn bī yin wētkiēn kē karou cōl aa nyuc yilōōm, raan tōk kōŋ cuēc ku raan dēt kōŋ ē cam.”

²²Go Jethu dhuök ke ēlā, “Wek aakuc kē thiēckē, yēn abī baŋ apei ē nīnkā ku yēn abī nōk. Lēukē bāk gum cimēndiē?” Gokē bēer, “Alēuku.”

²³Go Jethu lēk ke, “Na cōkkē we nōk ayic ka lēukē bāk gum, ku acie yēn la riel ba raan bī nyuc kōŋdiēn cuēc ku kōŋdiēn cam kuany. Thōckā aa kāk k̄c cī Wā guiēr ke.”

²⁴Nawēn le atuuc kōk kathiäär piŋ, ke riääk puōth tēnē wēēt Dhubedī. ²⁵Go Jethu ke cōl ku lēk ke, “Aŋiēckē lōn k̄c cī gam bik aa bāny k̄c cie k̄c Itharel aala riel k̄c nhīim, ku acīi path bāk ciēt ke. ²⁶Ku kēnē acīi rot bī looi kamkun. Raan wic ye bī ya raandit kamkun, adhil rot dhuök piny bī ya luui rin k̄c kōk, ²⁷ku na ye raan wic ye bī ya bēny wenhīim, ka dhil ya aluaŋdun. ²⁸Cimēn Manh Raan aya akēc bēn bī k̄c bēn loony, acī bēn bī k̄c bēn kony, ku gēm wēike bī k̄c juēc waar thou yic.”

Jethu akony cōör karou bik daai

²⁹Tēwēn jīel Jethu Jeriko kek kōcken ye buōth, ke buōth k̄c juēc apei. ³⁰Ku k̄c cī cōr karou aake rēer ē dhēl kēc. Nawēn piŋkē lōn cī Jethu yēet, ke cōt röldit, “Bēny, Wēn Debit, kony yō!” ³¹Go k̄c kōk ke rēl ku yōökkē ke bik biet. Gokē ŋot ke kiu apei, “Wēn Debit! Kony yō.” ³²Go Jethu kōc ku cōl ke, ku thiēec ke, “Yeŋō wiēckē ba looi tēnē we?” ³³Gokē lēk ye, “Bēny awīcku buk bēn daai.” ³⁴Go Jethu gam, ku gōt kenyin, gokē daai nyin yic ku buōthkē.

Jethu acī la Jeruthalem ke ciēm yai

(Mk 11:1-11; Lk 19:28-40; Jn 12:12-19)

21 Tēwēn cī kek thiök kek Jeruthalem, ke bō Bethpeec tēthiääk kek gōn Olip, ke Jethu ēcī kōcken ye buōth karou tuōc tueŋ, ²ku lēk ke, “Lak bēēi tō tueŋ yiic, ku wek aabā akaja yök ke mac ku manhde

*Ku goot kenyin, gokë
daai nyin yic ku buothkë
(20:34)*



yelööm. Luonykë ke ku bëëikë ke tënë ya. ³Na le raan thiëc we ke luelkë, keek aa wïc Bëny ku aabï dhuk ëmën.” ⁴Kënë aci rot looi këya rin bi wët cï luel ëlä thëer raan käk Nhialic tiñ yenhom tiëeñ,

⁵“Lëk kɔc Itharel,
ëmën bënyñaknhom dun abö tënë week!
Alir puö ee cath akaja, manh akaja.”

⁶Go kɔc Jethu buoñth la ku loikë cimën cï Jethu ye lëk ke, ⁷ku biikë akaja ke manhde ku kumkë keköth aläthken, ku nyuc Jethu manh akaja köu. ⁸Kɔc juëc aacä aläthken thieth dhël yic, ku kɔc kök aacä ayör tiim dhoñ ku thiethkë ke dhël yic aya.

⁹Go kɔc ke tö tueñ yenhom ku kɔc ke buoñth ye, yai looi ku yekë wak ëlä,

“Lecku wën Debit!
Bëny dɔc raan bö rienku lecku Nhialic Madhɔl!”

¹⁰Nawën yeet geeu Jeruthalem, ke kɔc gëi apeï ku yekë thiëc ëlä, “Yeña këñë?”

¹¹Ke bëer kɔc ñic ye ku luelkë, “Yen ë raan käk Nhialic tiñ cɔl Jethu pan Nadharet, wun Galilia.”

Jethu aci la luaj Nhialic

(Mk 11:15-19; Lk 19:45-48; Jn 2:13-22)

¹²Nawën lek yet Jeruthalem ke Jethu la luaj Nhialic, ku cop kəc kən yaac ku kəc yööc ayeer kal luaj Nhialic yic. Ku wel agen kəc wëëu waar yiic piny, ku thöc kəc yööc wei ë kuör. ¹³Ku lëk ke,

“Aci göt ëlä athör theer wël Nhialic yiic,
‘Kal luajdië aci looi bi ya tën ye kəc wuöt ëbën röök thïn,’
ku yen acäk wel bi ya tën cuër.”

¹⁴Kəc ci cör ku kəc ci duany aake ci bën tënë ye kal yic luaj Nhialic, goke kony. ¹⁵Kəc dit käk Nhialic ku kəc gët lööj aake ci puöth dak tëwën tiñ kek kəpuöth ci Jethu looi, ku wën ye mith ket kal yic luaj Nhialic ëlä, “Lecku Wën Debit.”

¹⁶Ku luelkë tënë Jethu, “Ye kë lueel ë mithkä piñ?” Go bëër, “Aya piñ. Ku këckë kënë kañ kuen,

‘Yin aci mith agut mith thii kor piöc bik lec la cök aa lueel.’”

¹⁷Kaam wën ci Jethu wëlkä lueel, ke jiël geeu ku ler Bethani tē ci yen bën anin thïn.

Jethu aci tim wak bi riau

(Mk 11:12-14, 20-24)

¹⁸Nayon nhiäk, tëwën dhuk kek geeu, Jethu ë nək cək. ¹⁹Nawën tiñ tim cit nyaap dhël you, go la cöl bi yök ke ci luək, go yök ke ayör kepec. Go Jethu lueel, “Yin aci mith kəñ ben tiñ athëer!” Ku nyin yic tëwën ke tim riau.

²⁰Tëwën tiñ kacken ye buöth ë kënë, ke gëi apei, ku thiëckë röt, “Yejö ci tim kënë guo riau?”

²¹Go Jethu bëër, “Na gamkë ke cïn diu, ka cie kë ca looi tënë ë tim kënë yen luükë ë rot, na cək a gən kënë yen yökkë ëlä, ‘Jot rot ku cuat rot wiir,’ ka loi rot. ²²Ku na lak gam, ke kəriëc ëbën yakë ke thiëc tē röök wek, aa yökkë.”

Bäny Itharel aa riel Jethu yöñ yic

(Mk 11:27-33; Lk 20:1-8)

²³Go Jethu ben dhuk kal yic luaj Nhialic, ku tëwën piöc yen, ke bänydit käk Nhialic ku kəc baai bö tënë ye ku thiëckë ëlä, “Ee yin, ye riel nö tö yiguöp ye yin luui këlä? Ku yeña yik yi ë riel kënë?”

²⁴Go Jethu bëër, “Wek aba thiëc wët tök aya, na bëërkë apath, ke wek aba lëk raan cä gam riel ye yen kakkä looi. ²⁵Lëkkë ya, Joon yök riel yen kəc gam lökwëi tēnen, ye tënë Nhialic aye rielde ë rot?”

Gokë guëek yic kamken ku luelkë, “Na luelku, ke yök tënë Nhialic, ka thiëc, ‘Aye njö këc wek wëtde gam?’ ²⁶Ku na luelku, ‘Ke rielde ë rot,’ ke yok aa jöny ke rin ci raan ëbën ye gam.” ²⁷Gokë dhuök Jethu, “Akucku.”

Go Jethu lëk ke, “Na ye këya, ke wek aacä lëk riel ye yen kakkä looi.”

Kääñ cï Jethu lueel rin mïth karou

²⁸Ku ben Jethu ke thiëc, “Yeñö yakë tak wët kënë yic? Monytui ë la dhäk karou. Go la tënë wëndit ku lëk ye, ‘Manhdië lör lui dom yic ya aköl.’ ²⁹Go bëër, ‘Yen aciï la,’ nawën ke ben yenhom waar ku ler. ³⁰Go ben la tënë wänden koor ku lëk wët awën cï kañ lëk wëndit. Go gam ku cïï la. ³¹Yeña kamken karou cï kë wïc wun looi?”

Gokë bëër, “Ee wëndit.”

Go Jethu lëk ke, “Koc ajuër kut ku adëjök ë töc kek kuat moc ë path, aa kek aabi röt kañ mat ë bäany Nhialic yic tënë we. ³²Rin Joon raan wäär koc muoc nhïim ëci bën tënë we bi we nyuöth dhël ë yic, ku wek aa këc wëtde gam. Nawën ke ye koc ajuër kut ku adëjök kek gam ye. Ku na cok awën cï wek kakkä tiñ ke loi röt, ke wek aa këc wepuöth waar ku pälkë luoi kërec ku gamkë wëtde.”

Jethu aci jam ë waal bi rëëc bäny nyuöth

(Mk 12:1-12; Lk 20:9-19)

³³Ku ben Jethu jam waal ku lueel tënë koc man ye ëlä, “Monytui ëci dom looi ku cum yic tiim luok ku rak. Ku wec tē ye mïth tiim guör thin bik ya miök, ku looi kät. Ku jöl dom riöp yic koc kök, ku le keny wun dët. ³⁴Nawën le tē cï tiim luok thöñ, ke tooc aluocnyke tënë ke bik la gam abäkke. ³⁵Go koc awën cï riöp dom yic aloony dom, ku thatkë aluony tök, ku näkkë alony dët ku biöökkë alony ye kek diäk aleel. ³⁶Go aloony juëc tënë aloony tueñ ben tooc, ku ñot ke looikë ke tēwäär. ³⁷Nawën ciëen ke wun dom jöl wände tooc, ku tek lon bi kek ye theek. ³⁸Go koc awën cï riöp dom yic lueel kamken wën tiñ kek ye, ‘Kënë ee manh raan la dom, bi käng lök thon aköldä. Bäk näkku ku kärke aabi döñ ke yo.’ ³⁹Gokë dom ku thelkë ayeer dom yic ku näkkë.”

⁴⁰Ku jöl Jethu ke thiëc, “Na bö raan la dom ke loi njö tënë ke?”

⁴¹Gokë bëër, “Abi köckä nök, ku riöp dom yic wei tënë koc bi ye ayiëk abäkke tē cï käng luok.”

⁴²Ku lëk Jethu ke, “Këckë wët cï göt athör theer wël Nhialic yic ëlä, kañ kueen?”

‘Mën wäär yen cī atēet kuc yen acī bēn a mēn ril apei,
kēnē ē ye luḥi Bēny,
ayeku tiḡ ke path ku dhēēḡ yonyin!’”

⁴³Ku la Jethu tuēḡ ku lueel, “Kēya alēk we, bääny Nhialic abī nyaai tēnē we ku gēm kōc wuṭt kōk bī wētdiē piḡ ku loikē. ⁴⁴Ku raan bī löny alēl kēnē nhom, ka duḥny bī ruṭh, ku raan bī alēl kēnē lööny yenhom ka niḥḥn yic.” ⁴⁵Nawēn piḡ kōcdit kāk Nhialic ku kōc gēt lööḡ ē jam kēnē, ke ḡickē lōn jīēm Jethu rienken, ⁴⁶ku na cōk alōn wic kek ye bik ḍm, ka ke cī riḥḥc kōc juēc tō thīn ē Jethu tiḡ ke ye raan kāk Nhialic tiḡ.

Jethu acī bääny Nhialic thōḡ yan thiēēk

(Lk 14:15-24)

22 Go Jethu bēn jam tēnē ke ē waal ku lueel. ²“Bääny Nhialic ē duēr thōḡ kek yan thiēēk cī bēnyḡaknhom looi tēnē wēnde. ³Ku tooc aluḥnyke bī kōc cī cōl la lēk bīk bēn yai yic. Gokē kuc ku cik bō yēi. ⁴Go aloony juēc bēn tooc ku thōnke ēlā, ‘Lak, lēkkē kōc cī cōl lōn mīith aaci thōk ē guiēr, muḥr ku nyōk cuai aaci nōk, kēriēēc ēbēn aci guiir. Bāk yai yic!’ ⁵Ku keek aake liu puṭh thīn, ku puṭkkē bī ḡek ala duḥde, ku la raandā luḥide yic. ⁶Ku ḍm kōc kōk aloony bēnyḡaknhom, ku baḡkē ke ku nākkē ke. ⁷Go bēnyḡaknhom puṭu riāāk apei, ku tooc apuruṭṭkke ku lek kōc awēn nāk aluḥnyke nōk, ku cuānykē genden. ⁸Ku cōl aluḥnyke ku lēk ke, ‘Yai acī thōk ē guiēr, ku kōc ke cī cōl aa kēc aa kōc path, aaci kuc ē bēn. ⁹Lak geeu ku calkē kuat kōc bāk yōk dhōl yiic bīk bēn yai yic.’ ¹⁰Go aloony la dhōl yiic ku cōlkē kuat raan cik yōk ēbēn, abī yai thiāḡ apei.

¹¹“Nawēn bō bēnyḡaknhom bī thān cī guēr yēi bēn tiḡ, ke tiḡ raan tōk ke kēc alēth yai ruḥk. ¹²Go bēnyḡaknhom lueel, ‘Māthdiē, yī bō tēn kēdē ke yī cīi alēth yai ceḡ?’ Go mony awēn biēt ku cīi wēt bēer. ¹³Go bēnyḡaknhom lēk aluḥnyke, ‘Derkē cin ku cōk ku cuatkē muṭṭh yic ayeer, tē bī yen dhiau thīn ke ḡeny yelec.’”

¹⁴Ku wit Jethu wētdē ēlā, “Rin kōc juēc aaye cōl, ku aa kōc lik kek aaye lōc.”

Jethu awic bī wēēḡ wēt ajuēr

(Mk 12:13-17; Lk 20:20-26)

¹⁵Go Parathī la tēden ē rōt bīk tē bī kek Jethu dam thīn, wētden bī lueel, la mat. ¹⁶Ku toockē kōcken abēk ke buḥth tēnē ye, ku kōc Antipāth Yērot bīk la wēēḡ bī wēt rac lueel kegup bī ye ḍm. Ku bīk ku

luelkë ëlä, “Raan piöoc, aɲicku yin ë raan la cök jam ë yith. Yin ë kɔc piöc bik käk wic Nhialic looi dhël la cök, ke yi cii diær käk ye kɔc kök tak. Ku yin acie diëtden ye kuëc nom. ¹⁷Lëk ɣo na ye täktäku, buk ajuër aa gam ɣok kɔc Itharel tënë Cithër Bënyaknom, tädë ke cuk bi ya gäm ye?”

¹⁸Ku Jethu ëci ruënyden ɲic, ku bëër, “Yeɲo wic wek ye bäk ɣa deep wët? ¹⁹Calkë ɣa atij wënh yakë tääu piny ajuër!” Gokë yiëk wëeth. ²⁰Goke thiëc, “Ye nom ɲa, ku ye rin ɲa kakkä ci giæet wëeth kôu?”

²¹Gokë bëër, “Aa käk Cithër Bënyaknom.” Go Jethu lëk ke, “Na ɲiæckë këya, gämke Cithër Bënyaknom këde, ku gämke Nhialic këde.”

²²Gokë gäi, tã ci Jethu wët bëër thïn, ku nyiëñkë piny ku jiëlke.

Nhialic abi kɔc ci thou cɔl aa ben pïr

(Mk 12:18-27; Lk 20:27-40)

²³Aköl tøj awën ke kɔc kök akut Thaduthi, akut cii ye ye gam lɔn bi Nhialic kɔc ci thou ben cɔl apïr, bö tënë Jethu ku thiëckë ëlä, ²⁴“Raan piöoc, aci Mothith lëk ɣo ëlä, Na thou raan ku nyiëñ tik piny ke cïn mïth, ke wämënh koor ala ɣöt tik bi mïth dhiëeth ɣon mënhe. ²⁵Na thöönku lɔn tã mïth tik thïn kadhorou, ku thiëk wëndit ku thou ke cïn mïth, ku döɲ tieɲde ke wämënh buɲth ye, ²⁶ku thou aya ke cïn mïth ci dhiëeth. Ku looi rot këya tënë raan ye kek diäk, agut wämënh kun ye kek dhorou. ²⁷Nawën ke tik thou aya.” ²⁸Ku lek tueɲ ku thiëckë, “Të le kɔc ci thou röt ɣot aköldä, bi ya tiɲ ɲa, rin ci yen rëer ke ke ëbën kadhorou?”

²⁹Go Jethu bëër, “Wek aa kɔc ril nhïim cïn kë ɲiæckë, rin cii wek athör theer wël Nhialic ci göt ye gam. Ku acäk ye gam aya lɔn bi Nhialic kë ye lueel ke bi looi, lëu bi looi. ³⁰Rin tã le kɔc ci thou röt ɣot, aacii bi thiëck ku aacii bi thiaak, aabi rëer kecit atuuc nhial. ³¹Ku na ye rin wët bi kɔc ci thou röt ɣot, ke we këc wët ci Nhialic lëk we theer kuen? Acï lueel, ³²‘Yen ë Nhialic Abaram ku Ithäk ku Jakob.’ Kɔc ci thou ke ɲic Nhialic, aa pïr alanden. Yeen ë Nhialic kɔc pïr, ku kɔc ci thou aya.”

³³Nawën piɲ than tã thïn wët këne, ke gëi ë piöcde.

Löɲ ril lëu bi theek kam ë lööɲ

(Mk 12:28-34; Lk 10:25-28)

³⁴Nawën piɲ Parathi lɔn ci Jethu Thaduthi thöl nhïim, ke mat kenhïim bik Jethu thiëc aya, ³⁵ku ɣol raan tök kamken, ³⁶raan piöoc lööɲ, Jethu thiëc, “Ye löɲ nen yen ril kam ë lööɲ?”

³⁷Go Jethu bëër, “Yin adhil Bánydu Nhialic nhiaar piändu ëbën, ku wëiku ëbën, ku nhiamdu ëbën.” ³⁸Kënë, yen ë lõŋ ril tueŋ. ³⁹Lõŋ dët ril ye kek rou thõŋ kek ë lõŋ këne akin, yin adhil raan dët nhiaar cimën nhieer yin rot. ⁴⁰Lööŋkä karou kek aa ye lööŋ Mothith ëbën, ku lööŋ ye kɔc kāk Nhialic tiŋ piöc, kër bei thïn.

Jethu aci kɔc piöc lõn yen raan ë tooc Nhialic

(Mk 12:35-37; Lk 20:41-44)

⁴¹Kaam wën ci Parathi kenhiim kut Jethu lõm ke thiëc ke wët këne, ⁴²“Yakë tak Raan ci lõc ku dɔc yeŋa? Ye wën ŋa?” Gokë lõk ye, “Ee wën Debit?”

⁴³Go dhuök ke ku lueel, “Na ye këya, yeŋö ye Wëi Nhialic Debit yöök bi cɔl Bánydië. Rin ëci Debit lueel ëlä,

⁴⁴‘Acı Nhialic lueel tënë Bánydië, “Nyuc ë tən kõŋdiën cuëc, yet tẽ bi yeŋ kɔc aterdu dhuök ciën yicök.””

⁴⁵“Na ye Debit cɔl, ‘Bánydië,’ Ke lëu bi ya wënde këdë?” ⁴⁶Go ciën mën raan tõŋ bëer wëtde, ku wën akölë yet tueŋ acın raan tõŋ cii yethok ben kuek bi thiëc.

Duökkë nhiam cimën Parathi ku Thaduthi

(Mk 12:38-39; Lk 11:43, 46; 20:45-46)

23 Ku jɔl Jethu lueel tënë kɔc juëc awën ku kɔcken ye bucɔth. ²“Kɔc piöc lõŋ ku Parathi kek aatö nyin Mothith. ³Këya, aa dhielkë ke theek ku luɔikë kë yekë lõk we, ku piëŋkë kë yekë lõk we, ku duökkë kākken yekë ke looi ye kiëët, rin aacie kāk yekë lõk kɔc kek yekë ke looi. ⁴Aa kɔc piöc käril yiic bi ke looi, ku aa cie kɔc ë kony bik ke looi. ⁵Këriëc ëbën yekë ke looi, ayekë ke looi rin bi kek kɔc wëŋ. Aa cath ke muk athör theer wël Nhialic. Ku rukkë alëth path, ku mukë athör kecin bik nyucɔth lõn ye kek kɔc path thek lõŋ Mothith. ⁶Ayekë nhiaar bik nyuc tueŋ thöc kɔc dët tënë amat, ku yõn path aköl yai. ⁷Ayekë nhiaar bi ke aa muöth athëëk yõn yɔc yiic, ku yeke cɔl, ‘Kɔc piöc.’

⁸“Duökkë röt cɔl aye cɔl, ‘Kɔc piöc,’ Rin wek aa ŋek ke wämënhë, ku wek aa la raan piöc tök. ⁹Ku acın raan dhielkë cɔl pinynhom tën, ‘Wä,’ Rin ë Nhialic tõ nhial yen ee Wuurdun yetök. ¹⁰Ku duökkë röt cɔl aye cɔl, ‘Kɔc piöc,’ Rin wek aa la raan piöc tök, ‘Raan ci lõc ku dɔc.’ ¹¹Raandit apeı kamkun adhil rot dhuök piny bi luui rienkun. ¹²Kuat raan rot yäth tueŋ ë rot abı dhuök ciën, ku raan lir puöu rot tõöu ciën, abı yäth tueŋ.

22:35-40 Lk 10:25-28 22:37 L.rou 6:5 22:39 Leb 19:18 22:44 Wk 110:1 23:5 Mt 6:1; Kn 15:38; L.rou 6:8 23:11 Mt 20:26-27; Mk 9:35; 10:43-44; Lk 22:26 23:12 Lk 14:11; 18:14

Jethu aci rëec Parathī ku kɔc gät lööŋ nyuɔɔth

(Mk 12:40; Lk 11:39-42, 44, 52; 20:47)

13“Kɔc piöoc lööŋ ku wek Parathī, Awëenjkui! Ee kërac apei yen ayakë looi, rin ye wek kɔc piöoc dhël cīi kek bī met bäany Nhialic yic. Rin wek aaciī bī met thīn aya. Na cɔk kɔc kɔk wīc bīk met thīn, ka yakë ke wel nhīim ë piöocdun cīi la cök! 14Kɔc piöoc lööŋ ku wek Parathī, Awëenjkui! Wek aa cath we rök apei dhöl yiic bāk kɔc wëŋ lɔn ye wek kɔc path, ku wek aa bëëi lër tuöör nyin bīk aa kakkun. Wek aabi tēm awuöcdit tet apei rin kërec yakë looikä!

15“Kɔc piöoc ku wek Parathī, Awëenjkui! Wek aa piny kuany yic rin bī la raan tōŋ yökkë bī piöocdun gam. Na yökkë, ke tē ye wek ye piöoc thīn, ee ye cɔl aye raan pan mac, abi we duër waan thook!

16“Awëenjkui, wek kɔc ë kɔc kɔk wat nhīim ke we ye cöör aya, ku luelkë, raan mël kuëen rin luanj Nhialic, ke rot mac wëtde. 17Wek aa muööl ku cöör! Yeŋö dīt? Ye milän thith aye luak? 18Ku benkë luel ëlä, raan mël kuëen rin yīk ka cīn wëtde yic, ku na kuëen mël rin ajuër cī tāau yenhom, ke rot mac wëtde. 19Wek kɔc cī cɔr wepuöth! Yeŋö dīt? Ye ajuër cī tāau yīk nhom aye yīk guöp ë loi bī ajuër cī tāau yenhom ya kën ë Nhialic? 20Këya, tē kuëen raan yīk, ka kuëen ye, ku kāk cī juaar yenhom. 21Ku tē kuëen raan luanj Nhialic ka kuëen ye ku Nhialic yen rëer thīn, 22ku tē kuëen raan pan Nhialic, ka kuëen mäacde, ku yenhom guöp.

23“Kɔc piöoc lööŋ ku wek Parathī! Awëenjkui! Wek aa kälīk kakkun cāk puur yiic juër Nhialic, ku wek aacie käril ye löŋ luel ye kuëc nhīim, cimën bī raan dhīel la cök ku lir puöu, ku kony kɔc kɔk ku cīi kɔc ye ruëeny. Wek aa dhil kakkä muk nhīim, ke we cīi mäl ë juër kän aya tënë Nhialic. 24Kɔc mär kɔc, wek aacie kāk wīc Nhialic ye looi, ku aa kāk puɔl yiic kek aa yakë ke kuëc nhīim.

25“Kɔc piöoc lööŋ ku wek Parathī! Awëenjkui! Wek aaciī puöth la cök, wek aa cit biiny ku aduuk ye lök köth, ku aa thiän miith ye rum riel ku miith ye ke tuöör nyin. 26Wek kɔc Parathī cī cɔr wepuöth! Kanjë biiny ku aduuk lök yiic, yen aabi kek köth la wīc aya!

27“Kɔc piöoc lööŋ ku wek Parathī! Awëenjkui! Wek aa thōŋ kek rëŋ cī buth, na tīŋ keköth ke dhëŋ apei, ku keyiic alonjthīn aaci thiän yom kɔc cī thou ku kërec kök. 28Këya, wek aa cit rëŋkä aya. Wek aaye raan ëbën tīŋ we path gup ayeer, ku piäthkun alonjthīn aaci thiän ruëeny ku kërec kök ëbën.

29“Kɔc piöoc lööŋ ku wek Parathī! Awëenjkui! Wek aa rëŋ buth tënë kɔc kāk Nhialic tīŋ. Ku gietkë rëŋ kɔc path bīk dhëŋ apei, 30ku luelkë ëlä, na yo tō thīn wäär nëk wärkuan dīt kɔc kāk Nhialic tīŋ, ŋuöt yok aa

kēc röt mat ë nääkden yic. ³¹Këya, ayakë gam ayic lön ye wek mïth kəc wäär näk kəc käk Nhialic tiŋ! ³²Ku cīt mënë ye wek kəc ril nhïim, cïn kë yakë gam, keriëec ëbën atō wecin, thääpkë käreec wäär cī wärkuōn dīt jɔɔk! ³³Mïth kăpieny! Yakë tak bāk poth la pan mac kədë? ³⁴Ku rin ë wët kënë yen acī Wä we tuōc kəc käk Nhialic tiŋ. Ku ë kɔckä yiic, kəc kɔk aa bāk nɔk, ku piäätke kəc kɔk tim cī rïiu kōu, ku thatkë kəc kɔk yōnkuōn amat yiic, ku yakë ke yōp geeth yiic ëbën. ³⁵Ku tēdun ye wek luui thïn kënë, abī awuōc bī teem rin kəc cī nɔk lööny weyiëth, jɔɔk nääk wäär nək Abel yet nääk Dhākaria wën Barakia wäär näkkë luaŋ Nhialic. ³⁶Ku lək Jethu ke, awuōc bī gam rin ë kăkkä ëbën abī bën ë riëec kënë yeth.

Jethu ee kəc gen Jeruthalem lək

(Lk 13:34-35)

³⁷“Wek kəc gen Jeruthalem, wek aa kəc käk Nhialic tiŋ nɔk, ku biōkkë kəc cī Nhialic tuōc we aleel. Aca wïc arak juëc, ba we kony cimën dhie ye ajïth miëthke kuōm piny yewuk bī ke kony bī ke cīi gɔp, ku wek aaci kuec. ³⁸Ëmën abäk tiŋ ke Nhialic cī yecin miëet bei, ku nyiëŋ pandun we. ³⁹Ku ëmën alək we, ‘Wek acīi ya bī ben tiŋ yet aköl bī wek röt guiir bāk ya lor tē ben yēn dhuk.’”

Luaŋ Nhialic Jeruthalem abī thuör piny

(Mk 13:1-2; Lk 21:5-6)

24 Tëwën jiël Jethu kal luaŋ Nhialic yic, ke kɔcken ye buōth bö tënë ye ku luelkë, “Raan piōoc, tiŋ, ye luaŋdïit dhëëŋ ñö kënë!” ²Go Jethu bëër, “Alək we, yōot dīt yakë tiŋkă aabī thuör piny ëbën ka cïn aləl tōŋ bī kōōc aləl dēt nom.”

Acī Jethu lək atuōōcke lön bī ke maan

(Mk 13:3-13; Lk 21:7-19)

³Tëwën rëër Jethu gɔn Olip nom ë rot, ke kɔcken ye buōth bö tënë ye ku thiëckë, “Lək yo ye nen bī kăkkä röt looi, ku yeŋö bī tē bī yïn dhuk pinynhom ku thök piny, nyuōth?”

⁴Go Jethu lək ke, “Duōkkë röt cɔl aduōŋ. ⁵Rin kəc juëc aabī bën rienkië, ku ye ŋek lueel, ‘Ke yēn Raan cī lɔc ku dɔc.’ Ku aabī kəc juëc duōōŋ. ⁶Duōkkë diëer tē tiŋ wek tɔɔŋ ke loi röt, ku tē piŋ wek tɔɔŋ kək wuōt mec yiic. Kăkkä aa dhil röt looi, ku acie yen bën thök ë piny. ⁷Rin wuōt aabī thör kamken ku pan bënyaknhom kek pan bënyaknhom dēt aabī thör aya. Cɔŋdīt apei abī tō thïn, ku ayiëëkyiëëk piny abī rot looi bëëi juëc yiic. ⁸Kăkkä kek aa käk tueŋ.

⁹“Ku dēt, wek aabi dōm ku yēth we luk yic, ku wek aabi nōk. Ku wuōt ēbēn aabi we maan rienkiē. ¹⁰Ku ē tēēn, kōc juēc cī wētdiē gam aabi rōt waar, ku kōc kōk aabi ŋek raandā aluom ku man raandā ŋek. ¹¹Ku awēŋ juēc aabi tuōl aya, ku aabi kōc juēc rac nhīim. ¹²Ku luoi kārec abī rot juak apei, kōc juēc aabi gamden wai wei. ¹³Ku raan bī yepuōu dēt yet tē bī yen thou, abī pīr akōlriēec ēbēn. ¹⁴Ku Wēt Puoth Yam kēnē rin bāāny Nhialic, abī kaŋ lēk kōc ēbēn pinynhom bik piŋ, ku jōl thōk piny bēn.

Kērec bī rot looi tēnē kōc Jeruthalem

(Mk 13:14-23; Lk 21:20-24)

¹⁵“Ala akōl bī wek kērac apei tiŋ, kēwāār cī Daniel raan kāk Nhialic tiŋ jam ē ye.” (Raan kuēn adhīl kēnē deet yic!) ¹⁶“Kōc rēēr Judia, ku tiŋkē ē kēnē, ka dhil riŋ gat nhīim roor bik la thiaan. ¹⁷Ku na rēēr raan ayeer, ka cīi ben la yōt bī la guik kē muk. ¹⁸Ku na tō raan dom yic, ka cīi ben dhuk baai bā alanhde la lōōm. ¹⁹Diāār liec ku diāār muk mīthkor aabi gum apei dīt ye nīnkā. ²⁰Rōōkkē bī rot cīi loi wiir yic rut, tēdē akōl cīi kōc ye luui. ²¹Kōc aabi gum apei ye nīnkā, gum kēckē kaŋ yōk tēwāār ciēk Nhialic kōc agut cīt ēmēn. Ku aciī rot bī ben looi. ²²Na kēc Nhialic looi bī nīnkā cōl alik, ŋuōt aciī raan cī pīr. Ku rin kōcken cī lōc, aciī nīn cōl alik.

²³“Wek aa lēk, na le raan yōōk we, ‘Tiēŋkē Raan cī lōc ku dōc kīn, tēdē ke lueel, tiēŋkē yen akan!’ Ke duōkkē gam. ²⁴Rin kōc juēc aabi bēn ku lueel ŋek, ee yēn Raan cī lōc ku dōc, ku lueel raan dēt, ee yēn raan kāk Nhialic tiŋ, ku loikē kāril kōc gōi, na lēukē, ke mār kōc cī Nhialic kuany. ²⁵Tietkē rōt, kēriēec ēbēn alēk we ēmēn bāk nhīim tir kē bī bēn.

²⁶“Kēya, na le raan lēk yī ēlā, ‘Yen akan atō roor tēēn!’ Ke yī duk la, tēdē, ‘Yen akīn aciī thiaan tēn,’ Ke duk gam. ²⁷Rin tē dhuk Manh Raan ka guōkē ŋic. Abāk tiŋ cīmēn bir deŋ dhie yen nhial reet yic, ku tiŋ lōŋ ku lōŋjē.

²⁸“Dēt aya, abī ciēt mēn dhie na cī cuōr kēnhīim kut, ka la kē ŋuetkē.

Akōl bī Manh Raan bēn

(Mk 13:24-27; Lk 21:25-28)

²⁹“Awiēc ku bāk ŋic aya, ye nīnkā, tē cī kōc jāl gum apei, akōl abī kum nyin bī piny cuōl, ku pēei aciī bī ruel. Ku kuēl aabi rōt yāāk ku lōōnykē. ³⁰Kē bī bēn Manh Raan cōl aŋic abī tiŋ nhial, ku kōc ēbēn pinynhom aabi yiic ŋeer kākken rec cīk looi. Ku keek aabi Manh Raan

24:9 Mt 10:22 **24:13** Mt 10:22 **24:5** Dan 9:27; 11:31; 12:11 **24:17-18** Lk 17:31 **24:21** Dan 12:1; Ny 7:14 **24:26-27** Lk 17:23-24 **24:28** Lk 17:37 **24:29** Ith 13:10; 34:4; Edhe 32:7; Juel 2:10, 31; 3:15; Ny 6:12-13 **24:30** Dan 7:13; Dhāk 12:10-14; Ny 1:7

tiŋ ke bö pial yiic nhial ke diik ku riöldit apei. ³¹Ku abä atuöcke tooc bik këcīt löör yup yic, bi kek kacken ci lɔc kuööt yiic pinyinhom ebën.

³²“Ŋjæckë ë kënë tim cit ŋaap, tē looi yen yöök ku looi yiith, ke kër aci thiök. ³³Këya, tē tiŋ wek kakkä ke loi röt aya, ke ŋjæckë lɔn ci yen thiök apei. ³⁴Alëk we, wek aaciï bi mää r tē cɔk kakkä röt looi. ³⁵Nhial ku piny aabi liu, ku wëtdië aciï bi kaŋ mää r.

Rëer yi ci rot guir

(Mk 13:32-37; Lk 17:26-30, 34-36)

³⁶“Acin raan ŋic aköl bi kakkä röt looi. Na cɔk atuuc nhial, ayi Wënde, ka cik ŋic. Ee Wä ë rot yen aŋic ye. ³⁷Bën Manh Raan abi ciët këwäär loi rot wäär piir Noa. ³⁸Ee ninkä, aboardit nhom tueŋ, kɔc aake rëer ke mit puöth, ke ye luui ruëi ku yëi yet aköl le Noa riäi yic, ³⁹ku ë cïn kën ŋic yet tē biï aboor. Ku muɔu kɔc ebën. Yen abi ciët bën Manh Raan aya. ⁴⁰Tëën na cɔk kɔc karou luui dom yic, ke raan tök yen abi nyaai ku nyiëŋ raan dët piny. ⁴¹Ku diäär karou lui tëtök aabi ke tieŋ tök nyaai, ku nyiëŋ tiŋ dët piny.

⁴²“Këya, guierkë röt ku tiëerkë nhiim, rin wek aa kuc aköl bi Bänydun bën. ⁴³Yen acit kën na raan la baai ŋic tē bi cuär bën thïn waköu, ka rëer ke yiën, ku ciï cuär päl bi kække nyaai. ⁴⁴Ke week aya, wek aa dhil rëer we tit, rin acäk ŋic ye nen bi Manh Raan bën.

Ŋic Bäny ku loi luide akölaköl

(Lk 12:41-48)

⁴⁵“Na ye këya, yeŋa alony path ku ŋic kãŋ apei, bi bëny nyään paande, bi kacke aa gãm miëth akölaköl? ⁴⁶Alony mit guöp, alony bi bëny yök ke loi luide apath tē dhuk yen! ⁴⁷Alëk we, abi alony kënë täau kække yiic ebën. ⁴⁸Ku alony ciï luide bi ŋjæc looi, rin yen ye tak lɔn ciï bënyde bi lac dhuk, ⁴⁹ku kuc kɔc pan bëny ciëŋ, ku ye cool wiëet kek kɔc dek ë mäau, ⁵⁰ke bënyde abi la luät yeguöp aköl ciï ye tak lɔn yen aköl bi yen bën. ⁵¹Ku yeen abi bëny tēm awuöcdit, ku met tē rëer kɔc ræc thïn, ë tēën kɔc aa rëer ke dhiau ke ŋeny kelec.”

Kään nyiir kathiäär

25 Ku ben Jethu kãŋ dët thööth, ku thööŋ bääny Nhialic ëlä, “Nyiir kathiäär aake ci kækken ye kek mer lööm ku lek yan thiëek yic. ²Kam ë nyiirkä, nyiir kadhiëc aake pel nyin, ku nyiir kadhiëc aa ciï nyin pel. ³Nyiir aa bëlkä aake ci mermerken lööm ku cik miök

dīt muk. ⁴Ku nyiir ñic kãñ aake muk mermerken ku miök dīt tet aya. ⁵Nawën ka athiëek gäau bī cīi lɔc bën, gokë tɔc bīk nin.

⁶“Nawën wëer ciel yic, ke piñ duɔt, ‘Athiëek abö, bāk ayeer ku luɔrkë!’ ⁷Go nyiir awën kathiäär röt jɔt kedhie ku dëëpkë mermerken. ⁸Go mermer nyiir aabël cīi dëp apath rin cīn kek yiic miök. Gokë nyiir kōkkä lim, ‘Miackë yo ë miök, mermerkua aaci dëp.’ ⁹Gokë bëër, ‘Miök aci yo thōñ, lak tē ye miök yaac thīn bāk la ɔɔc miökduñ.’ ¹⁰Go nyiir aabël la bīk la ɔɔc miök, ku go athiëek guɔ lōk bën kecök. Go nyiir awën cī röt guir la kal yic kek athiëek tēwën dieer yai thīn, ku thiök kal thok.

¹¹“Nawën la nyiir awën cī la ɔɔc miök dhuk ke cōt, ‘Bëny, Bëny, ñany yo kal thok!’ ¹²Go athiëek bëër, ‘Ye wek yīña?’ Wek aacä ñic!”

¹³Ku wit Jethu wëtde ëlä, “Rëërkë we cī röt guir, rin wek aa kuc aköl bī yën bën.”

¹⁴Ku ben Jethu kääñ dët ben thöth ku lueel, “Bääny Nhialic abī thōñ ke mony la keny wun dët, cä aluɔnyke cɔl ku gëm ke wëu bī kek lōk luui. ¹⁵Ku yīk aluɔny tōk tim buɔt. Ku gëm alony dët tim thiärdhiëc, ku gëm alony ye kek diäk tim thiäär. Acī wëu tek këya cit tē ñic ñek luui thīn, ku jiël bī la keny. ¹⁶Go alony cī yiëk tim buɔt, wëuke la luɔi ku yök tim buɔt dët. ¹⁷Ku lui alony cī gäm tim thiärdhiëc cīmën alony wën aya, ku yök tim thiärdhiëc dët. ¹⁸Ku la alony cī gäm tim thiäär wëu bányde la wuɔt piny ëbën.

¹⁹“Nawën ke bányden jɔl dhuk, ku cɔl aluɔnyke bī wëuke bën kuëen nyin. ²⁰Go alony wäär cī gäm tim buɔt bën ku lueel, ‘Bëny, wäär yin acä gäm tim buɔt, ku ëmën tiñ, yën aci tim buɔt dët juak thīn.’ ²¹Go bányde leec luoiden peth cī looi ku lueel, ‘Yin aci wëu lik ñic muk apath ku juak keyiic, këya ëmën yin aba täau kajuëc yiic ba ke muk. Bäär rëerku yo mit puoth yodhie.’

²²“Ku ben alony cī gäm tim thiärdhiëc bën ku lueel, ‘Bëny yin acä yiëk tim thiärdhiëc wäär le yin keny, ku yën aci lōk luui ku juak tim thiärdhiëc dët thīn.’ ²³Go bëny leec luoiden cī ñic looi ku lueel, ‘Yin alony puoth kãñ tiit apath. Yin aci kälík tiit apath, ku ëmën yin abī täau kajuëc nhīim, bäär miet puu ë bääny bäänydu yic.’

²⁴“Go raan cī tim thiäär lööm bën ku lueel, ‘Bëny, aca piñ lɔn ye yin raan col puu rap këc puur tem, ku kuany kāk ke këc ke wëer piny. ²⁵Këya, yën aci riɔc ku la wëuku wëc piny. ñj! Wëu wäär ca kuëi ya aa kik.’ ²⁶Go bëny lëk ye ëlä, ‘Alony rac, ku ye adak rot aya. Na ñic lɔn ye yën rap tem, rap këc puur, ku lɔn ye yën kãñ kuany, ku aa këc pok. ²⁷Ñuɔt yin aci wëukië dhiel gäm raan ñic luoi wëu, na la dhuk ciëen, ke ya yök wëukië ke cī keyiic juak. ²⁸Nyaaikë wëu tënë ye ku gämke

ke raan la tim buɔɔt. ²⁹Rin raan kälük ɲiec muk abí kákke juak yiic, ku raan cii kán ye ɲiec muk, abí kēden tó thín nyaai. ³⁰Ku cuatkē alony rēec kēnē muɔɔth yic ayeer, ku tēen dhiēu abí tó thín, ke kac yelec.’

Lundit

³¹“Aköl bī Manh Raan bēn ke duaar, ku atuuc nhial ēbēn ke cath ke ye, abí nyuc thōnyde nhom ke duaar pan Nhialic, ³²ku thāi ēbēn aabí guēer yenhom. Ku aabí tek yiic akuut karou, cimēn raan la thök, yen amēl ku apiyeem tek thook. ³³Ku tēēu amēl kōɲden cuēc ku apiyeem kōɲ cam. ³⁴Ku Bēny abí kɔc kääc lɔɲ cuēc lēk, ‘Bäk, kɔc cī Wä dɔɔc ku lömkē bääny cī guuir tēnē we tēwäär ciek piny. ³⁵Wēn cī cɔk ɲa nök, wek aacā muɔɔc kēcam. Ku wēn cī rou ɲa nök wek aacā muɔɔc kēdek, ku wēn ye ɲen jäl, wek aacā lor pandun, ³⁶ku wēn cīn ɲen lubo wek aacā ruök kōu, ku wēn tuɛeny ɲa wek aacā la neem, ku wēn cī ɲa mac, wek aacā bēn tiɲ.’

³⁷“Ku kɔc wēn aabí wētde dhuk nhom ēlä, ‘Bēny, yī cuk tiɲ nen yī nēk cɔk buk yī muɔɔc kēcam? Ku nēk rou yī buk yī muɔɔc kēdek, ³⁸ku cuk yī tiɲ nen ke yī bö keny yic buk yī lor? Ku yīn acīn lubo goku yī ruök kōu? ³⁹Yī cuk tiɲ nen ke yī tuany, ke yī cī mac buk yī la neem?’ ⁴⁰Ku abí Bēnyɲaknhom lēk ke, wēt yic alēk we, ‘Kēriēec ēbēn cāk luɔi raan tók kam wämāthkiē thiikā, aa cāk luɔi ɲa aya.’

⁴¹“Ku abí lēk kɔc lɔɲ cam, ‘Aa wek kɔc cī cīen, jälkē ē tēn bāk la many dēp yic akölriēec ēbēn, many cī guuir tēnē jɔɲrac ku atuɔɔcke ēbēn. ⁴²Rin wäär nēk cɔk ɲa, wek aa kēc ɲa muɔɔc kēcam, ku nēk rou ɲa ku wek aa kēc ɲa muɔɔc kēdek. ⁴³Ku wäär ɲen ē jäl ku wek aa kēc ɲa gɔɔɲ pandun, ku ɲen ɲa cīn kōu alath, wek aa kēc ɲa ruök kōu, ku ɲen a ɲa cī tuany, ku mac ɲa ku wek aa kēc bēn bāk ɲa neem.’ ⁴⁴Ku kɔckui aya aabí thiēc, ‘Bēny, yī cuk tiɲ nen ke yī nēk cɔk ku rou, ku ye nen yī bö keny yic, ku cīn alanh ceɲ, ku tuany yī ku mac yī ku yīn akēcku kony?’ ⁴⁵Ku abí bēer, tēnē ke, ‘Wēt yic alēk we, kēriēec ēbēn kēckē luɔi wämāthkiē thiikā, ka kēckē luɔi ɲen aya.’ ⁴⁶Ku keek aabí la tē bī ke reem thín akölriēec ēbēn, ku kɔc path aabí la tē bī kek pīr thín akölriēec ēbēn.”

Amat nēk Jethu

(Mk 14:1-2; Lk 22:1-2; Jn 11:45-53)

26 Nawēn cī Jethu thök jam kek kɔcken ye buɔɔth, ke lēk ke, ²“Cimēn ɲic wek ye, Yan Ayum cīn yic luɔu abí yecök jɔɔk nīn karou bī bēn. Ku Manh Raan abí luɔm tēnē kɔc rec bīk piäät tim cī rīiu kōu.”

25:29 Mt 13:12; Mk 4:25; Lk 8:18 25:30 Mt 8:12; 22:13; Lk 13:28 25:31 Mt 16:27; 19:28
25:46 Dan 12:2 26:2 B.bei 12:1-27

³Kaam awën ke kɔcɔdīt kāk Nhialic ku kɔcɔdīt baai Itharel, aake mēt pan raandīt kāk Nhialic cɔl Kaipa, ⁴ku guirkē tē bī kek Jethu dam thīn ke cīi ŋic ku nāk. ⁵Ku luelkē, “Acuk dɔm akōl yai. Yok aabi tiit bī kɔc kaŋ jāl, rin na dɔmku, ke kɔc ŋoot yai yic, tēdē ke kɔc juēc aa thār kek yo.”

Maria aci tē theek yen Jethu thīn nyuɔɔth

(Mk 14:3-9; Jn 12:1-8)

⁶Tēwën rēer Jethu Bethanī pan raan atuet cɔl Thaimon, ⁷ke tik bō tēwën mīth yen, ke muk tōny koor cī cuēc tɔm ril la yic miök ŋir ye yɔɔc wēu juēc apei, ku kuem thok ku luuŋ miök Jethu nom ēbën. ⁸Go kɔc Jethu buɔɔth puɔɔth dak wën tiŋ kek kënë, ku jicemkē kamken, “Yeŋo tuuk yen miök ŋir?” ⁹“Miök ŋir kënë ŋuɔt aci yaac wēu juēc ku gēm wēu kɔc ŋōŋ.”

¹⁰Go Jethu kē luelkē ŋic, ku luel tēnē ke, “Pälkē, yeŋo nyieeny wek ye? Kē cī looi tēnē ya yen tiŋ, ee kēpath apei. ¹¹Kɔc ŋōŋ aabi rēer kamkun akōlakōl, ku yen aci bī rēer kek we akōlakōl. ¹²Wën luuŋ tiŋ kënë miök yaguɔp, ee looi kēya bā tɔc bī guāpdiē guir bī jal thiök. ¹³Wek alēk yic, kuaat tē bī Wēt Puɔth Yam piɔɔc thīn pinynhom, kē cī tiŋ kënë looi, abi ya luel bī ye atak.”

Judath aci Jethu yaac

(Mk 14:10-11; Lk 22:3-6)

¹⁴Nawën ke raan tōk kam atuuc kathiäär ku rou, cɔl Judath Ithkariöt la tēnē kɔcɔdīt kāk Nhialic ¹⁵ku luel, “Yeŋo bāk yiēk ya tē thōn yen we Jethu?” ¹⁶Gokē gām wēu juēc. Ku jɔl tē bī yen Jethu dɔm thīn wic.

Jethu aci miēth yai cam kek atuɔɔcke

(Mk 14:12-21; Lk 22:7-14, 21-23; Jn 13:21-30)

¹⁷Nawën akōl tueŋ Yandīt Ayum cīn yic luɔu, ke kɔc Jethu buɔɔth bō tēnē ye, ku thiēckē, “Ye tēnen wic bī yok miēth yai guir thīn tēnē yi?”

¹⁸Go bēer, “Lak geeu tēnē ŋekdīt ku lēkkē ye, ‘Aye Bānyda luel, akōl bī luɔidiē thōk aci bën. Ee paandu yen abi yen Yan Ayum cīn yic luɔu cam thīn kek kɔckiēn ya buɔɔth.’”

¹⁹Go kɔc ē biōōth kē cī Jethu lēk ke looi, ku guirkē miēth yai.

²⁰Nawën la thēi bën ke Jethu nyuc kek kɔcken ye buɔɔth kathiäär ku rou bik mīth. ²¹Tēwën mīth kek ke luel Jethu, “Wek alēk yic, raan tōk kamkun abā luɔm.”

²²Gokē puɔth riääk apei ku gēikē, ku thiēckē tōk-tōk, “Makei! Ye yic? Ye yen Bēny?” ²³Go Jethu bēer, “Ee raan tōk kamkun lut yecin kek ya

aduök yic, yen ë raan bi ya gaany. ²⁴Ee yic, Manh Raan abi nöck cit të cì gät ye rienke athör theer yiic. Ku raan bi ye luom abi gum ape! Ku ajuëën tënë ye diët këc kañ dhiëëth.”

²⁵Ku Judath aya, ëci Jethu thiëëc, “Raan piöoc, ye ya?” Go Jethu bëër, “Ee yi.”

Guirku röt apath buk guöp Bëny röm

²⁶Tëwën mïth kek, ke Jethu löm ayup ku döc ku beny yic, ku gëm köcken ye buoath ku lueel, “Lömkë kënë, ku camkë, kënë ee guäpdie.”

²⁷Ku lööm aduñ cì thiän muön abiëc, ku leec Nhialic ku gëm ke ku lueel, “Dëkkë thïn ëbën.” ²⁸“Kë në ë riemdië, riem döör kek Nhialic, bi kuër rin bi adumuööm köc ëbën päl piny. ²⁹Alëk we, yen aciï bi ben dek muön abiëc pinyhom tën kek we, yet aköl bi yok ye dek yodhie pan Nhialic.”

Jethu aci kë bi Pïter ye jai lueel

(Mk 14:27-31; Lk 22:31-34; Jn 13:36-38)

³⁰Nawën cïk jäl thök ke ket waak ku lek gon Olip cök.

³¹Ku lueel Jethu tënë ke, “Wek kackië, wek aabi kat ya ë wëër kë në cimën këwäär cì göt athör theer wël Nhialic yic ëlä, ‘Yen abä abiöök cöl anak ku amël aabi wær.’ ³²Ku të cì yen rot jot rañ yic, ke yen abi kañ la Galilia ba we la tiit thïn.”

³³Go Pïter lueel tënë Jethu, “Yen aciï bi kat të cök köc ëbën kat yi!” ³⁴Go Jethu bëër, “Alëk yi, ee wëër kë në, ke thon ajith këc kiu, yin abä jai arak diäk.” ³⁵Go Pïter dhuök ye, “Na cök ya nöck kek yi, ke yin acä bi kañ jai.” Ku lueel köcken kök ye buoath ëbën këya.

Jethu aröök ke ñic lon bi ye nöck

(Mk 14:32-42; Lk 22:39-46)

³⁶Kaam wën ke Jethu kek köcken ye buoath la të cöl Jethemani, ku lueel tënë ke, “Nyüöckë tën, ku yiënkë, yen ala tëën ba la röök.” ³⁷Ku cöl Pïter ku wëët Dhubedi karou, ku jöl rëër ke nëk atiëël, ku dhiëu ape! yepuöu. ³⁸Ku lueel tënë ke, “Yen adhiau puöu ape! ee thou guöp. Rëërkë tën ku yiënkë.”

³⁹Ku le tueñ tëthin-nyoot, ku rëëny rot piny ke gut yenhom piny ku röök ëlä, “Wä, na lëu rot ke yi cöl këreec tit ya aciï bö. Ku acie wët piändië, ee wët piändu.”

⁴⁰Nawën ke dhuk tënë ke kadiäk ku yok ke ke nin. Go lueel tënë Pïter, “Nieenkë! Cäk yiën tëthin-nyoot? Yeñö ye wek nin këlä? ⁴¹Yiënkë ku röökkë bi we ciï them jakreec. Puöu ë gam ku guöp acin riel.”



Yeḡō ye wek nin kēlā? (26:40)

⁴²Ku ben jāl ku le rōök ēlā, “Wā, na cīi kēreεc kēnē jiēl, ke wēt piāndu abī rot looi.” ⁴³Ku ben dhuk tēnē ke, ku ben ke yōk ke nin, rin cī nin ke gōök apei.

⁴⁴Goke nyāāḡ piny ku ben jāl, ku ben la rōök cimēn awēn, kēn ye kek diāk. ⁴⁵Ku dhuk tēnē kōcken ye buōth ku lueel, “Ḥot we nin! Lāāḡkē? Tēn nin aci thōk, tiēḡkē Manh Raan aci luōm kōc rεc. Ēmēn tē bī ḡa jal thōn kōc rεc aci yēēt. ⁴⁶Raan cā luōm aci bēn. Jatkē rōt, lokku buk rōm!”

Jethu aci dōm

(Mk 14:43-50; Lk 22:47-53; Jn 18:3-12)

⁴⁷Tēwēn ḡot jiεem yen, ku Judath raan tōḡ kōc atuuc kathiāār ku rou yēēt. Ku yeen ē cath kek kōc juēc muk paal ku atuel, ke cī kōcdit kāk Nhialic ku kōcdit baai tooc. ⁴⁸Ku Judath aci kōc awēn cath kek ye, lēk tē bī kek raan wickē bīk bēn dōm ḡiec thīn, ēlā, “Raan ba muōth ku ciεem yen ē raan wiēc kē. Damkē ku kuathkē.”

⁴⁹Kaam wēn yēēt Judath, ke la tēnē Jethu nyin yic ku lueel, “Bēny,” ku muōth ku ciim. ⁵⁰Go Jethu bēēr, “Māthdiē, loi kēnē bī yīn ē tēn.” Go kōc awēn bēn ku dōmkē Jethu ku derkē. ⁵¹Go raan tōk kam kōc awēn rēēr kek Jethu palde miēt bei, ku tōk alony lui pan raandit kāk Nhialic yic, abī tεem yic wei. ⁵²Go Jethu lēk ye, “Dhuōk paldu tēden awēn, kōc ye wic bīk kōc nōk, aabī thou aya kēya. ⁵³Cāk ē tak lōn nadē, ka lēu ba Wā thiēc bī ḡa tuōc atuuc nhial juēc apei bīk ḡa bēn kony? ⁵⁴Ku na ye

këya, ke wël athör theer Nhialic bi röt tiëŋ, wël ye lueel ka dhil rot looi këlä?”

⁵⁵Ku kaam wën ke lueel Jethu tënë ke ëlä, “Cäk bën we muk atuel ku paal bäk ya bën döm, ciët ya ye raan kəc rum? Yen ee rëer kek we akölaköl ya piöoc kəc luŋ Nhialic, ku wek aa këc ya döm. ⁵⁶Ku kënä acı rot looi bi kë ci göt athör theer wël Nhialic yiic yenhom tiëŋ.” Ku jəl kəcken ye buoŋth ëbën nyääŋ piny ku ketkë.

Jethu acı yäth luŋ bäny Itharel yic

(Mk 14:53-65; Lk 22:54-55, 63-71; Jn 18:13-14, 19-24)

⁵⁷Ku jəl kəc awën ci Jethu döm, Jethu yäth pan Kaipa luk yic, ci bäny käk Nhialic Itharel, ku kəc piöoc lööŋ kenhiiim mat thün. ⁵⁸Ku Piter ë biöth, ke mec kəc cök ciëen agut tē yëët yen pan bëny luk yic. Ku nyuuc kek kəc bëny tiit, ku jəl rëer bi kë lui Jethu tiŋ. ⁵⁹Bäny luk ku kəcđit käk Nhialic aake ci nyuc bik Jethu wic guöp awuöc ci looi, rin bi kek ye tēm thou. ⁶⁰Ku acın awuöc ci bën yök, cök alon ye kəc juéc ye luöm lueth, ke wëlken akéc röm. Nawën ke kəc karou jət röt, ⁶¹ku luelkë, “Acuk piŋ ke lueel, ‘Yen abi luŋ Nhialic kënä thuör piny, ku na ye aköl ye nün diäk ke yen abi dët buth nyiende.’”

⁶²Go Kaipa raandit käk Nhialic rot jət ku thiëc Jethu, “Cin wët dhuk nhom ë wël ci lueel yiguöpka yiic?” ⁶³Go Jethu biët. Go Kaipa ben lëk ye, “Yin athiëc rin Nhialic ba lëk yo lon ye yin Raan ci ləc ku dəc, Manh Nhialic.”

⁶⁴Go Jethu lëk ye, “Ee yic, cit tē ca luël ye. Ku aŋot lëk we ëbën lon ëmën yet tueŋ, wek aabi Manh Raan jəl tiŋ ke ci nyuc cuëny Nhialic ŋic kəŋ looi ëbën, ku biï puł nhiiim nhial.”

⁶⁵Go Kaipa aläthke rät yiic yeköu ku lueel, “Acı Nhialic tōon guöp. Yeŋö ŋot wicku kəc kök bi ben jam käk ci looi ëmën? Ku wek aaci tē tōon yen Nhialic thün piŋ. ⁶⁶Yeŋö yen wëtduŋ?” Gokë bëer, “Ala guöp awuöc, adhil nöc.”

⁶⁷Ku jəl kəc kök aa ŋuööt nyin ku guutkë kecin. Ku lëk kəc kök ye tēwën ye kek ye gut, ⁶⁸“Raan ci ləc ku dəc, meek raan yi gut?”

Piter ajei Jethu

(Mk 14:66-72; Lk 22:56-62; Jn 18:15-18, 25-27)

⁶⁹Kaam wën ŋot rëer Piter piiny kal yic pan bëny, ke nyen lui pan Kaipa bö tënë ye ku lueel, “Yiin aya, yin yi rëer kek Jethu raan Galilia.”

⁷⁰Go jai kenhiiim ëbën ku lueel ëlä, “Yen acii raandun ye lueel ŋic dien. Ku kë ye lueel acä cak deet yic aya.” ⁷¹Ku ler ayeer. Go nyen dët

alony bën ku lëk kɔc awën kääc thïn, “Mony kënë ë ye rëer kek Jethu raan Nadharet.”

⁷²Go Pïter ben jai ku kuëñj ku lueel, “Yen akuc mony kënë.”

⁷³Ku kaam awën, ke lueel kɔc kääc thïn tënë Pïter, “Ee yic, yin ë raanden rin yin ë raan Galilia, yin ë jam cimënden.”

⁷⁴Go Pïter rot ben kuëñj, “Nhialic abä nök tē cīi yen yic luel! Yen akuc raan jiem wek rienke!” Nyin yic tēwën ke thɔn ajith kiu. ⁷⁵Go Pïter kēwäär cī Jethu lëk ye tak. “Tueñj ke thɔn ajith kēc kiu, ke yin abä jai arak diäk.” Ku ler ayeer ke cī guöp yär ku dhiëeu.

Kɔc Itharel aaci Jethu gaany tënë Pilato

(Mk 15:1; Lk 23:1-2; Jn 18:28-32)

27 Nayɔn nhiäk rial yic, ke bānydit kāk Nhialic, ku kɔcdit baai mēt tē bik luōi Jethu ku bik nök. ²Gokē rek ku kuëthkē tënë bēnydit Pilato, raan Roma.

Judath aci thou

(Luci 1:18-19)

³Nawën le Judath, raan wäär gɔɔny Jethu tiñ, lɔn cī Jethu tēm thou, ke riääk puɔu apei ku dhuk wëeu ke cī ye riɔp ciëen tënë bāny luk. ⁴Ku lueel, “Yen aci kërac looi rin cī yen raan cīn guöp awuɔc luɔm ë lueth.” Gokē bēer, “Ee wētdu, acin kēda thïn.”

⁵Go Judath wëeu cuat kal luañ Nhialic yic, ku le rot nōök.

⁶Go bāny kāk Nhialic wëeu kuany ku luelkē, “Acīi path buk wëeukä mat wëeu ye juaar yiic yōn Nhialic, rin ye kek wëeu ë riem.” ⁷Ku jɔlkē tē bī kek wëeu luɔɔi thïn guëek yic. Nawën ke matkē yic bik piny ye ke tiɔp wec thïn kɔc cuēc ë tōny, yɔɔc ë wëeukä, ku bī ya tē ye kɔc thāi cī thou Jeruthalem thiök thïn. ⁸Ku ë yen kē ye dom kënë cɔɔl, ke cɔl, “Tiɔm Riem,” agut ya akölē.

⁹Ku kënë cī Jeremia, raan kāk Nhialic tiñ, lueel ëlä thæer aci yenhom tiëñj,

“Acīi wëeu lööm, wëeu kek ke cī kɔc Itharel gam bī ya kek
yɔɔc yeen,

¹⁰ku yɔɔc kek piny raan cuēc ë tōny cimën cī Bēny ye lëk yen.”

Pilato aci Jethu thiëec

(Mk 15:2-5; Lk 23:3-5; Jn 18:33-38)

¹¹Ku Jethu ë kääc Pilato nhom. Go Pilato thiëec, “Ye yin Bēnyñaknhom kɔc Itharel?”

Go Jethu bëër, “Ee ɣen, cīt tē ca luël ye.” ¹²Ku acin wēt cī bëër wël juëc ke ye bäny Itharel luël yeguöp. ¹³Go Pilato thiëc, “Cīi kajuëc cī yī gaanykä ye piŋ?”

¹⁴Go Jethu biet ke cī wēt Pilato bëër. Go Pilato gäi apeï.

Jethu acī tēm thou

(Mk 15:6-15; Lk 23:13-25; Jn 18:39-19:16)

¹⁵Ruöön ëbën, aköl Yan Ayum cïn yic luçu, bënyŋaknhom ee raan tök kam kɔc cī mac lony, tē wic kɔc baai ye bi lony. ¹⁶Ku ë ruöön kënë raan cī käreç apeï looi cɔl Barabath ë mac. ¹⁷Nawën cī kɔc kenhiim kut, ke thiëc Pilato ëlä, “Yeŋa wiëckë ba lony tënë we, ye Barabath aye Jethu, ye cɔl Raan cī lɔc ku dɔc?” ¹⁸Rin ee ŋic Pilato lɔn ë yen tiël yen ë thön kek Jethu ye.

¹⁹Tëwën cī Pilato nyuc thönyde nhom luk yic, ke tuc tieŋde wēt, “Duk them ba yithok mat raan cïn kë cī wuöc kënë guöp, këde ë bën ɣanhom kecīt nyuöth wën aköu bä pën nin.”

²⁰Ku kɔc ater Jethu aake kɔc kuööt thook bik lëk Pilato bi ya Barabath yen lony, ku cɔl Jethu anak. ²¹Nawën thiëc Pilato ke, “Yeŋa kamken karou wiëckë ba lony tënë we?” Gokë lueel, “Ee Barabath.”

²²Go Pilato ke thiëc, “Yeŋö ba looi tënë Jethu raan ye lueel ka cī lɔc ku dɔc?”

Gokë rek yic ëbën, “Apiëet tim cī riüu köu.”

²³Go Pilato ke ben thiëc, “Yeŋö? Ye awäc ŋö cī looi?” Gokë ben rek yic röldit apeï, “Apiëet tim cī riüu köu.”

²⁴Nawën tiŋ Pilato ke cīi bi lëu, ku tiŋ aya ka aliäap bi rot looi, ke cɔl piü ku lɔk yecin kenhiim ke dæi kek ëbën ku lueel, “Thon ë raan kënë aliu ɣacin! Arëer wecin.”

²⁵Gokë dhuök ye ëbën ke ke cī puöth dak, “Riemde abi täu ɣocin ku miëthkua cin aya.” ²⁶Go Pilato Barabath lony. Ku wën cī yen apuruuk yöck bik that ku ŋakkë nhom kuöoth, ke gëm ke bik la piäät tim cī riüu köu.

Apuruuk aaci Jethu bui

(Mk 15:16-20; Jn 19:2-3)

²⁷Go apuruuk Pilato, Jethu kuaath pan bënyŋaknhom. Ku jɔl apuruuk ëbën gööm piny. ²⁸Ku dëkkë aläthke bei ku rukkë alanh thith lual yeköu. ²⁹Ku cuëckë kou ku ŋek kek yenhom, ku tēükë wai ciinden cuëc. Ku gutkë kenhiol piny yenhom bik nyuöth ciët leckë ku buikë, “Mädho Bënyŋaknhom, Bëny Itharel.” ³⁰Ku ŋuutkë guöp ku yuupkë nhom wai.

³¹Wën cī kek ye jal bui kēlä, ke dëk alanh wën bei, ku dhukkë aläthke yeköu. Ku kuathkë bik la piäät tim cī rīüu köu.

Jethu acī piäät tim cī rīüu köu

(Mk 15:21-32; Lk 23:26-43; Jn 19:17-27)

³²Tëwën le kek të ye kōc la nōk thīn, ke rām kek mony cōl Thaimon raan pan Thirene, gokë dōm riel bī tim cī rīüu ket. ³³Ku yeetkë të cōl Golgotha. (Ku wētde yic, gōn la guen-ḡen cīt apen nhom raan.) ³⁴Ku gēmķë Jethu muōn abiēc cī liäap wäl kec cōl gal bī dek, nawën thiēep ke kuc ye.

³⁵Gokë piäät tim cī rīüu köu, ku cuetkë gek bik aläthke tek kamken. ³⁶Ku jōlkë rēer bik tiit. ³⁷Ku jōlkë awuōc yekë tak ke cī Jethu looi gōt yenhom nhial tim cī rīüu köu ëlä, “KĒNĒ Ē JETHU BĒNYŋAKNHOM ITHAREL.” ³⁸Ku piēetkë cuēr karou kek Jethu tiim cī rīüu kōōth aya, raan tōk lōḡ cuēc ku raan tōk lōḡ cam.

³⁹Ku jōl kōc ke ye tēek tëwën, Jethu aa cuiit ku latkë ku luelkë, ⁴⁰“Cie yīn wäär ye lueel lōn bī yīn luḡ Nhialic thuōr piny ku buth nīn kadiäk! Kony rot të ye yīn Manh Nhialic! Bäär piny tim cī rīüu köu!”

⁴¹Ku bui kōc kāk Nhialic, ku kōc gät löōḡ ku kōcdīt baai. ⁴²“Ee kōc kōk kony ku cīi rot kony! Cie yen Bēnyḡaknhom Itharel? Cōl abō piny tim cī rīüu köu ëmēn, ku abuk jāl gam! ⁴³Yeen ë Nhialic ḡōōth, cōl ajōl Nhialic kony ëmēn të wīc yen ye. Rin aye lueel ëlä, ḡen ë Manh Nhialic.”

⁴⁴Agut cuēr awën cī piäät tiim kōōth kek ye, ee yekë tōon guōp aya.

Jethu acī thou ayic

(Mk 15:33-41, 44-49; Jn 19:28-30)

⁴⁵Nawën akōl ciel yic ke muōōth loi rot yet täḡ akōl pan awën. ⁴⁶Nawën täḡ akōl ke Jethu cōt röldīt, “Eli, Eli, lama thabakthani?” Ku wētde yic, “Nhialicdiē, Nhialicdiē, yeḡō pēl yīn ḡa wei.”

⁴⁷Nawën piḡ kōc kōk ke kääc ë tēnē, ke luelkë, “Mony kēnē acōl Elija.” ⁴⁸Go raan tōk kat ku lut alath muōn wac yic, ku tēēu wai thok ku ḡōck Jethu thok.

⁴⁹Ku lueel kōc kōk, “Titku buk tīḡ lōn bī Elija bēn bī bēn kony!”

⁵⁰Ku jōl Jethu keḡ apēi ku thou.

⁵¹Kaam wën ka alanh ye gēḡḡ bī luḡ Nhialic tek yic alōḡ thīn rēet yic rou, jōck nhial yeet piny. Ku loi ayiēēkyiēēk dīt rot ku ḡer piny yic. ⁵²Ku ḡany rēḡ kenhīim, ku gup kōc juēc, kōc path wäär cī thou aaci bēn pīr ku jōtkë rōt. ⁵³Ku wën cī Jethu rot jōt, ke jiēl rēḡ nhīim ku lek Jeruthalem ku nyuthkë rōt kōc juēc.

27:34 Wk 69:21 27:35 Wk 22:18 27:39 Wk 22:7; 109:25 27:40 Mt 26:61; Jn 2:19 27:43 Wk 22:8
27:46 Wk 22:1 27:48 Wk 69:21 27:51 B.bei 26:31-33

⁵⁴Nawën tñj bëny apuruuk ku apuruukken ke tit Jethu, ayiëëkyiëëk piny ku kāk cī rōt looi ëbën ke riōc apeī, ku luelkë, “Yeen ë Manh Nhialic guōp alanden.”

⁵⁵Diäär juēc aake tō thñn, ku keek aake daai tēmec. Wäär rëer Jethu Galilia, ë ye diäärkä buōth bīk miëth aa looi tēnë ye. ⁵⁶Kam ë diäärkä, Maria Magdalena ku Maria man Jemith ku Jothep, ku jōl a man wëët Dhubedī aake tō thñn aya.

Jethu aci thiök

(Mk 15:42-47; Lk 23:50-56; Jn 19:38-42)

⁵⁷Wën col piny, ke mony ajak gen Arimatheo col Jothep cī wët Jethu gam bö. ⁵⁸Ku ler tēnë Pilato ku thiëc guōp Jethu bī la thiök. Go Pilato lëk apuruuk bīk gām ye. ⁵⁹Go Jothep guōp Jethu bëëi piny tim kōu ku der alanh yer, ⁶⁰ku tēëu rañ cī wec kuur yic. Ku lōr kuur dittet rañ thok ku jiël. ⁶¹Maria Magdalena ku Maria dëëtë aake cī nyuc ke cī kenhñim wël rañ.

Kōc tit rañ

⁶²Nawën akōl Dātem akōl bö akōl Dhiëc cōk, ke kōcdit kāk Nhialic ku kōc akut Parathī la tēnë Pilato, ⁶³ku luelkë, “Bëny, acuk tak, wäär pīr aluenh kēnë ëcī lueel ëlä, ‘Yen abī ben pīr nīn kadiäk cōk.’ ⁶⁴Këya, lëk apuruuk bīk rañ tiit apath yet akōl ye nīn diäk, rin bī kōcken ye buōth guāpde cīi kual ku tōrkë tēnë kōc lōn cī ye jōt thou yic. Ku luenh ciëen abī dīt apeī tēnë luenh tuēj.”

⁶⁵Go Pilato lëk ke, “Calkë apuruuk bīk rañ la tiit apath cīt tē wic wek ye thñn.”

⁶⁶Gokë la ku buthkë rañ thok ku thanykë thok ë kiëndēn ku tēëukë apuruuk rañ nhom bīk tiit.


Jethu aci rot jōt rañ yic

(Mk 16:1-10; Lk 24:1-12; Jn 20:1-10)

28 Nayōn nhiäk rial akōl Nhialic ke Maria Magdalena ku Maria dëëtë, la bīk rañ la neem. ²Ku kaam awën ka ayiëëkyiëëk piny dīt apeī loi rot, ku bö atuny Nhialic ku lōr alēl wei rañ thok, ku nyuuc yēnhom, ³ke ceñ alēth yer apeī la toptop, ku dēp nyin cīt ye deñ bier. ⁴Go apuruuk puōth jieth ku riōcckë apeī abīk ril wei ciēt kōc cī thou.

⁵Go atuny Nhialic jam tēnë diäär ku lueel, “Duōkkë riōc, anjēc wek aa wic Jethu wäär cī piāat tim cī rīū. ⁶Aliu tēn, aci rot jōt cīt tēwäär cī luël ye. Bāk, tiēñkë tēwäär cī ye tāau thñn. ⁷Lackë la bāk la lëk kōcken

Aliu tēn, aci rot jot
cīt tēwäär cī luēl ye
(28:6)



ye buōth, ‘Lɔn cī yen rot jot raŋ yic ku ala Galilia bik la rɔm thīn.’ Lak lēkkē ke kēya.”

⁸Go diäär jāl raŋ nhom ke ban kekō̄th ke cī riō̄c, ku keek ke mit puō̄th aya, bik thok riēŋ tēnē kɔcken ye buōth.

⁹Kaam awēn ke Jethu rām ke ke ku lueel, “Bī dō̄r arēer kek we.” Gokē bēn tēnē ye ku cuetkē rōt piny yenhom ku dɔmkē cōk ku dorkē.

¹⁰Go Jethu lēk ke, “Duōkkē riō̄c,” “Lak lēkkē wāmāthkiē bik lac la Galilia tē bī yok la rɔm thīn.”

Apuruuk aaci kē cī rot looi la lueel

¹¹Tēwēn ŋoot diäär dhēl yic ke la geeu, ka apuruuk abēk, apuruuk ke tit raŋ yiic, la geeu ku lek bāny lēk kāk cī rōt looi ēbēn. ¹²Go bāny Itharel amat cɔɔl. Nawēn cīk kē cī rot looi jāam yic, ke matkē yic bik apuruuk gām wēu juēc apei, ¹³ku bik lueel, “Lɔn ē niin kek nawēn ke kɔc Jethu buōth bō wakōu ku kualkē guāpde ɣo nin. ¹⁴Ku na piŋ Bēnyŋaknhom ē wēt kēnē, ke yok aabī jam ke ye bī ciēn kēreec yōk we.”

¹⁵Go apuruuk wëëu döm ku jolkë wët awën cï bäny ke kuööt thook aa lueel. Ku jol wëtden thiëi kɔc Itharel yïth. Ku ë yen kë yekë lueel agut ya aköl.

Jethu aci rot nyuöth kacken ye buöth

¹⁶Nawën ke kacken ye buöth kathiäär ku tök lööny dhöl bik la Galilia. Ku lek gɔt nhom tē cï Jethu lëk ke bi kek la röm thïn. ¹⁷Tëwën tiŋ kek ye ke dorkë, ku kɔc kök keyiic aake diu ciët cie Jethu ayic. ¹⁸Go Jethu rot cuöt ke ku lueel, “Yen aci yiëk riel nhial ku piny. ¹⁹Lak pinynhom ëbën ku lëkkë kɔc wëtdië. Ku miackë kenhïim Rin Wun, ku Wënde ku Wëi Nhialic, ²⁰ku piööckë ke bik kajuëc ca lëk we gam. Ku muökkë wenhïim lon yen abi rëër kek we akölaköl yet thök ë piny.”